


মেয়েলি ভ্রত ও কথা.

অর্থাৎ

শ্রীকৃষ্ণের ষোড়শ-প্রচলিত কথিত
বিশ্বরণ.



শ্রীপরমেশ্বরপ্রসন্ন রায়, বি. এ.

সংকলিত.

প্রকাশক

শ্রীশুরদাস চট্টোপাধ্যায়

বেঙ্গল মেডিক্যাল লাইব্রেরী, ২০ নং কর্ণওয়ালিস ষ্ট্রীট,

কলিকাতা

• Printed by
MUNSHI MAHAMMAD PANAULLAH
At the Dt. Bd. Press, Mymensingh.

বাল্য-স্মৃতি

অগ্রজপ্রতিম

“বক্তব্য ও সাহিত্য” রচয়িতা

শ্রীযুক্ত দীনেশচন্দ্র সেন

মহাশয়ের করকমলে

প্রদত্ত হইল.

—

মুখবন্ধ

পল্লীগ্রামের রমণী সমাজে বহুবিধ বারব্রত অশুচিভ হইয়া থাকে। তাহার অধিকাংশ সম্পূর্ণ যৌষিৎ-প্রচলিত। শাস্ত্র দ্বারা প্রচারিত নয় বলিয়া মেয়েলি ব্রতগুলি দেশভেদে নানা প্রকার। পশ্চিম বঙ্গের কএকখানি ব্রত-পুস্তক প্রকাশিত হইয়াছে। এই ক্ষুদ্র গ্রন্থে পূর্ববঙ্গের বিশেষতঃ পশ্চিম-ঢাকা অঞ্চলের ব্রাহ্মণ, বৈদ্য ও কায়স্থ সমাজে প্রচলিত কতিপয় ব্রতের বিবরণ লিপিবদ্ধ হইল।

শিক্ষিত সমাজের অনেকেই অন্তঃপুরের বারব্রত ও অন্যান্য ক্রিয়াকলাপের প্রতি অবজ্ঞা-মিশ্রিত কৃপা কটাক্ষপাত করিয়া থাকেন। কিন্তু সৌভাগ্য কমে সম্প্রতি অন্তর্দৃষ্টির কাল উপস্থিত। সেই ভরসায়, এবং পূজনীয় শ্রীযুক্ত রবীন্দ্রনাথ ঠাকুর মহাশয়ের উৎসাহ বাক্য শিরোধার্য করিয়া, বাহ্যশোভা-বিবর্জিত এই ক্ষুদ্র পুস্তক জনসমাজে প্রচার করিতে সাহসী হইলাম।

শ্রীযুক্ত রবীন্দ্রনাথ ঠাকুর মহাশয় কৃপা-পূর্বক বে অতিমত জ্ঞাপন করিয়াছেন তাহা নিম্নে উদ্ধৃত হইল।

“শ্রীযুক্ত পরমেশ্বরস্বরায় মহাশয় লিপিবৃত ‘যৌষিৎ-ব্রত’ ও কথার সুস্বীকৃতি প্রাপ্ত হইয়া বিশেষ আনন্দ প্রাপ্ত করিলাম।

বহুদিন হইল সাধনা পত্রিকায় বাংলার এই সকল
 গ্রাম্য সাহিত্য প্রকাশের জন্য উদ্যোগী ছিলাম। তখন
 এগুলিকে তুচ্ছ ও লিপিবদ্ধ করিয়া রাখিবার অযোগ্য
 বলিয়া অনেকেই অনাদর করিতেন। এই সাহিত্য যে
 স্বতঃস্বত নদীর ধারার মত সূচিরকাল হইতে বাংলার
 পল্লী-গৃহের দ্বারে দ্বারে প্রবাহিত হইয়া 'আসিয়াছে,
 শিক্ষা এবং আনন্দ ঘরে ঘরে বহন করিয়া দিবার এমন
 সহজবিহিত, সুন্দর, এমন চিরন্তন ব্যবস্থা যে আর
 কিছুই হইতে পারে না, এই সাহিত্যের মধ্যেই আমাদের
 পল্লীজীবন-যাত্রার সরল মূলনীতিগুলি যে নানা আকারে
 সন্নিবেশিত হইয়া আছে এবং কালের পরিবর্তন বশতঃ
 এগুলি বিলুপ্ত হইয়া গেলে দেশের পুরাত্তরের একটি
 প্রধান উপকরণ নষ্ট হইয়া যাইবে—স্বদেশের প্রতি একদা
 ঔদাসিন্য বশতঃ একথা তখন কেহ চিন্তা করিতেন না।
 এখন যে আমাদের সেই দুর্দিনের অবসান হইয়াছে,
 দেশকে প্রত্যক্ষভাবে অনুভব করিবার জন্য আমাদের
 হৃদয়ে আগ্রহ জন্মিয়াছে, বর্তমান গ্রন্থ তাহারই সূচনা
 করিতেছে। আর একখানি ব্রত কথার সংগ্রহ অল্প
 দিন হইল প্রকাশিত হইয়াছে; কিন্তু তাহাতে কথাগুলি
 পুথির ভাষায় লিখিত হওয়ার তাহার রঙ্গ নষ্ট হইয়াছে।
 বর্তমান গ্রন্থে সেরূপ নিষ্ঠুরভাবে বিস্তৃত সাধনের চেষ্টা
 হয় নাই দেখিয়া আশ্চর্য হইয়াছি।

“আশাকরি গ্রন্থকারের সংগ্রহ অধ্যবসায় পাঠক-
দিগের নিকট হইতে সমাদর লাভ করিয়া স্বদেশের
অন্তঃপুরে নূতন নূতন সজ্জান ও আবিষ্কারে সার্থক
হউক।”

শিক্ষা ও সংসর্গ দোষে পল্লীগামের ব্রতচরণ ক্রমশঃ
বিলুপ্ত হইবার সম্ভাবনা হইয়াছে। দোল দুর্গোৎসব
প্রভৃতি ব্যয়সাধ্য ব্যাপার প্রতিগৃহে অনুষ্ঠিত হয় না।
পারিবারিক ক্রিয়াকাণ্ড প্রতিনিয়ত সজ্জচিত হয় না।
অপিচ, সঙ্গতিপন্ন ব্যক্তিগণ সহরে বাস করেন এবং
সহরেই তাহাদের বিবাহোৎসব সম্পন্ন হয়। এমত
অবস্থায় বারব্রত ও পার্শ্বগাদি বিদূরিত হইলে পল্লীগামের
বালক বালিকাদের জীবন, নীরস ও নিরানন্দময় হইয়া
উঠিবে। বারব্রত বর্জন করিলে হিন্দুগৃহে একাদশীর
নিরশু উপবাস ব্যতীত আর কি ধর্ম্মানুষ্ঠান রহিয়া যাইবে
তাহাও ভাবিবার বিষয়।

ব্রতনিয়ম ও উপবাস অবলম্বনে হিন্দু রমণীগণ শৈশব
হইতেই গুরুভক্তি, ধর্ম্ম বিশ্বাস, গৃহধর্ম্ম আস্থা ও
ইন্দ্রিয় সংযম প্রভৃতি সংগুণ শিক্ষা ও অভ্যাস করিয়া
থাকেন। অধুনা ইউরোপে বৈরূপ কিগোর-গার্টেন
প্রণালী দ্বারা বিদ্যাশিক্ষাদানের প্রথা প্রবর্তিত হইয়াছে,
আমাদের দেশে সেইরূপ কৌশলে বালিকাগণ স্মরণাতীত
কাল হইতেই “বারব্রত” পদ্ধতিক্রমে ধর্ম্মনীতি শিক্ষা-

লাভ করিয়া আসিতেছে। এইরূপ অপরূপ শিক্ষা-রীতির গুণই আমাদের সংসার এখনও এত সুধাময়। এতৎসম্বন্ধে স্বনামধন্য মার্কিং-মহিলা “ভগিনী নিবেদিতা” The Modern Review নামক ষ্ট্যান্ডার্ড পত্রের কিয়দিন হইল এক সারগর্ভ প্রবন্ধ লিখিয়াছেন। তাহা হইতে কতিপয় ছত্র নিম্নে উদ্ধৃত হইল।

“Great men work out knowledge, and give it to the community. Thus each civilisation becomes distinguished by its characteristic institutions. Nothing could be more perfect educationally than the *bratas* which Hindu society has preserved and hands to its children in each generation, as perfect lessons in worship, so in the practice of social relationships, or in manners. Some of these *bratas*—like that which teaches the service of the cow, or the sowing of seeds, or some which seem to set out on the elements of geography and astronomy—have an air of desiring to impart which we now distinguish as secular knowledge. They appear, in fact, like surviving fragments of an old educational scheme. But for the most part, they constitute a training in religious ideas and religious feelings. As such their perfection

is startling. They combine practice, story, game, and object with a precision that no Indian can appreciate or enjoy as can the European familiar with modern educational speculation. India has, in these, done on the religious and social plane, what Europe is trying, in the Kindergarten, to do on the scientific. When we have understood the *krutis*, we cease to wonder at the delicate grace and passivity of the Oriental woman."

(Sister Nivedita in an article 'The place of the Kindergarten in Indian schools' in *The Modern Review*, August 1908.)

অতঃপর, আমাদের অন্তঃপুরের বারব্রতাদি সম্বন্ধে যাহারা অযথা নিন্দাবাদ করেন, এই 'মুখবন্ধে' রবিবাবুর এবং মার্কিণ মহিলার মন্তব্য পাঠ করিয়া তাঁহাদের মধ্যে অন্ততঃ দুই এক জনেরও মুখ বন্ধ হইতে পারে একরূপ আশা করা বোধ হয় নিতান্ত অসঙ্গত হইবে না.

ময়মনসিংহ,

ভাদ্র, ১৩১৫.


সূচী.

বিষয়.	পৃষ্ঠা.
হরিশ মঙ্গলচণ্ডী. (গয়লার মেয়ে)	... ১
জয় মঙ্গলচণ্ডী. (শ্রীমন্ত সওদাগর)	... ৮
সকল মঙ্গলচণ্ডী. (শঙ্কনাথ)	... ২৩
অরণ্যমণ্ডী. (ষেটের বাছা)	... ৩১
মূলামণ্ডী. (আমিন বিভাট)	... ৪২
নাগপঞ্চমী. (ছোট বউ)	... ৪৫
গাড়শী. (অলক্ষীর ছলনা)	... ৫১
ক্ষেত্র. (কৃষি মাহাত্ম্য)	... ৫৬
বুড়াঠাকুরাণী. (শঙ্কর শাখারী)	... ৬০
ইতু-রাংল. (দুই ভগিনী)	... ৬৫
কুলই. (শুচি-বাই)	... ৮২
নাটাই. (ধনপতি সওদাগর ও ধনপৎ-কুমারী)	৮৫
পাটাই. (বউমার শিক্ষা)	... ১০৫



মঙ্গলচণ্ডীর “শেখর” দা অর্ঘ্য .

মেয়েলি ব্রত ও ক



হরিষ-মঙ্গলচণ্ডী ব্রত.

যোষিঃ প্রচলিত বার-ব্রতের মধ্যে 'মঙ্গলচণ্ডী' সর্ষপ্রধান। পারিবারিক মঙ্গলকামনা করিয়া ভগবতী চণ্ডিকা দেবীর মাহাত্ম্য বর্ণনা করাই এই ব্রতের মুখ্য উদ্দেশ্য। মঙ্গলচণ্ডী ব্রত এতদেশে তিন প্রকার প্রচলিত। হরিষ-মঙ্গল, জয়-মঙ্গল ও সধট-মঙ্গল.

বৈশাখ মাসে প্রতি মঙ্গলবারে হরিষ-মঙ্গলচণ্ডী ব্রত করা কর্তব্য। কুমারী, সধবা, বিধবা (কিচিং পুরুষদেরও) সকলেরই এই ব্রতে অধিকার আছে। প্রত্যেক পরিবারে অন্ততঃ একজন মহিলা এই ব্রত নিয়ম পালন করিয়া থাকেন। ব্রতকথা শ্রবণের পর দধি দুগ্ধ ফল মূলাদি পান ভোজন করা যায়; অন্নাহার নিষেধ.

পুরোহিত পূর্কালে পূজা করিবেন। ধান যথা;

যৈষা ললিতকান্তাখ্যা দেবী মঙ্গলচণ্ডিকা।

বরদাভয়হৃতা চ দ্বিভূজা গৌরদেহিকা ॥

রক্তপদ্মাসনস্থা চ মুকুটোজ্জ্বলমণ্ডিতা।

রক্তকৌম্বেয়বসনা স্মিতবক্ত্রা শুভাননা।

নবযৌবনসম্পন্ন চার্বঙ্গী ললিত-প্রভা ॥

সর্ববিধ মঙ্গলচণ্ডী ব্রতেই অর্ঘ্য বা চলিত কথায় “শেখর” আবশ্যিক। আটগী অথও আতপতগুল নথ দ্বারা খুঁটিয়া লইবে। তৎসঙ্গে আট গাছি দুর্কা লইয়া কলা-পাতা দ্বারা জড়াইয়া “শেখর” নির্মাণ করিতে হয়। দুই অঙ্গুলি আন্দাজ পরিমিত কলা-পাতা ছিড়িয়া লইবে। চাল করণী ও দুর্কাগুলির বৃত্তাংশ ভিতরে রাখিয়া, পাতাটী সমবাহু ত্রিভুজের আকারে এক প্রান্ত হইতে অপর প্রান্ত পর্যন্ত উপর্যুপরি ভাঁজ করিবে। শেষ প্রান্ত সন্মুখের শেষ ভাঁজে গুজিয়া দিবে। দুর্কা বাহিরে উর্দ্ধ কোণে লক্ষিত থাকিবে। সঃটমঙ্গলচণ্ডী • ব্রতে কলাপাতার পরিবর্তে ক্ষুদ্র রেসম-বস্ত্র খণ্ড দ্বারা অর্ঘ্য বাধিতে হয়.

যত জন ব্রত করিবেন ততগী অর্ঘ্য চাই। উহার সম্মুখে পাতার উপর সিন্দূর লেপন করিবে। পূজান্তে গৃহিণীগণ এই অর্ঘ্য বা “শেখর” যত্নপূর্বক তুলিয়া রাখেন। স্বামী পুত্র কন্যা প্রভৃতি স্বজনগণের বিদেশ যাত্রা কালে এই মঙ্গল “শেখর” মস্তকে স্পর্শ করিয়া “যাত্রা” করিতে হয়.

পুরোহিত পূজা করিয়া গেলে ব্রতচারিণীগণ স্নানান্তে শুদ্ধবাস পরিধান পূর্বক ভক্তি সহকারে “কথা” শ্রবণ করিবেন। ভক্তগণ একাধিক বাড়ীর মেয়েরা এক স্থানে সমবেত হইতে পারেন। সকলেই হাতে এক একটা শেখর লইয়া উপবেশন করিবেন। একজন বর্ষ্যসী রমণী কথা বলিবেন। যদি অনিবার্য কারণে (স্থপোখিত শিশুর ক্রন্দন ইত্যাদি) কাহাকেও কথা শ্রবণ শেষ না হইতেই অগ্রত চলিয়া যাইতে হয় তবে তাঁহাকে প্রতিনিধিস্বরূপ ভূমিতলে একটা আঁচড় কাটিয়া রাখিয়া যাইতে হইবে। সর্ববিধ ব্রত কথা শ্রবণেরই এই নিয়ম। অন্যান্য ব্রতে

বিশেষ বিধি না থাকিলে একটা পুষ্প হাতে লইয়া কথা শ্রবণ করিতে হয়। বিক্রমহস্তে কথা শ্রবণ করিতে নাই।

হরিষ-মঙ্গলচণ্ডী ব্রত কথা.

এক ছিটলেন বামুন ঠাকুরণ, আর ছিলেন গয়লার মেয়ে। তাঁরা দু'জনে 'সই' পাতিয়েছিলেন। ব্রাহ্মণী বৈশাখ মাসে মঙ্গলবারে হরিষমঙ্গলচণ্ডী ব্রত কোরতেন। গয়লার মেয়ে বলেন, সই, এ ব্রত করে কি হয়? "এ ব্রত কাল চিরকাল সুখে যার"। গয়লার মেয়ে বলেন, তবে আমিও এ ব্রত করবো, ব্রতের নিয়ম বলে দাও। বামুন ঠাকুরণ বলেন, তুমি গয়লার মেয়ে, ব্রতের নিয়ম পালন করতে পারবে না; তোমার স্রত ক'রে কাজ নেই। গয়লার মেয়ে বলেন, তা হবে না, আমি অবিশ্বি করবো। তারপর তিনিও বৈশাখ মাসে মঙ্গলবারে ব্রত আরম্ভ করেন। দু' একবার ব্রত করতেই না মঙ্গলচণ্ডীর কৃপায় গয়লার মেয়ের সসার ধন জনে ভরিয়া গেল। স্নেহের সীমা রহিল না। হঠাৎ এত সুখ তাঁহার সহ হলো না। তিনি কাঁদিবার জন্ত আকুল হ'লেন। বামুন ঠাকুরণের কাছে গিয়ে বলেন, সই, "সে-জনের" * (অর্থাৎ আমার) বড় কাঁদতে ইচ্ছে হচ্ছে। ব্রাহ্মণী উত্তর করেন, আমি তো তোমায় তখন বলেছি এ ব্রত করে কখনও চো'কের জল পড়ে না। গয়লার মেয়ে কিছুতেই বোঝ মানলেন না, সুখে যেন অস্থির হয়ে উঠলেন। তখন বামুন ঠাকুরণ বলেন, তোমার যদি কাঁদতে এত

* উক্তিই অকলাণ সূচক বলিয়া কথক ঠাকুরাণী এখানে উত্তম পুরুষের লক্ষণীয় স্বভাবের কথিত্ব সংকেত বোধ করেন.

সাধ হয়ে থাকে তবে এক কাজ কর। গেরুদের ক্ষেতে লাউ কুম্ভো আছে তাই তুমি লুকিয়ে তুলে নাও গে; তান্না তোমার গালাগাল দেবে, যা না বলবার তাই বলবে, তোমার মনে তখন দুঃখ হবে, তাহ'লে তুমি একটু কাঁদতে পারবে। তাই শুনে গয়লার মেয়ে লাউ কুম্ভো তুলতে গেলেন। কিন্তু ব্রতের পুণ্যতে তাঁর শরীর শুকু হয়ে গেছে; তাঁর হাত লাগতেই ক্ষেত লাউ কুম্ভোতে ভ'রে গেল। গৃহস্থেরা অবাক হ'রে ভাবতে লাগলো, ইনি তো সামান্য মেয়ে নন, স্বয়ং লক্ষ্মী ঠাকুরণ! তারপর তারা সকলে গয়লার মেয়ের বাড়ীতে সব লাউ তরকারী ব'য়ে দিয়ে এল.

গয়লার মেয়ের কান্না হলো না। তিনি সহ্যের কাছে গেলেন। গিয়ে বলেন সহ, “সেজন” (আমি) কাঁদতে পারেন না। ব্রাহ্মণী বলেন, তোমার যদি কাঁদতে এতই সাধ হয়ে থাকে, তবে আর এক কাজ কর। রাজবাড়ীর হাতী ম'রে পড়ে আছে, তুমি ঐ হাতীর শোকে হাতীর গলা ধরে মরা-কান্না কাঁদ গে। গয়লার মেয়ে তাই কল্লেন। কিন্তু ব্রতের পুণ্যতে তাঁর শরীর শুকু হ'য়ে গেছে; তাঁর হাত লাগতেই বারো বছরের মরা হাতী বেঁচে উঠলো। সকলে এই তাজ্জব দেখে বলাবলি করতে লাগলো, ইনি তো সামান্য মেয়ে নন, স্বয়ং লক্ষ্মী ঠাকুরণ! রাজা এসে হাতী ঘোড়া সোণা রূপো সওগাদ দিয়ে গয়লার মেয়ের বাড়ীঘর ভ'রে কল্লেন.

গয়লার মেয়ের কান্না হলো না। সবই উল্টো হলো! তিনি আবার সহ্যের কাছে গেলেন। গিয়ে বলেন, সহ, সুখ আরো বেড়ে যাচ্ছে; সেই উপায় করো, যাতে “সেজন” প্রাণ

ত'রে কেঁদে একটু খানি সোয়াস্তি পায়। ব্রাহ্মণী বলেন, তোমার যদি কাঁদতে এতই সাধ হ'রে থাকে তবে আর এক কাজ কর। সাপের বিষ মেখে লাড়ু তয়ের ক'রে বিদেশে তোমার বড় ছেলের কাছে পাঠিয়ে দাও। গয়লার মেয়ে তাই কল্লেন। চাকর লাড়ুর হাঁড়ি মাথায় করিয়া চলিল। বৈশাখ মাস, দারুণ রোদ ; লোকটা এক পুকুর পাড়ে হাঁড়ি রাখিয়া নান করিতে মামিল। তখন মা মঙ্গল চণ্ডী মনে ভাবলেন, আমার ভক্তের চর্যতি হয়েছে, তবে যদি আমার স্মৃত করবে তদিন ওকে চোকের জল ফেলতে দেবো না। এই ভেবে মা চণ্ডী শ্রীমুখের অমৃত দিয়ে বিষের লাড়ু অমৃতের লাড়ু করে দিলেন। চাকর হাঁড়ি তুলিয়া আবার হাঁটিতে হাঁটিতে গয়লার ছেলের কাছে পহঁছিল। ছেলে লাড়ু খেয়ে বসে, আহা মা এমন খাবার তৈরি করতে পারেন তা' তো আগে কোন দিনও জানতুম মা। মা'কে বলিস্ তিনি আরো এমনি লাড়ু যেন পাঠিয়ে দেন। এই ব'লে চাকরকে অনেক বকশীশ কল্লেন। এদিকে বাড়ীতে গয়লার মেয়ে এলোচুলে উচুনীচু স্থানে দাঁড়িয়ে প্রস্তুত হয়ে আছেন, যেই কুসংবাদটা পাবেন আর অমনি চিৎপাত হয়ে ছেলের শোকে প্রাণ ত'রে কাঁদবেন। এমন সময়ে চাকরটা ফিরে এসে গয়লা-গিল্লিকে অমন বাস্ত-সমস্ত দেখে বসে, মা ঠাকরুণ, তুমি এত উতলা হয়েচ কেন ? বড় বাবু ভাল আছেন, আর তিনি এবার লাড়ু খেয়ে খুব সুখ্যাতি করেছেন ; আর আমাকেও কত বকশীশ দিয়েছেন।

গয়লার মেয়ের এবারও কারা হ'লো না। তিনি ছুটে গিয়ে সেইয়ের কাছে বসে, সেই কাঁদতে না পারলে "সেজন" আর

হরিশ-মঙ্গলচণ্ডী.

বাহবে না। বায়ন ঠাকুরগ বহেন, আছা আর এক কাজ কর।
এবার আদং সাপ পাঠাতে হবে। এবারে তোমার মেয়ের বাড়ী
তব পাঠিয়ে দাও। সন্দেশের হাঁড়িতে সন্দেশ না দিয়ে ছুটো
কেউটে সাপ দাও। তোমার ছোট ছেলে মাথায় ক'রে তব
নিরে থাক। হয়, রাস্তায় তোমার ছেলের, নইলে মেয়ের
বাড়ীতে কারুর একটা ভাল-মন্দ অবিশ্রি ঘটবে। তখন তুমি
মা হয় করিও। গয়লার মেয়ে তাই করেন। তাঁর ছোট ছেলের
মাথায় হাঁড়ি তুলে দিবেন। বৈশাখ মাস দারুণ রোদ; এক
পুকুর-পাড়ে হাঁড়ি রাখিয়া গয়লার ছেলে স্নান করিতে
মাছিল। তখন মা মঙ্গল চণ্ডী মনে ভাবলেন, আমার ভক্তের
ছন্দিত হয়েছে। তবে যদি আমার ব্রত করবে তদিন ওকে
ছোকের জল কিছুতেই ফেলতে দেবো না। এই ভেবে তিনি
সাপ দূর ক'রে সমস্ত হাঁড়ি সোণা দিয়ে পুরে দিবেন। ছেলেটির
বড় খিদে পেয়েছিল। একটু সন্দেশ নিয়ে জলযোগ করতে
সেই কি, এই ভেবে সে হাঁড়ি খুলে দেখে, সবই সোণা! আশ্চর্য্য
হয়ে সে মনে কলে, মা দিহিকে গয়নার জন্তে এত সোণা দিলে-
ছেন তা ভালোই; তবে কুটুম বাড়ী যাচ্ছি, খাবার সামগ্রী
না নিয়ে যাওয়াটা ভাল নয়। এই ভেবে একটু সোণা তুলে
নিয়ে বাজার থেকে দই, সন্দেশ, মাছ, দুধ, পঞ্চাশ জন মুটের
মাথায় দিয়ে ভগিনীর বাড়ী গেল। কুটুমেরা এত সোণা ও
ছত্বের জিনিস দেখে আশ্চর্য্য হয়ে ছেলেটির খুব সমাদর করে।
এদিকে গয়লার গিন্নি এলো চলে উচুকীচু স্থানে দাঁড়িয়ে প্রস্তুত
হয়ে আছেন, যেই তাঁর ছোট ছেলের, মেয়ের কি জামাইয়ের
কুমারী পাবেন আর 'অমনি চিৎপাত' হয়ে শোকে প্রাণ

ভাঁরে কাঁদবেন। এমন সময়ে ছেলে উপস্থিত। মা'কে ব্যস্ত সমস্ত দৈর্ঘ্যে সে বলে, মা, তুমি এত উতলা হয়েছ কেন? দিদি-দের বাড়ীতে সব ভাল। তাঁরা তোমার সোণা পেয়ে তোমার কত সুখ্যাৎ করেছেন, আমিও বাজার থেকে দুই সন্দেশ মাছ ছুধ কিনে দিয়েছি।

গয়লার মেয়ের কান্না কিছুতেই হলো না। তিনি আবার সইয়ের কাছে ছুটে গেলেন। গিয়ে বলেন, সই কাঁদতে না পেয়ে “সেজন” বুঝি মারা গেল! বামুন ঠাকুরণ মহা বিরক্ত হলেন। খানিক ভেবে চিন্তে বলেন, হাঁ, এবার ঠিক হয়েছে আর তোমার ভাবনা নেই। এক কাজ কর। আসছে কাণ মঙ্গলবার। এবারে তুমি আর ব্রত করোনা। গয়লার মেয়ে তাই করেন। পরদিন মঙ্গলবার তিনি ব্রত উপোস বন্ধ ক'রে সকাল সকাল পঞ্চাশ ব্যঞ্জন ভাত আহার করেন। এবার সস্তি সত্যিই তাঁর দুর্ঘটি হলো। মা মঙ্গলচণ্ডী বিরূপ হলেন। সেই দণ্ডে তাঁর হাতীশালে হাতী ম'লো, ঘোড়াশালে ঘোড়া ম'লো, লোকজন, ছেলে মেয়ে জামাই যে যেখানে ছিল সব ম'রে গেল। তখন তিনি হাহাকার ক'রে দিবা রাত্তির কাঁদতে লাগলেন। তাঁর কান্নার রোল শুনে কেউ আর তিষ্ঠাতে পারে না। এই ভাবে ছ'চার দিন কেটে গেল। কেঁদে কেঁদে হয়রান হয়ে তিনি আবার সইয়ের কাছে গিয়ে বলেন, সই “সেজন” আর কাঁদতে পারে না। ব্রাহ্মণী বলেন, তা আমি কি করবো। তোমার এত দিনের সাধ, প্রাণ ভাঁরে কাঁদো। শোকে দুঃখে গয়লার মেয়ের বুক বেন কেটে বেতে লাগলো। তিনি বামুন ঠাকুরণের কাছে পড়ে বলেন, সই রক্ষ করো, “সেজন”

আর কাঁদতে পারে না, বুক বে ফেটে যাচ্ছে। ব্রাহ্মণীর দয়া হ'লো। তিনি বলেন, তোমাকে আসছে মঙ্গলবার পর্য্যন্ত অপেক্ষা করতে হবে। তিনি আগেই সব জায়গায় জায়গায় খবর পাঠিয়েছিলেন কেহ যেন মড়া পোড়ায় না, সাবধানে রাখিয়া দেয়। তারপর মঙ্গলবার ব্রাহ্মণীর উপদেশ মত গয়লার মেয়ে ঘোড়শোপচারে ভক্তি করে মহা ধুমধামে মা মঙ্গল চণ্ডীর ব্রত করেন। পূজার কুল জল মড়ার উপর ছড়িয়ে দিতেই ছেলে মেয়ে জামাই, লোকজন, হাতী ঘোড়া বে যেখানে ম'রে পড়ে ছিল সব বেঁচে উঠলো। গয়লার মেয়ের আমদের সীমা রহিন না। তিনি আবার সুখে স্বচ্ছন্দে সংসার করিতে লাগিলেন.

এই হরিষ মঙ্গলচণ্ডীর ব্রত ভক্তি করিয়া যে বৈশাখ মাসে করে সে চিরকাল সুখে থাকে, তাকে চোঁকের জল ফেলতে হয় না। একথা যে বলে, যে শোনে, তার মঙ্গল হয়.

প্রণাম। সর্ব মঙ্গল মঙ্গল্যে শিবে সর্বার্থসাধিকে।

শরণ্যে ত্র্যম্বকে গৌরি নারায়ণি নমোস্ততে ॥

জয়-মঙ্গলচণ্ডী ব্রত.

এই ব্রত যে কোন মঙ্গলবারে বার মাস করা যায়। সুগৃহিণী-গণ প্রতি মাসেই একবার নিয়ম পালন করেন। পূজা ও "শেখর" বা অর্ঘ্য নির্মাণ হরিষ মঙ্গল চণ্ডীর স্থায়। কেবল "কথা" ভিন্ন। কথাটি সুবিখ্যাত হ্রীমন্ত সঙ্করগরের উপাখ্যান। কবি-কব্ধ, মুকুন্দরাম, রচিত চণ্ডীকাব্যে উক্ত আখ্যানিক। সকলেই

অবগত আছেন। নিম্নোক্ত ব্রতকথার পাঁচালী এতদেশের রমণী সমাজে অতি সমাদরে গৃহীত হইয়াছে। ইহার রচয়িতার পরিচয় অজ্ঞাত। একস্থলে 'দ্বিজ জনার্দন' ভণিতা আছে। অতি বৃদ্ধা নিরক্ষরা ঠাকুরাণীদের অশুদ্ধ ও অসম্পূর্ণ আবৃত্তি অনু-
করণ করিয়া পরবর্তী প্রৌঢ়া বধুগণ স্মৃতি হইতে অনেকাংশ বর্জন করিয়াছেন। অতঃপর নব্যগণের পয়ার মিলের চেষ্ঠায় কোন কোন স্থল বিশেষ পরিবর্তিত বা অর্থহীন হইয়াছে। দৃষ্টান্তস্বরূপ প্রথম দুই ছত্র অবিকল রক্ষিত হইল। কতিপয় বর্ষযমী মহিলা হইতে পাঁচালী সংগ্রহ করিয়া যথাসম্ভব ঠিক্য রক্ষা পূর্বক উহা নিম্নে প্রকাশ করা গেল।

জয়-মঙ্গলচণ্ডীর ব্রত কথা.

নমো আদি দেব নারায়ণ বন্দি সঙ্কট চরণ ।
বন্দিয়া মঙ্গলচণ্ডী করি শুভক্ষণ ॥
মঙ্গল চণ্ডিকার পদে কোটী নমস্কার ।
মহামায়া রূপে দেবী মোহিলা সংসার ॥
সর্বাস্ত সুন্দর দেবী গৌরবর্ণ ধলা ।
রক্তবস্ত্র পরিধান সুবর্ণের মালা ॥
স্থানে স্থানে শোভা করে দিব্য অলঙ্কার ।
গলে তার শোভা করে গজমতি হার ॥
হুই হস্তে শোভা করে সোণার কেয়ুর ।
হু' চরণে শোভা করে সোণার নুপুর ॥
অভয়া বরদ-হস্তা দেবী মহামায়া ।
অনুগত জন প্রতি সদা তাঁরু দয়া ॥

ব্রহ্মা বিষ্ণু মহেশ্বর দেব সুরপতি ।
 চরণে ধরিতা তাঁর করে ন:মাস্ততি ॥
 সহস্র বদনে ষাঁর কইতে নারে গুণ ।
 কি আর বর্ণিব আমি, নাহি কোন গুণ ॥
 পূজহ মঙ্গলচণ্ডী জগতেরি মাতা ।
 দুর্গতি নাশিনী দেবী সর্বসুখ দাতা ॥
 পৃথিবীতে আ.ছে এক উজানি নগরী ।
 অতি মনোরম্য স্থান যেন সুরপুরী ॥
 বিক্রমকেশরী নামে তথা নরপতি ।
 সেই দেশে বাস করে সাধু ধনপতি ॥
 লহনা খুলনা তাঁর দুইটা যুতী ।
 কন্দ অকুসারে সাধু হইল দুর্মতি ॥
 বিধাতা-নির্ধক তাই সতীন বচনে ।
 খুলনাকে নিরোজিল ছাগল রক্ষণে ॥
 ছাগল হারায় নারী দৈবের কারণ ।
 ব্যাকুল হইয়া হায় ক্রমে বনে বন ॥
 ভ্রমিতে ভ্রমিতে বালা হইল মুচ্ছিত ।
 জয়কার হলুধনি গুনে আচম্বিত ॥
 সেই দিকে যান সতী প্রবেশিয়া বন ।
 সরোবর তীরে গিয়া দেখে নারিগণ ॥
 পংকবর্ণ গুঁড়ি দিয়া করেছে মংগল ।
 মধ্যতে শোভিছে ঘট পূর্ণ তাহে জল ॥
 অষ্ট গাছি ছর্কা আর অষ্টটা তঁগুল ।
 ধূপ দীপ ফুল কল্য নৈবেদ্য বহুল ॥

তাহা দেখি ভক্তিভরে খুলনা সুন্দরী ।
 লবিনয়ে জিজ্ঞাসেন কর বোড় করি ॥
 কি ব্রত করহ সবে কিবা এর ফল ।
 মোর স্থানে কহ সবে বিধান সকল ॥
 খুলনা কহিল যদি এতক বচন ।
 সাদরে কহিছে তবে ব্রত নাগিগণ ॥
 মঙ্গল চণ্ডিকা ব্রত জানিবে ইহায়ে ।
 যাহা বাঞ্ছা তাহা লাভ চণ্ডিকার বরে ॥
 গন্ধপুষ্প ধূপ দীপ নানা উপচার ।
 জলেতে পূর্ণিত ঘট প্রতি মঙ্গলবার ॥
 ছাগ মহিষ নৈবেদ্য মঙ্গল আচারে ।
 নানা পুষ্প দিয়া পূজা বিহিত প্রকারে ॥
 এই তো মঙ্গলচণ্ডী পূজা করি সবে ।
 ব্রত কথা বলি তোমা শুন ভক্তিভাবে ॥
 কলিঙ্গ দেশের রাজা সহস্রাঙ্ক নাম ।
 প্রজার পালন করে গুণে অনুপম ॥
 কালকেতু নামে ব্যাধ সেই দেশে বসে ।
 মিত্য মৃগ বধ করি পরিজন পোষে ॥
 ধনুকে জুড়িয়া বাণ কাঁধে লম্বা বাড়ি ।
 ব্যাধেরে দেখিয়া মৃগ করে দৌড়াদৌড়ি ॥
 পাছু পাছু ধার মৃগ মারিবার আশে ।
 গালায় বনের পশু প্রাণের তরাসে ॥
 পাইয়া প্রাণের ভয় যত মৃগগণ ।
 মঙ্গলচণ্ডীর পদ করিল স্মরণ ॥

কাতরে করুণাময়ী দারিদ্র্য নাশিনী ।
 সুবর্ণ পোষিকা রূপ ধরেন তারিনী ॥
 মৃগ না পাইয়া ব্যাধ গোষিকা লইল ।
 স্বরিত্ত গমনে তবে গৃহেতে চলিল ॥
 যেই মাত্র ঘরে নিগ্ন সুবর্ণ গোষিকা ।
 পরমা সুন্দরী রূপ ধরেন চণ্ডিকা ॥
 নিশ্চয় মানিয়া তবে ব্যাধ কালকেতু ।
 ঘরণীর মুখে চেয়ে জিজ্ঞাসিল হেতু ॥
 দিব্য রূপ দেখি ভাগ্যে নাহি সরে বাণী ।
 ভক্তিতরে জিজ্ঞাসিল কাহার রমণী ॥
 সদয় মঙ্গলচণ্ডী হৈলা ততক্ষণ ।
 ব্যাধকে বলিলা দেবী কোমল বচন ॥
 শুন ওহে কালকেতু ব্যাধের নন্দন ।
 ধন দিতে তোমা আমি করিছি মনন ॥
 সুবর্ণ কাঞ্চন লও এই পঞ্চ ঘট ।
 অসময়ে আরো আমি আসিব নিকট ॥
 আর পশু না বধিবে ব্যাধের নন্দন ।
 এ কারণে তোমা আমি দিহু এই ধন ॥
 এতক বলিয়া চণ্ডী হৈলা অন্তর্ধান ।
 কৃতার্থ হইয়া ব্যাধ লভিল মেয়ান ॥

ধনের বৃত্তান্ত রাজা পেরে চর মুখে ।
 বিনা অপরাধে ব্যাধে বন্দী করি রাখে ॥
 কোথা পেলো এত ধন ব্যাধের তনয় ।
 চোরা নাশ সব হবে নাহিক সংশয় ॥

কারাগারে পড়ে ব্যাধ কাঁদিতে লাগিল ।

বিপদে পড়িয়া চণ্ডী স্মরণ করিল ॥

বন্ধনেতে জড় জড় না চিনি আগন পর

বিনা দোষে কারাগারে হইল মরণ ।

কোথা পুত্র পরিবার হার না দেখিলু আর

কে আর তাদের এবে করিবে রক্ষণ ॥

সোণার পুতুলি ছেলে না তুবিবে আখ বোলে

কামিনী আর হার না লইলাম কোলে ।

কাঁদে ব্যাধ উচ্চৈঃস্বরে বন্ধে করাঘাত ক'রে

হার বিধি কিবা তুমি লিখিয়াছ ভালে ॥

মারিতাম মৃগগণ পুষ্টিবারে পরিজন

ধন রত্ন পাই তবে চণ্ডিকার বরে ।

করিতাম অঙ্গীকার মৃগ না বধিব আর,

ধন রত্ন এবে নয় রাজার ভাণ্ডারে ॥

গতি হীন পরিবার কে লবে তাদের ভার

বিপদে পড়েছি চণ্ডী কর মা উদ্ধার ।

কহে দ্বিজ জনাৰ্দন শুন ব্যাধ মহাজন

চণ্ডিকা প্রসন্ন, শোক কুরিও না আর ॥

কালকেতু-স্ততি বাক্য করিয়া শ্রবণ ।

সদয় মঙ্গলচণ্ডী হইলা তখন ॥

কৈদো না, কৈদো না ব্যাধ স্থির কর মতি ।

এসেছি করিতে আমি তব অব্যাহতি ॥

এতেক বলিয়া দেবী গেলা রাজস্থানে ।

সহস্রাঙ্ক নৃপতিকে কহেন স্বপনে ॥

আমার সেবক ব্যাধ গুনহ রাজন ।
 রজনী প্রভাত মাত্র করিবে মোচন ॥
 তোমার ভাণ্ডারে তার আনিয়াছ ধন ।
 দ্বিগুণ করিয়া তাহা করিবে অর্পণ ॥
 স্বপন দেখিয়া রাজা কম্পিত হৃদয় ।
 ব্যাধের নিকটে যেয়ে ক্ষমা ভিক্ষা লয় ॥
 ব্রত বখা শুনি বলে খুলনা সুন্দরী ।
 আজ্ঞা যদি কর তবে আজি ব্রত করি ॥
 শুনিয়া যুবতিগণ হাসিতে লাগিল ।
 অষ্ট চাঁল চুর্কা আনি খুলনাকে দিল ॥
 সেই খানে সতী সাধবী ব্রত আরম্ভিল ।
 হারানো ছাগল আসি তখনি ছুটিল ॥
 ব্রতের প্রত্যক্ষ ফলে আনন্দ অপার ।
 ঘরে এসে ব্রত করে প্রতি মঙ্গলবার ॥
 সতীনের কোপ গেল হুংখ গেল দূর ।
 সুরো হ'য়ে খুলনার আনন্দ প্রচুর ॥
 কতদিন বঞ্চিলেন সাধু ধনপতি ।
 সফরে বাইতে মনে হইল যুক্তি ॥
 ছয় মাস গর্ভবতী খুলনা তখন ।
 স্বামীর চরণে গিয়া করে নিবেদন ॥
 তুমি তো চলেছ প্রভু বাণিজ্য ব্যাপারে ।
 তোমার সম্বান আছে আমার উদরে ॥
 ছয় মাস গর্ভ আনি সাধু ধনপতি ।
 অতিজ্ঞান পত্র লেন বরষিত সতি ॥

তবে সাধু হীরামণি রত্ন জহরতে ।
হরিষে ভরেন পোত যত লর চিতে ॥
ডিক্কা অর্ঘ্য দিতে গেল লহনা যুবতী ।
খুলনারে না দেখিয়া কবিলেন অতি ॥
ক্রমে রতা ছিল ঘরে পঞ্জিহতা সতী ।
ভেঙ্গে ফেলে চণ্ডী-ঘট বণিক হুস্মতি ॥
ডিক্কা ভাসাইরা চলে সমুদ্রের ধারে !
গর্জিয়া উঠিল ঢেউ জলের ভিতরে ॥
মঙ্গল-চণ্ডীকে সাধু করে অপমান ।
সমুদ্রে ডুবিল তার ডিক্কা বার খান ॥
শাল্যবান রাজার রাজ্য অতি ভীতিকর ।
সেই দেশে উঠে সাধু হয়ে একেশ্বর ॥
অদ্ভুত দেখিল সাধু সেই দেশে আসি ।
এক কণ্ঠা হস্তী গিলে পদ্মপত্রে বসি ॥
আশ্চর্য্য দেখিয়া সাধু কোতুক হইল মন ।
রাজাকে কহেন গিরা অপূর্ব্ব কথন ॥
সেনা সহ রাজা আসে সাধুর বচনে ।
কিছু না দেখিয়া তাঁর ক্রোধ হলো মনে ॥
সাধুকে বাধিতে আজ্ঞা করিল তখন ।
কারাগারে বন্দী রহে সাধু মহাজন ॥
হেথায় সাধুর ভার্য্যা খুলনা যুবতী ।
তার ঘরে হলো পুত্র রূপেতে ত্রীপতি ॥
বাছিয়া রাখিল নাম শ্রীমন্ত কুমার ।
নিত্য নিত্য বাড়ে পুত্র যেন চন্দ্রাকার ॥

চারি বর্ষ চারি মাস বয়স হইল ।
 শুভক্ষণে হাতে খড়ি শ্রীমন্তকে দিল ॥
 পাঠশালে যার নিত্য সাধুর নন্দন ।
 অক্ষর বানান ফলা করে সমাপন ॥
 একদিন পাঠশালে শ্রীমন্ত কুমার ।
 কক্ষির কলম খসি পড়িল তাহার ॥
 শ্রীমন্ত বলেন সব পড়ুয়ার স্থান ।
 আমাকে তুলিয়া দাও অই কক্ষি খান ॥
 হাসিয়া সকলে বলে ছরক্ষর বাণী ।
 জারজ কুমার তুমি কে দিবে লেখনী ॥
 কুবচনে অপমান অন্তরে পাইয়া ।
 আপন ঘরেতে আসি রহিল শুইয়া ॥
 মাতা ও বিমাতা এসে জিজ্ঞাসে তখন ।
 কেন গো গুরেছ পুত্র না ক'রে ভোজন ॥
 প্রভাতে রেঁখেছি অন্ন খাওনা আসিয়া ।
 বড়ই অস্থির মোরা তোমার লাগিয়া ॥
 শ্রীমন্ত বলেন তবে জননীর স্থানে ।
 কাহার তনয় আমি কহ শুদ্ধ মনে ॥
 খুন্ননা করেন তবে সদর্পে উত্তর ।
 তব পিত্তা ধনপতি সাধু সদাগর ॥
 এতেক বলিয়া তবে সেই সাধবী সতী ।
 সাধুর হাতের পত্র দেন শ্রীমন্তগতি ॥
 পত্র পাঠে শ্রীমন্তের হরষিত মন ।
 মাতার চরণ পূজা করেন বন্দন ॥

ভোজন করিয়া তবে করে নিবেদন ।
দৈবজ্ঞ আনিয়া মাগো কর শুভক্ষণ ॥
পিতার উদ্দেশে আমি অবশ্য যাইব ।
পিতাকে লইয়া আমি দেশেতে ফিরিব ॥
কান্দিয়া বলেন তবে খুলনা সুন্দরী ।
বিদেশে যাইবে পুত্র প্রাণে নাহি ধরি ॥
লহনা বলেন ডাকি মান্না মাঝিগণ ।
সাজাইয়া নৌকা খানি আন এইক্ষণ ॥
অপুত্রের পুত্র মোদের নির্ধনের ধন ।
বিপদে পড়িলে চণ্ডী করিও স্মরণ ॥
অষ্টটি তণ্ডুল দুর্কা আশীষ মাথায় ।
অসময়ে চণ্ডী মাতা হইও সহায় ॥
হই জননীর পদ করিয়া বন্দন ।
যাত্রা করিয়া চলো সাধুর নন্দন ॥
একদিন দরিয়ায় ছাড়ে বড় বাও ।
মাঝির শক্তি নাই রাখিবারে নাও ॥
কাণারীর কর্ণ ছিঁড়ে, দাঁড়ীদের দণ্ড ।
শত শত গুণ ছিঁড়ি হনো ষণ্ড ষণ্ড ॥
আকাশেতে লাগে চেউ নাহি দেখি কুল ।
শ্রীমন্ত দেখিয়া তাহা হইল ব্যাকুল ॥
করষোড়ে শ্রীচণ্ডীকে স্মরণ করিল ।
বত ছিল ঝড় বৃষ্টি তখনি খামিল ॥
শাল্যবান রাজার রাজ্য অতি ভীতিকর ।
সেই দেশে উপনীত শ্রীমন্ত কুণ্ডর ॥

অদ্ভুত দেখেন আছা সেই দেশে আসি ।
 এক কণ্ঠা হস্তী গিলে পদপদ্মে বসি ॥
 আশ্চর্য্য দেখিয়া তাঁর কোতুক হলো মন ।
 রাজাকে কহেন গিয়া অপূর্ব্ব কথন ॥
 সেনাসহ রাজা আসে শ্রীমন্ত বচনে ।
 কিছু না দেখি রাজার ক্রোধ হলো মনে ॥
 এক সাধু ভণ্ড আসি কারাগারে রয় ।
 শমন সদনে একে পাঠাব নিশ্চয় ॥
 শ্রীমন্তে কাটিতে আছা করিল তখন ।
 মশানে শ্রীমন্ত করে চণ্ডিকা স্মরণ ॥
 অষ্টটা তণ্ডুল দুর্কা ধরিয়া মাথায় ।
 রক্ষ রক্ষ বলি বন্দী ডাকে চণ্ডিকায় ॥

কালি কালিকে না ! মোক্ষ কামেশ্বরি :

খর খড়গ করে ধর কালীরূপ ধরি ॥
 গণেশ জননী মাগো অগতির গতি ।
 ঘোরতরা ঘোরহরা ঘুচাও দুর্গতি ॥ •
 উকারে ভৈরবী দেবী ভৈরব অঙ্গনা ।
 উ সংজ্ঞা হেমাঙ্গিনী পঙ্কজ লোচনা ॥

চতুরে চাতুরী করে শুনগো তারিণী ।
 ছায়াদানে ত্রাণ কর তাপিত পরাণি ॥
 জননী আমার তোমা সেবে চিরকাল ।
 ব্যাপটিয়া রাখ মাগো দাসীর ছাওয়াল ॥
 একার যোগিণী রূপী যোগ পরায়ণা ।
 একার বিরিকি-বাহা কাঞ্চন-বরণা ॥ •

টলিবে আসন তব টলমল করি ।
ঠগের দৌরাণ্ডা গুনি সেবক উপরি ॥
ডরিছে সেবক তব অশুরের ডরে ।
চাল করবাল মাগো আছে তব করে ॥
ণকার রুপিণী চণ্ডী ণকার গৃহিণী ।
ণকার প্রণমি মুর্খে নমঃ নারায়ণি ॥

তারা মা ভারিণী তুমি তরাও বিপদে ।
থির কর মতি মোর স্থান দেও পদে ॥
দনুজ দলিনী হুর্গে দীনে দয়াময়ী ।
ধরিত্রী ধারণ কর হয়ে দৈত্য জয়ী ॥
নিষ্ঠারিণী রূপে রক্ষা কর গো ভারিণী ।
নমস্তে শিবের নারী নমো নারায়ণি ॥

পতিত জনের প্রতি পার্শ্বতীর দয়া ।
ফলিবে সর্বত্র, যদি দেও পদ ছায়া ॥
বরদা অভয়া দেবী ভকতে বৎসল ।
ভয়েতে বিহ্বল আমি চরণ সম্বল ॥
মহিষ মর্দিনী মাতা সর্বাণী সহায় ।
মশানে শ্রীমন্ত মাগো সোমরে তোমায় ॥

যোগ-মায়ী নমি তোমা করি বোড়কর
রক্তবীজ মহিষাসুর করিছে কাতর ॥
ললজ্জিহ্বা মুক্তকেশী রক্ত কর পান ।
বন্দী বধ করে অদ্য দৈত্য শাল্যবান ॥

শঙ্কর-গৃহিণী শিবে সর্বার্থ সাধিকে ।
বদ্যানন-গর্ভা মাতা চার্কদী চণ্ডিকে ॥

সর্বমঙ্গল মঙ্গল্যে সবার শরণ ।

হরের গৃহিণী কর ছক্কাতি হরণ ॥

কমা কর মোক্ষ দেখি অসি গিরিসুতে ।

কমস্ব ক্ষেমদে ত্রাহি হুর্গে নমোস্ততে ॥

চৌত্রিশ অক্ষরে স্তব শুনিয়া তারিণী ।

আচম্বিতে উপনীত হইলা তখনি ॥

বৃদ্ধা ব্রাহ্মণীর বেশ ডাক বাড়ি হাতে ।

শ্রীমন্তকে কোলে করি বসেন সভাতে ॥

কে তোকে কাটিতে পারে কারে তোর ভয় ।

তোর মা খুলনা আমার সেবক হয় ।

স্বপনে রাজাকে দেবী দেন দরশন ।

বিস্তর করিলা তারে তর্জন গর্জন ॥

রাজ্য প্রাণ রক্ষা যদি চাহ শাল্যবান ।

অর্ধেক রাজত্ব আর কণ্ঠা কর দান ॥

তবে রাজা দেবী বাক্য শিরেতে বন্ধিয়া ।

অর্ধেক রাজত্ব সহ কণ্ঠা দিল বিয়া ॥

বন্ধিশালে রুদ্ধ ছিল যত বন্ধিগণ ।

কুমারের পুণ্যে সবে হইল মোচন ॥

ধনপতি শ্রীমন্তের হলো পরিচয় ।

পিতার চরণে পুত্র দণ্ডবৎ হয় ॥

জামাতা বেহাই প্রতি কহে শাল্যবান ।

তোমাদের বাক্য মানি বেদের সমান ॥


সমুদ্রের তীরে পুনঃ করিব গমন ।

পদ্মাবনা দেবী যদি দেন দরশন ॥

অদ্ভুত দেখিল তারা আসিয়া তখনি ।
 কমলে কামিনী বটে গণেশ জননী ॥
 কোলে লয়ে গজামনে করেন চুম্বন ।
 হস্তীভ্রম দূরে গেল, সবিস্ময় মন ॥
 ধন রত্ন বধু লয়ে আনন্দিত মন ।
 পুত্র সঙ্গে করে সাধু স্বদেশ গমন ॥
 ধনপতি বলে শুন শ্রীমন্ত কুমার ।
 এই স্থানে বার ডিঙ্গা ডুবেছে আমার ॥
 মা চণ্ডী বলিয়া বেই স্বরণ করিল ।
 পণ্যসহ বার ডিঙ্গা ভাসিয়া উঠিল ॥
 চারি দিকে পূর্ণ হলো “জয় জয়” রবে ।
 সেই স্থানে পূজে সাধু মহা-মহোৎসবে ॥
 ষাটশ বৎসর পরে সাধু সদাগর ।
 ঘাটে এসে উপনীত লইয়া বহর ॥
 পতি পুত্র এলো শুনি পাইয়া পিরীতি ।
 লহনা খুলনা করে মঙ্গল আরতি ॥
 বধুকে লইল তাঁরা করিয়া বরণ ।
 ধূপ দীপ পুষ্প করে চণ্ডীর পূজন ॥
 একথা শুনিয়া রাজা বিক্রম-কেশরী ।
 মনুষ্য পাঠারে দিল অতি শীঘ্র করি ॥
 রাজকন্যা আছে তাঁরো অপূর্ব সুন্দরী ।
 শ্রীমন্তকে বিয়া দিল আপন কুমারী ॥
 বাড়িল সম্পদ তাঁর পুরিল কামনা ।
 বহুসং চণ্ডীর অর অগতে যৌবনা ॥

অপুত্রের পুত্র হয় নির্ধনের ধন ।
 অন্ধ জনে চক্ষু লাভ বন্ধন মোচন ॥
 বিবাহ কামনা করি পুত্র-কন্যাবতী ।
 মনোমত কন্যা-বর লভে শীঘ্রগতি ॥
 যে গৃহেতে পূজা পান চণ্ডী ভগবতী ।
 চোর অগ্নি ভয় নাই নাহিক দুর্গতি ॥
 প্রণাম করিয়া দিহু জনাধিন পার ।
 পাঁচালী উদ্ধার-ব্রতী পরমেশ রার ॥
 যে অক্ষয় পরিলেট মাত্রাহীন যাহা ।
 জনাধিন প্রসাদাৎ পূর্ণ হোক তাহা ॥

প্রণাম । সর্বমঙ্গলমঙ্গল্যে শিবে সর্বার্থ সাধিকে ।
 শরণ্যে ত্র্যম্বকে গৌরি নারায়ণি নমোত্তমৈঃ ॥



(মঙ্গলচণ্ডীর "শেখর" বা অর্ঘ্য ।)

সঙ্কট মঙ্গলচণ্ডী ব্রত ।

এই ব্রত অগ্রহায়ণ মাসে যে কোন মঙ্গলবারে একবার কর্তব্য । অগ্রহায়ণে নানাবিধ বার-ব্রত । একত্র অগ্রহায়ণে করিতে না পারিলে মাঘ মাসেও করা বাইতে পারে । ইহা কেবল সধবাদেরই কর্তব্য ।

“শেখর” বা অর্ঘ্য নির্মাণের বিশেষত্ব পূর্বেই উল্লিখিত হইয়াছে । কলা-পাতার পরিবর্তে ক্ষুদ্র রেশম বস্ত্র খণ্ড দ্বারা আতপ তণ্ডুল ও ছুঁকা বাঁধিতে হয় । এই ব্রত একজন; দুইজন অথবা চারি জন সধবা রমণী একত্র করিতে পারেন । তিনজনে করিবে না ।

পূজাস্ত্রে ব্রত-চারিণী স্বয়ং রন্ধন করিয়া আচার করিবেন । রন্ধন সময়ে উপবেশন প্রণালী একটু কষ্টকর । দক্ষিণ হস্ত নিয়ে দক্ষিণ হস্ত বাড়াইয়া সমস্ত কার্য সম্পন্ন করিতে হয় । ইহার নাম সঙ্কটাবস্থা । যতজন ব্রত করিবেন ততবার স্বতন্ত্রভাবে অন্ন পাক করিতে হইবে । ব্যঞ্জনাদি একত্র হইলে দোষ নাই । এক জনেই সকলের রান্না করিতে পারেন, অপর ব্রতচারিণীগণ সঙ্কটাবস্থার উপবিষ্ট হইয়া বাটনা বাটা কুটনো কাটা প্রভৃতি রন্ধনের সহায়তা করিবেন । এই প্রকারে রন্ধন, ভোজন, আচমন ও তাবুল সেবনের পর একজন অপরকে বলিবেন, “সঙ্কটে পার হই ?” তিনি উত্তর দিবেন, “হও” । এইরূপে তিনবার অমুমতি প্রার্থনাসূচক প্রশ্ন ও অমুকুল উত্তর হইলে সঙ্কটাবস্থা পুরিত্যাগ করিয়া গাত্রোখান করিবেন । এই প্রকারে একে একে সকলেই সঙ্কট-মুক্ত হইবেন । ব্রতের কথা রন্ধনের

সময় সকটাবস্থায় উপবিষ্ট হইয়া শুনিতে হয় । রক্তনে “সকট”-
সঙ্গিনী পাইলে সুবিধা এই যে কথা শ্রবণ ও গল্প গুজবে উপবেশন
কেশের কিঞ্চিৎ লাঘব হয় ।



(“সকট” ব্রত-চারিণীর রক্তন ।)

সকট-মঙ্গলচণ্ডী ব্রত কথা ।

এক ছিল রাজা ; তাঁর ছিল সাত রাণী । রাজার ছেলে
পুলে কিছুই হয় নাই ; একত্র তিনি বড় হুঃখিত থাকিতেন ।
একদিন রাজা সকালে উঠে দেখেন, উঠনে বাঁটি দেওয়া হয়
নাই । তিনি মহা রাগান্বিত হ'য়ে হুকুম দিলেন, বাড়ুনার
বেতরকে ধ'রে নিয়ে এস ; আমি এখনি জ্ঞান দিবে তার
গর্দান নেবো । হুকুম পেয়ে কোটাল বেতরবাড়ী ছুটে গেল ।
গিরে দেখলে, বেতর বেতে বসেচে । কোটাল বলে, হ্যারে
তোমার সাক্ষাৎ কি, রাজবাড়ীর কাজ কেলে তুই কিনা এক

সকালে খেতে বসেছিলাম। ঝাড়ুদার উত্তর করে, গোলামের
 বেরাদবি মাফ করেন তো বলি। আমার অনেক কাচা ঝাড়া
 নিয়ে ঘর কত্তে হয়, সকালে ওই আঁটকুড়ে অনামুখো রাজার
 মুখ দেখে আমাদের একদিনও খাওয়াটা ভাল হয় না। তাই
 আজ মনে করছি, আগে খেয়ে তার পব রাজবাড়ী যাব। মেত্রের
 মুখে এই কথা শুনে কোটাল অবাক হয়ে গেল। ফিরে এসে
 রাজাকে বলে, মহারাজ ভয়ে বলবো, কি নির্ভয়ে বলবো ?
 রাজা বলেন, ভয় আবার কেন, নির্ভয়ে বল। কোটাল মেত্রের
 আশ্বস্তির কথা রাজাকে সব জানালে। শুনে, রাজার মুখ
 এতটুকু হয়ে গেল। তিনি মনের ছুঁখে ভাবলেন, যা, আর এ
 এ মুখ কাঁকেও দেখাব না। সামান্য মেত্রও আমার ঘেরা
 করে! রাজা কাঁকেও কিছু না বলে, একেবারে অন্ধরে গিরে
 দরজা বন্ধ করে লেপমুড়ি দিয়ে শুয়ে রইলেন। এমন সময়ে
 রাজ সভায় এক সন্ন্যাসী ঠাকুর উপস্থিত। সন্ন্যাসী উজীর
 নাজীরকে বলেন, এখন রাজাকে আমার আগমন সংবাদ দাও।
 তারা সকলে ভাবলে, এখন উপায়! সাধু সন্ন্যাসীর কথা
 অবহেলা করা অকলাণ, অথচ রাজাকে খবর দেওয়া কার সাধ্য
 নব। অবশেষে সন্ন্যাসী এসেছেন শুনে রাণীরা অনেক সাধি-
 সাধনা করে রাজাকে বাইরে পাঠিয়ে দিলেন। সন্ন্যাসী বলেন,
 ওহে রাজা, আমি সব জানতে পেরেছি, তোমার আর চিন্তা
 নেই। তুমি এক কাজ কর। এই শিকড়টা তোমার দিলুম,
 যত্নে আর পানের রস দিয়ে রাণীদের খাইয়ে দাও; তবেই তাঁদের
 ছেলে হবে। কিন্তু তুমি এই সত্য কর, আমার পছন্দ অত একটা
 ছেলে আমাদের বান করবে। রাজা সম্মত হলেন। মনে

ভাবলেন, সাতটা হ'লে একটা দেবো তা আর এমন বেশী কি ।

সন্ন্যাসী বিদার হইলেন ! রাজা শিকড় নিয়ে রাণীদের দিলেন । ছোট রাণীর উপরই রাজার প্রাণের টান একটু বেশী ; একত্রে আর ছ'রাণী তাকে না দিয়ে নিজেরাই সব শিকড়ের অম্বুদ খেয়ে ফেলে । তার পর যখন ছোট রাণী এসে অম্বুদ চাইলে, তখন তারা বলে, সে কি বোন্, তুমি এতক্ষণ কোথায় ছিলে ? তোমাকে না খুঁজেছি এখন জায়গা নেই । যাও, ঐ শিলনোড়া ধুয়ে ধাওগে ; এখনো ওতে একটু লেপে অবিশ্রি রয়েছে । ছোট রাণী অতি ভাল মানুষ, তিনি তাই করেন ।

তার পর দু'মাস, তিন মাস, চার মাস গুণতে গুণতে নয় মাস চলে গেল । দশম মাসে ছ'রাণীর ছ'টা ছেলে হলো । কিন্তু কোনটাই সর্বাঙ্গসুন্দর নয় । কা'রও কাণা, কা'রও খোঁড়া, কা'রও বা কুঁজো এইরূপ ছ'রাণীর ছ'ছেলে হলো । আর ছোট রাণীর ? তিনি একটা শব্দ প্রসব করেন ! রাজা বলেন, এদের বা হোক মানুষের চেহারা হয়েছে ; ছোট রাণীর এটা কি হলো । রাজা আর ছোট রাণীর কাছে ঘেঁসলেন না । ছোট রাণী মনের ছুখে, সন্তানদের বাক্যবজ্ঞা এড়াবার জন্তে রাজবাড়ী ছ্যাগ ক'রে তাঁর কোলের শাঁকটা নিয়ে কাছেই এক কুঁড়ে ঘরে বাস করতে লাগলেন ।

এইরূপে কিছু দিন গেল । ছোট রাণীর শাঁক ক্রমেই বাড়তে লাগলো । রাত্তিরে ঘুমের ঘোরে তিনি টের পেতেন কোন শিশু যেন তাঁর বুকের ছব চুষে খাচ্ছে । ঘুম ভাঙলে কিছুই দেখতে পেতেন না । আর তাঁর বিছানা শিশুসঙ্কটের

নাথ -এভাবে নোংরা হইত। একদিন রাত্রে তিনি ঘুমের ভাণ
 করে শুয়ে আছেন, হঠাৎ দেখতে পেলেন শাঁকের ভেতর থেকে
 এক পরম সুন্দর বালক বের হয়ে খেলা কচে। সেই দেখা
 আর অমনি তিনি তার হাত ধরে ফেলে বলেন, সোণারটান
 ছেলে আমার! তোমার মতন ছেলে বার, তার এই দুর্দশা!
 আর তোমার আমি ছাড়বো না। এই বলে তিনি, বালক
 শাঁকের ভেতর আর না লুকোর এইজন্তে, শাঁকটি ছুঁড়ে ফেলে
 দিলেন। ছেলে বলে, মা! তুমি কি করলে, আজই সেই
 সন্ন্যাসীর মাথায় টনক পড়বে, আমাকে এস নে যাবে। অমন
 সুন্দর ছেলের মুখে মধুর 'মা' ডাক শুনে ছোট রাণী আনন্দে
 আত্মহারা হলেন। তিনি ভাবলেন, আগেতো রাজাকে তাঁর
 ছেলে দেখাইগে, তার পরে অদেটে যা থাকে হবে। মা মঙ্গল-
 চণ্ডীর নাম স্মরণ ক'রে খুব ভোরে উঠে, ছোট রাণী ছেলে নিয়ে
 রাজার কোলে দিলেন। রাজা দেখলেন, ছেলেতো নয়, বেন
 কার্তিক। তিনি আনন্দে অধীর হ'য়ে বলেন, এই ছেলেই
 রাজপুত্র হ'বার যুগ্য। এমনি সময়ে দো'রে সেই সন্ন্যাসী
 ঠাকুর উপস্থিত। সন্ন্যাসীকে দেখে রাজার প্রাণ বেন উড়ে গেল।
 তাঁর মনে বেন অন্ধকমুনির শাপ জেগে উঠলো। তিনি ছোট
 রাণীর ছেলেকে একটুখানি আড়ালে রেখে আর ছ'ছেলেকে
 সম্মুখে দাঁড় করালেন। সন্ন্যাসী সামনে থাকে 'দেখলেন' সেই
 ছেলেকে নিয়ে শুধনি বিদায় হলেন। কিছুদূর গিয়ে সন্ন্যাসী
 ছেলেকে জিজ্ঞাসা করেন, তুমি সোজা পথে যাবে, কি বাঁকা
 পথে যাবে? বাঁকা পথে অঙ্গল ও বাঘ ভালুকের ডর। ছেলেটি
 বলে, আমি রাজার যেটা রাজা, আমি কেন বিহিবিহি বাঁকি.

ভালুকের মুখে মারা যাব ? সেই পথে চল যে পথে কোন ভয় নেই । উত্তর শুনে সন্ন্যাসী-রাজার কাছে ফিরে এসে বলেন, এ ছেলেতে আমার কাজ নাই, আমারটা আমাকে দাও । এট ব'লে, তাঁহার হাতে শাঁক ছিল, তা'তে হু দিয়ে 'শঙ্খনাথ বুটেশ্বর' ব'লে ডাকতেই ছোট রাণীর ছেলে খেলা ফেলে ছুটে এলো । সন্ন্যাসী তাকে নিয়ে চ'লে গেলেন । রাজা ও ছোট রাণীর মাথার যেন আকাশ ভেঙ্গে পড়লো । রাজা কাঁদতে লাগলেন । ছোট রাণী হুর্গা নাম জপ কতে কতে গলার আঁচল দিয়ে বলতে লাগলেন, মা মঙ্গলচণ্ডী ! এ সকট হ'তে উদ্ধার কর । পাড়ার পাঁচ মেয়ে এসে ছোট রাণীকে বলে, তুমি সকট মঙ্গলচণ্ডীর ব্রত কর ; তবেই ঘরের ছেলে ঘরে ফিরে আসবে ।

এদিকে, কিছুদূর গিয়ে সন্ন্যাসী শঙ্খনাথ বুটেশ্বরকে জিজ্ঞেস করেন, তুমি সোজা পথে যাবে, কি বাঁকা পথে যাবে ? বাঁকা পথে জঙ্গল ও বাঘ ভালুকের ভয় । শঙ্খনাথ বলে, আমি রাজপুত্র, কা'কেও ভয় করি না ; আর শিকার করাই রাজধর্ম । তুমি বাঘ ভালুকের রাস্তায় আমাকে নিয়ে চল । সন্ন্যাসী তুষ্ট হ'লেন । আবার অনেক দূর গিয়ে জিজ্ঞেস করেন, এ পথে চোরের ভয়, ও পথে ডাকাতি ; কোন্ পথে যাবে ? শঙ্খনাথ বলে, আমি আগে ডাকা'ত শালন করবো, ডাকা'তের পথে চল । সন্ন্যাসী তুষ্ট হ'লেন ; মনে ভাবলেন, ছেলেটা মা'রের পুজোর যুগ্মি বটে ।

এইরূপে চলিতে চলিতে, তিন চার রাজার রাজ্য পার হ'য়ে তাঁরা এক ভীষণ অরণ্যে প্রবেশ করিলেন । সেখানে এক মন্দিরের ভিতর কালীমূর্তি, আর সন্ন্যাসীর থাকিবার এক ঘানি ধর ।

উত্তরে স্নান করিলেন। স্নানের পর সন্ন্যাসী রাজপুত্রকে বলেন, তুমি আমার ঘরের ভিতর খানিক বিশ্রাম কর। ঘরের ভিতর সব দিকে দেখতে পার, কিন্তু সাবধান, উত্তর দিকটা দেখিও না। এই বলিয়া তিনি মন্দিরে পূজার আয়োজনে বসিয়া গেলেন। শঙ্খনাথের মনে কেমন একটা সন্দেহ জন্মালো। সব দিক দেখতে পারবো, তাতে কিছু দোষ নেই, যত মানা হ'লো কি-না ওই উত্তর দিকটার! এই ভাবিয়া তিনি প্রথমেই উত্তর দিকের দরজা খুলিলেন। খুলিয়া দেখেন একটা রক্তের পুকুরে অসংখ্য কাটামুও পদ্মের মত ভাসচে। রাজপুত্রকে দেখে তারা খিলখিল ক'রে হাঁসতে লাগলো। শঙ্খনাথ আশ্চর্য হ'য়ে বলেন, তোমরা কে? আর আমাকে দেখে হাঁসচো কেন? কাটা মুওগুলি বলে, আজই আমাদের দলে আর একটা লোক পাব এই ভেবে আমাদের হাসি এলো। সন্ন্যাসী আমাদের দেবীর কাছে বলি দিয়েছে, তোমারও এই দশা করবে। রাজপুত্র বলেন, এখন ক'বে উপায়? তারা পরামর্শ দিলে, সন্ন্যাসী পূজা শেষ ক'রে তোমায় দেবীর কাছে মাথা হেঁট করে প্রণাম কত্তে বলবে; তুমি কখনও প্রণাম করো না। সাবধান! প্রণাম করেছে, কি মারা গিয়েছ। শঙ্খনাথ মঙ্গলচণ্ডীর নাম স্মরণ কত্তে লাগলেন।

এদিকে সন্ন্যাসীর আহ্লাদের আর সীমা নাই; ১০৭টা বলি শেষ হইয়া গেছে, এইটা হ'লেই তাঁর মানসিক পূর্ণ হয়। তাড়াতাড়ি কোন রকমে পূজা শেষ করে ফেলেন; লম্বা পূজাও হ'য়ে উঠলো না। মা কাত্যায়নী বিরূপ হ'লেন; সেবার তাঁর পূজা আর গ্রহণ করেন না। বাই হোক, সন্ন্যাসী তো রাজপুত্রকে মন্দিরে নিয়ে এলেন। তিনি বলেন, শঙ্খনাথ!

দেবীকে সাষ্টাঙ্গে প্রণাম কর। শঙ্খনাথ মা কাভ্যারণীকে মনে মনে প্রণাম ক'রে মুখে বলেন, আমি রাজপুত্র, প্রণাম পেয়েছি ছাড়া প্রণাম কেমন করিরা করিতে হয় তাহা জানি না। তুমি আগে প্রণাম ক'রে দেখিয়ে দাও। আমি তাই দেখে শেষে প্রণাম করবো। সন্ন্যাসী হাতের খাঁড়া মাটিতে রেখে সাষ্টাঙ্গে প্রণাম করিলেন। আর অমনি দেবীর ইচ্ছিতে, রাজপুত্র খাঁড়া হাতে ক'রে সন্ন্যাসীকে এক কোপে কেটে ফেলেন। সন্ন্যাসীর রক্ত হ'তে আবার নূতন সন্ন্যাসী জন্মাতে লাগলো। একজন কাটেন তো দশজন হয়। কিছুতেই সন্ন্যাসীর ক্ষয় হয় না। তখন দেবীর আদেশ হইল, “ডাইনে কেটে বায়ে (খাঁড়া) মোছ, বায়ে কেটে ডাইনে মোছ।” শঙ্খনাথ তাই করেন। তখন সব রক্তবীজ সন্ন্যাসী নিপাত হলো। শঙ্খনাথ পূজার ফুল,জল রক্ত পুকুরে কাটা যুগের উপর ছড়িয়ে দিলেন; তখন তারা সকলে বেঁচে উঠলো, আর রাজপুত্রকে ধন্য ধন্য কহতে লাগলো। তিনি মা চণ্ডীকে প্রণাম ক'রে স্বদেশ যাত্রা করেন। শঙ্খনাথের নাম দেশময় ছড়িয়ে গেল। পথে এক রাজা তাঁর কন্ঠার সঙ্গে শঙ্খনাথের বিয়ে দিবে অর্ধেক রাজত্ব দান করেন।

রাজপুত্রুর বৌ নিরে বাজি বাজনা ক'রে বাড়ী চলেন। সে দিন অম্বাণ মাস মঙ্গলবার, ছোট রাণী সকট মঙ্গলচণ্ডীর ব্রত করছিলেন। পাড়ার পাঁচ ঘেরে ছুটে এসে বলে, ওঠ মা, তোর ছেলে রাজকন্ঠে বিয়ে ক'রে বাড়ী আন্চে। ছোট রাণী বলেন, ছেলেকে বাইরে খানিক অপেক্ষা কহতে বল। আমি এখন উঠিতে পারবো না। তার পর, ব্রত সমাপন করিরা ‘সকট’ [২০ পূজার উপবেশন প্রণামী দেখ] হ'তে উঠে, ভবে ছেলে

বউকে বরণ করে করে আনলেন। রাজা ও ছোট রাণী হলে
ও বউ পেয়ে মহাসুখী হলেন। তাঁরা সুখে সুখে রাজত্ব
করতে লাগলেন।

এই ব্রত করে অপুত্রের পুত্র হয়, নির্ধনের ধন হয়, আগল
বালাই দূর হয়। চিরকাল সুখে যায়।

অরণ্যযজ্ঞী ব্রত।

জ্যৈষ্ঠ মাসের শুক্লযজ্ঞীতে অরণ্যযজ্ঞী ব্রত করিতে হয়। এই
মাসে কল-শ্রেষ্ঠ পক আত্মের আধিক্য বশতঃ আত্মফল নৈবেদ্যের
প্রধান উপকরণ। এজন্য চলিত কথায় ইহার অপর নাম আম-
যজ্ঞী ব্রত। বলা বাহুল্য এ দিবস জামাই বাবুদের স্বরণীয় দিন।

স্বীলোকেরা তালবুস্ত ও পূজার দ্রব্যাদি লইয়া বনে গমন
পূর্বক অরণ্যযজ্ঞী দেবীকে পূজা করিবেন, এইরূপ শাস্ত্রের
বিধান। অরণ্যে পূজার ব্যবস্থা বটে, কিন্তু অরণ্য বলীয় পুরুষদের
পক্ষেও সুগম নহে। এজন্য গৃহিণীগণ গৃহ মধ্যেই (প্রাঙ্গণেও
নহে) অরণ্য কল্পনা করিয়া যজ্ঞীদেবীর পূজা করিয়া থাকেন।
পাহাড় জঙ্গল সুলভ শিলাখণ্ডে যজ্ঞীদেবীর অধিষ্ঠান করিত হয়।
অল্প প্রস্তর খণ্ডের অভাবে মশলা পেশণী “নোড়া” দ্বারাই কার্য
নিশ্চয় হয়। কুলবতীগণ সিন্দূর-লিপ্ত একটা ভগ্নাবশেষ নোড়া
এই বার্ষিক ব্রতের জন্ত সযত্নে গৃহে তুলিয়া রাখেন।

গৃহের তিতর অরণ্য কল্পনা মন্দ নয়! অনেক নিরীহ ব্যক্তি

অধিবাদিনী ভার্যার সঙ্গে কলহ করিয়া শাস্ত্রীয় ব্যবহার
বর্ষাধা রক্ষা করিবার জন্য অরণ্যগমনের ইচ্ছা প্রকাশ করেন ।
অতঃপর বোধ হয় তাঁহাদের গৃহে রহিয়া গেলেই চলিবে । যথা
গৃহং তথা অরণ্যং !

পুরোহিত যথা-বিধি পূজা করিবেন । ধ্যান যথা ;

ষিভুজাং হেম গৌরাজীং রত্নালঙ্কার ভূষিতাং ।

বরদাভয়হস্তাঞ্চ শরচ্চক্র নিভাননাং ॥

পট্টবস্ত্র পরিধানাং পীনোরত পয়োধরাং ।

অঙ্কার্পিত স্নাতাং বস্ত্রীশ্মার্জ্জারস্থাং বিচিস্তয়েৎ ॥

পূজান্তে ব্রত কথা শ্রবণ ও ব্রত নির্দিষ্ট কার্যাদি করিয়া
সে দিবস ফলমূলাদি আহার করিতে হয় । ব্রতের ফল, সম্ভান
লাভ ও পুত্র কন্তার দীর্ঘ জীবন ।

ব্রতের সংকল্প বাড়ীর মেয়েদের নামে হয় । যতজন ব্রত
করিবেন ততটী (১) বীজন বা পাখা, (২) পক আম্র ও (৩)
ছর্কাগুচ্ছ আবশ্যিক । এই ছর্কাগুচ্ছ পূর্বদিন অপরাহ্নে বাড়ীর
কন্তাগণ ছর্কাক্ষেত্র হইতে সম্বন্ধে সংগ্রহ করেন । “ছয় কুড়ি
ছয় গাছি” * দীর্ঘবৃন্ত ছর্কা এবং ছয়টী নূতন বাঁশপাতার অগ্র-
ভাগ একত্র করিয়া কলাগাছের ছোবড়া বা আঁশ দ্বারা বাধিতে
হয় । তবেই একটী ছর্কাগুচ্ছ বা এক আটি ছর্কা হইল ।

পূজা স্থলে পিটুলীর বিচিত্র আলিপনা দিবে । প্রত্যেক
ব্রতচারিণীর নির্দিষ্ট পাখার উপর একটী পাকা আম ও পূর্বোক্ত
এক আটি ছর্কা স্থাপন করিয়া পূজা স্থলে রাখিবে । পাখার

* সর্গদেব বসীকৃত্তে “ছয়” সংখ্যায়িত বড় সমাদর ।

সিন্দুরের ফোঁটা দেওয়া বিধি। একটা কলা, একটা সুপারি ও একটা পান একত্র করিলে এক ভাগ হইল। এইরূপ প্রভি ব্রতচারিণীর নিমিত্ত ছয় ভাগ দিয়া কুচো নৈবেদ্যের স্থায় এক খানি বা ততোধিক বড় ডালা সাজাইয়া দিবে। তারুলপত্র দোস্তাজ করিয়া খড়কে দ্বারা আবদ্ধ করিয়া দিতে হয়। অস্ত্র নৈবেদ্যাদিও দিবে।

পূজার পূর্বে (ষষ্ঠীতিথি কাল সংকীর্ণ হইলে পূজার পরে হইলেও চলে) ব্রতচারিণী তাঁহার নির্দিষ্ট পাখা, আম ও ছর্কার আঁটি লইয়া স্নান করিবেন। কেহ গারে তৈল মাখিবেন না। এখানে বলা আবশ্যিক ষষ্ঠীব্রতের দিন তৈল ও আমিষ নিষিদ্ধ। বুকজলে দাঁড়াইয়া পাখা ও আম বাঁ হাতে রাখিয়া ছর্কার আঁটি দ্বারা “ছয় কুড়ি ছয় বার” চোখে জলের ছিটা দিবেন। পরে ঐ তিন দ্রব্য ডান হাতে লইয়া বুকে ছয় বার জল দিতে হয়। স্নানান্তে ঐগুলি পূজাস্থলে রাখিয়া দিবেন। পূজা শেষে ফুল হাতে করিয়া ব্রতকথা শুনিতে হয়। কতগুলি অতিরিক্ত ছর্কা (আঁটি বাঁধা নয়) পূর্বেই সংগৃহীত থাকে। ইহাকে “ষাট বাছা” ছর্কা বলে। কথা শ্রবণের পর এক এক গাছি ছর্কা লইয়া পূর্বোক্ত নোড়ার উপর দিবে এবং এইরূপ বলিবে, যথা :

অগ্রহায়ণে * মূলো ষষ্ঠী, ষাট ষাট ষাট (ছর্কাদান)

* অগ্রহায়ণ মাসের নাম সর্ব প্রথমে উল্লেখ করিতে হয়। এই মাসে বঙ্গদেশে পঞ্চ প্রাচুর্য হেতু সৌন্দর্য্য বর্ধিত হয়। একান্ত বৎসরের অপর গুলি অসৌন্দর্য্য ইহাকে ষ্ঠে (অগ্র) মাস বলে। সেরেলি নামক অগ্রহায়ণ মাসে বড়; আর কোম মাসে তত নয়।

পৌষে লোটন যাত্রী, (ত্রৈ) । মাঘে শীতলা যাত্রী, (ত্রৈ)-
 কাঙ্কনে শুণো যাত্রী (ত্রৈ) । চৈত্রে অশোক যাত্রী, (ত্রৈ) ।
 বৈশাখে হই যাত্রী, (ত্রৈ) । জ্যৈষ্ঠে অরণ্য যাত্রী,
 অরণ্যে গেলেও বি পুত্র ফিরে আসে (ছর্কাদান) ।
 আষাঢ়ে চাপড় যাত্রী, (ত্রৈ) । শ্রাবণে লুঠন যাত্রী, (ত্রৈ) ।
 ভাদ্রে অক্ষরা যাত্রী, (ত্রৈ) । আশ্বিনে বোধন যাত্রী, (ত্রৈ) ।
 কার্তিকে শ্মশান যাত্রী, শ্মশানে গেলেও বি পুত্র
 ফিরে আসে । ষাট ষাট ষাট (ছর্কাদান) ।

অতঃপর,

কাণী, দুর্গা ও গৃহদেবতার নাম উল্লেখ করিয়া ... ষাট,
 ষাট, ষাট (ছর্কাদান) ।

তার পর,

ছেলে, মেয়ে, বউদের নাম করিয়া . (পূর্ববৎ ছর্কাদান
 করিবে।)

তৎপর ডালার আম কলা পান সুপারি এক এক ভাগ
 তুলিয়া এক জন অপবের হাতে দিবেন । ইহাকে বায়না বদল
 করে । নন্দ ও ভাই-বোঁতে, জা'রে জা'রে এইরূপ বদল চলে ।
 কিন্তু খাণ্ডী-বোঁতে হয় না ।

অনন্তর নোড়ার উপর আলো চাউল ছিটাইয়া বলিতে
 হয়, কথা :

নিজ পেটে নাই এলো-মেলো (ঘুরপাক) ষাট ষাট ষাট
 (চাল নিকেশ) ।

ঘোর পেটে নাই (ত্রৈ) । চাল নিকেশ । কিয় পেটে
 নাই (ত্রৈ) ।

অবশেষে একে একে ছেলে মেয়ে ও বাড়ী শুদ্ধ সকলের
গা'রে পূর্বোক্ত ছক্কীর আটি ঘারা জন ছিটাইয়া ও পাখার বাতাস
দিয়া বলিবে ;

“জ্যৈষ্ঠ মাসের বস্তুপূজা, ষাট ষাট ষাট !”



অরণ্যবাসী ব্রীত কথা ।

এক ছিলেন ব্রাহ্মণ । তাঁর ব্রাহ্মণীর সন্তান হ'রে বাঁচে
না । সন্তান হ'লেই না বস্তু বাহন কালো বেড়াল মুখ ক'রে
নিরে বস্তুক্কণের কাছে ছেলে দিয়ে আস্তা । ব্রাহ্মণের
একত্র ছুঃখের সীমা নাই । তিনি ভাবলেন আখারনা ব্রাহ্মণীর
বে কি অপরাধ হ'য়েছে তা' কিছুই ঠাওরাতে পাচ্ছিন । ৩৩৫

ছেলেই না বাঁচলো তবে আর সংসারে থেকে সুখ কি । শুনেছি
যষ্ঠীঠাকুরগণ পাহাড় জঙ্গলে থাকেন । তাঁকে খুঁজে বের করে
কষ্টের কথা জানাব । আর যদি তাঁর দেখা না পাই তাহলে
আর ঘরে ফিরবো না । মনের কষ্টে তিনি একদিন ব্রাহ্মণীকে
ঘরে রেখে যষ্ঠীদেবীর উদ্দেশে যাত্রা করলেন ।

পথে এক গাইগোরুর সঙ্গে দেখা । গোকু বলে, ঠাকুর
গো ! প্রণাম হই ; কোথায় যাচ্ছ ? ব্রাহ্মণ বলেন, আমার
ছঃখের কথা বলতে যষ্ঠীঠাকুরগণের কাছে যাচ্ছি । তাই শুনে
গাই বলে, ঠাকুর ! আমারও ছঃখের কথা আছে । দেখ আমার
এত দুখ হয়েছে, তা' মানুষেও নেয় না, বাছুরেও খায়না । বাঁটের
বেদনার আমি দিন রাত অস্থির আছি । তোমার পা'রে
পড়ি, যষ্ঠীঠাকুরগণের কাছে আমার কথাটা ব'লো । ব্রাহ্মণ
স্বীকার করেন ।

জ্যৈষ্ঠ মাস, দীক্ষণ বোধ ; ব্রাহ্মণ পথে যেতে যেতে এক
আম গাছের তলায় বিশ্রাম করতে গেলেন । তখন আম গাছ
বলে, ঠাকুর ! কোথায় যাচ্ছ ? “যষ্ঠীঠাকুরগণের কাছে যাচ্ছি ।”
কেন ? “আমার ছঃখের কথা বলতে ।” তাই শুনে আম
গাছ বলে, ঠাকুর গো, আমার গতি কি হবে ! আমার দেখ
কত কল্ল হয়েছে, তা' মানুষেও নেয় না, ঝড়েও পড়ে না,
কাঁকেও খায় না । বাঁটার ব্যথায় আমি অস্থির হয়েছি ।
তোমার পা'রে পড়ি, যষ্ঠীঠাকুরগণের কাছে আমার কথাটা মনে
ক'রে ব'লো । ব্রাহ্মণ সম্মত হ'লেন ।

* তার'পর এক কাঠ কুড়ুণী মেয়ের সঙ্গে দেখা । তার মাথায়
এক বোঝা খড় ও কাঠ । সে বলে, দাদা ঠাকুর ! আমার

ছঃখের কথাটা ষষ্ঠীঠাকুরের কাছে অবশ্য ক'রে বলো। আমার খড় ও কাঠ কেউ কিনে নেয় না, আর মাথা থেকেও বোঝা নামে না।

পথে আবার এক গরীবের মেয়ের সঙ্গে দেখা। তার মাথায় এক মালশা চূণ। সেও বলে, আমার এই চূণ কেউ কিনে নেয় না, আর মাথা থেকেও মালশা নামে না। ঠাকুর, আমার কথাটাও যেন মনে থাকে।

তার পর পথে যেতে যেতে আরও একজন ছঃখী মেয়ে-মানুষের সঙ্গে দেখা। তার কোলে এক ছেলে, ঢেঁকির উপর এক পা। সেও বলে, ঠাকুর আমার দুর্দশা দেখ; ঢেঁকি থেকে পা কিছুতেই নামাতে পারি না; ছেলেও কোল থেকে নামাতে পারি না। ঠাকুর গো! আমার উপায় কি হবে? তোমার গড় করি, আমার কথাটা ভুলো না।

ব্রাহ্মণ অনেক কষ্টে খোঁজ খবর ক'রে এক মহা অরণ্যে ষষ্ঠীদেবীর সাক্ষাৎ পেলেন। তিনি দেখলেন, অপক্লপ! ষষ্ঠী-ঠাকুরের চাঁদপানা মুখ, সোণার অঙ্গে হীরে মাণিক, সিঁতের সিন্দূর, মুখে পাণ, কোলে এক টুকটুকে ছেলে, “সোণার খাটে গা, রূপোর খাটে পা, চাঁদিকে বইচে খেত চামরের বা।”

ব্রাহ্মণ প্রণাম ক'রে করযোড়ে দাঁড়ালেন। ষষ্ঠীঠাকুর বলেন, তুমি কেন এসেছ তা জানি। তোমার ব্রাহ্মণী ছেলে-পুলের আদর বড় কিছুই জানে না। আমার-দেওয়া সন্তানকে তুচ্ছ করে। এজন্য তার ছেলে বাঁচে না। তুমি আমার কাছে এই প্রতিজ্ঞা ক'রে যাও, এয়ার ছেলে হ'লে তোমরা তার গায় হাত তুলবে না, কেবল ‘বাট সোণা’ ব'লে আদর করবে, আদর

সরে থাকবে। তা যদি কস্তে পার তবেই আমি তোমাদের কাছে ছেলে রাখবো, নইলে আমার ছেলে আবার আমার কাছে ফিরে আসবে। ব্রাহ্মণ স্বীকার করলেন।

তারপর তিনি সেই গাইগোক, আম গাছ, আর মেয়ে তিনটির কথা একে একে নিবেদন করলেন। ষষ্ঠীঠাকুরগণ বললেন, এক বায়ুন দেব-সেবার জন্তে দুধ চেয়েছিল। যখন দুধ দোর তখন গাইটা দুধ চুরী করেছিল। এজন্তে তার ঐ দুর্দশা। একজন বায়ুনকে অকাতরে দুধ ছেড়ে দি'ক, তবেই তার ভাল হ'য়ে যাবে এখন।

আম গাছের কথা শুনে ষষ্ঠী বললেন, এক বায়ুন দেব-সেবার জন্তে একটি পাকা আম নিতে এসেছিল। গাছটা ফলের বোটা শক্ত ক'রে টেনে রেখেছিল, এজন্তে তার ঐ দশা হয়েছে। একজন বায়ুনকে সমস্ত ফল দি'ক, তবেই তার ভাল হবে।

কাঠকুড়ুণী মেয়ের কথা। সে একজনের মাথায় খড়ের কুটা দেখেও কিছু বলে নি, এজন্তে তার ঐ দশা। একজন বায়ুনকে সব খড় কাঠ দি'ক, তবেই তার ভাল হবে।

চূণ ওয়ালীর কথায় ষষ্ঠী বললেন, সে একজনের মুখে চূণের দাগ দেখেও কিছু বলেনি, এজন্তে তার ঐ দশা। একজন বায়ুনকে চূণের মাগলা দি'ক, তবেই তার ভাল হবে।

আর ঢেঁকি থেকে যার পা নামে না। ঐই আবাগী এক বায়ুনের বাড়ীতে দাসীপনা করতো; তখন সে কাজ ফাঁকি দিত। এই জন্তে তার ঐ দুর্দশা। এখন এক বায়ুনের বাড়ীতে কাজ করুক গে, তবেই তার ভাল হবে।

ব্রাহ্মণ ষষ্ঠী ঠাকুরগণের নিকট হইতে বিদায় হ'লেন। ফিরি-

বার পথে প্রথমে ঐ দাসীর সঙ্গে দেখা। সে বলে, ঠাকুর গো! প্রণাম হই। আমি তোমার জন্তে পথের পানে চেয়ে আছি। ব্রাহ্মণ বলেন, হাঁ বাছা, তোমার কথা বলেছি। তুমি আগে এক বামুনের বাড়ীতে দাসী ছিলে; কেমন? “হাঁ, ঠাকুর ঠিক বলেছ।” ষষ্ঠী ঠাকুরণ বলেন, তখন তুমি কাজে গাফিলি কোরতে। এই জন্তেই তোমার এই দশা। ষষ্ঠী বলেন, তুমি এক বামুনের বাড়ীতে কাজ কর গে, তবেই তোমার ভাল হবে। তাই শুনে সে বলে, ঠাকুর বাঁচলুম; তুমিই তো বামুন, তোমার বাড়ীতেই আমি কাজে লেগে যাই। ব্রাহ্মণ বলিলেন, আচ্ছা চল।

তারপর চূণওয়ালী, কাঠকুড়ুণী, আমগাছ ও অবশেষে গাইয়ের সঙ্গে দেখা হলো। তারা সব কথা শুনে, তিনিই তো ব্রাহ্মণ এজন্ত তাঁকেই চূণ খড়কাঠ, আম ও তুখ দিতে চাইলে। ব্রাহ্মণ অগত্যা স্বীকার করেন। তারা মুক্ত হলো।

ব্রাহ্মণ বাড়ীতে এলেন। কিছুকাল পরে মা ষষ্ঠীর বরে তাঁর এক পরম সুন্দর ছেলে হলো। মা বাপের মুখে সদাই কেবল “ষাট, বাছা, সাত রাজার ধন মানিক আমার” ইত্যাদি ছেলে একদিন ছুটুমি ক’রে নাপিতের কান কেটে দিলে। নাপিত চেঁচাইতে লাগিল। ব্রাহ্মণ ও ব্রাহ্মণী ছুটে এসে “মানিক আমার! হুলাল আমার” বলে ছেলেকে কোলে নিলেন, আর নাপিতের হাতে কিছু টাকা শুঁজে দিয়ে বিদায় করেন। তার পর ছেলে একটু বড় হ’লে আদর ক’রে তার বিয়ে দিলেন। একদিন ছেলের বউকে মিছিমিছি খুব মা’রে। মার টথয়েও কনে বউটা বলে,

কিছু ছুঁখ নাই মনে, শ্বশুর-নন্দন !

তোমারি প্রসাদে শাঁখা সিন্দূর চন্দন ।

একদিন ঘরে যাত্রীব্রত । ছেলে তার মায়ের কাছে গিয়ে বলে, মা তেল দাও, * নাইতে যাব । মা হাঁসতে হাঁসতে বলেন, না বাছা, যাত্রীব্রতের দিনে কি গারে তেল মাখতে আছে ? খুড়ী, জেঠাই, মাসী, পিশি সবাই মিষ্টি কথায় তাই বলে । তখন ছেলে মনে করে, অন্ততঃ শ্বশুর বাড়ীতে আমার কথা অবহেলা কত্তে কারু সাধা হবে না । এই ভেবে, সে ছুটে শ্বশুর বাড়ীতে চ'লে গেল । সেখানে জামাই আদর ; শুধু মিষ্টি কথায় মন ভুলানো নয়, দেখবার, শোনবার, খাবার সবাতেই মিষ্টি । জামাই বলে, আমি নাইতে যাবো, তেল দাও । সুন্দরী শ্রালীরা তার চা'দিকে ব'সে হেঁসে হেঁসে বলে, তুমি হঠাৎ এসেছ, রান্নার এখনো ঢের দেরী ; তুমি ততক্ষণ একটু জল খাও । এই ব'লে কেউ আমার খালা, সন্দেশের খালা, কেউ পায়ের ও কীরের বাটা ইত্যাদি, কত নাম বলি, এই সব এনে জামাইকে ঘিরে বসলো । জামাই বলে, আমি না নেরে কিছুই খাব না । তখন শ্রালীরা তেলের বদলে তেলের বাটিতে ক'রে মধু এনে দিলে । তাই মাথায় দিয়ে জামাই ভাবলেন, আহা ! শ্বশুর বাড়ীর তেলটুকুও মিষ্টি ! বেগতিক দেখে "মধুর পুরী" জাগ ক'রে ছেলে এক দৌড়ে কলুর বাড়ী গিয়ে তার ভাঁড় ভেঙ্গে গারে তেল মাখলে । তেল মেখেই

* পুরী বলা হইয়াছে, যাত্রীব্রতের দিন তেল ব্রহ্মণ ও আদির ভক্ষণ নিষিদ্ধ । পরবর্তী ব্রত কথায় (মুলোযাত্রী) আমিব-বিজাট বর্ণিত হইয়াছে ।

ছেলে একেবারে ছুটে মা বস্তীর কাছে উপস্থিত। বস্তীঠাকরুণ আশ্চর্য্য হয়ে বলেন, বাছা হঠাৎ এলে কেন? ছেলে গারে তেল দেখালে। বস্তী বলেন, তোমার মা, খুড়ী, জেঠাই, মাসী পিশি, খাশুরী, শালীরা কেউ ইচ্ছা ক'রে তোমায় আজ তেল দেয়নি। তুমি নিজেই জোর ক'রে কলুর ভাঁড় ভেঙ্গে তেল মেখেছ। কাজ ভাল হয়নি, এতে ওদের দোষ কি? তুমি এখনি ফিরে যাও। ছেলে তখন নান ক'রে বাড়ী গেল। সেই থেকে বাবাজীর মতি ফিরিল। বিদ্যে হলো, বুদ্ধি হলো। ব্রাহ্মণ ও ব্রাহ্মণী ছেলে, নাতি, নাতনী নিয়ে পরম সুখে ঘরকন্না কহতে লাগলেন।

প্রণাম। জয়দেবি জগন্মাত জ্জগদানন্দ কারিণি।


প্রসাদ মে কল্যাণি নমস্তে বস্তীদেবিকে ॥

বস্তীদেবীকে প্রণাম জ্ঞাপনের সঙ্গে সঙ্গে পূর্বোক্ত নোড়া ললাটে ও বক্ষের স্পর্শ করিতে হয়।

এ ব্রত কল্পে কি হয়?

হয়ে পুত্র মরবে না।

চোকের জল পড়বে না ॥



মূলা-ষষ্ঠী ব্রত ।

অগ্রহায়ণ মাসের শুক্লষষ্ঠী তিথিতে মূলোষষ্ঠীব্রত করিতে হয় । নিরামিষ আহারের গৌরব প্রকটিত করা অন্ততম উদ্দেশ্য বলিয়া বোধ হয় । পক আম্রফল নৈবেদ্যের প্রধান উপকরণ বলিয়া জ্যৈষ্ঠ মাসের অরণ্যষষ্ঠীব্রতের অপরনাম আমষষ্ঠী । উৎসব, শীতকাল-সুলভ (অথচ মাঘ মাসে নিষিদ্ধ) মূলক তরকারির অগ্রহারণে প্রথম আবির্ভাব বলিয়া উহা অতি সমাদরে নিবেদন করা যায়, এই জন্ত এই ব্রতের ঐরূপ নামকরণ । ইহার অপর নাম “ছয় আনাঙ্গের যষ্ঠী” । ব্রতচারিণী সধবাগণও এ দিন ছয় আনাঙ্গের নিরামিষ ব্যঞ্জন আহার করেন । ছয় আনাঙ্গের মধ্যে মূলা সর্বপ্রধান । অন্ত পাঁচটি তরকারি সম্বন্ধে বিশেষ নিয়ম নাই । সাধারণতঃ গোল আলু, রাস্কা আলু, বেগুন, মিঠে কুমড়া, সিম, পটোল, ঝিঙ্গে, উচ্ছে, কপি, কড়াইগুঁটি এতন্মধ্যে বে কোন পাঁচটি লইবে । আনাঙ্গ কুটির বাটনা বাঁটিয়া পূজার কাছে দিতে হয় । আলিপনা, পূজা ও অন্ত নৈবেদ্যাদি অরণ্যষষ্ঠীর স্থায় । কেবল ছুর্কার আঁটি ও পাখা লইতে হয় না । কিন্তু নোড়ার উপর ছুর্কা দ্বারা ‘ঘাট বাছা’ তন্ত্র মন্ত্র অরণ্যষষ্ঠীর মত । আর একটি বিশেষ প্রভেদ এই যে পিটুলির দ্বারা ক্ষুদ্র গাই ও বাছুরের পুতুল গড়িতে হয় । যত জন ব্রত করিবেন ততটা গাই ও ততটা বাছুর গড়িবে । হলুদ, চূণ ও মশলা সংযোগে সাদা, হলুদে, লাল প্রভৃতি নানা রঙ্গের পুতুল গড়িবে । পূজান্তে প্রত্যেকে একটি গাই ও একটি বাছুর হাতে লইয়া ব্রত কথা শুনিবে । পরে ছেলোয়া ঐ পুতুল দ্বারা খেলা করে ।

মূলা-যতীভ্রত কথা ।

এক ছিলেন ব্রাহ্মণ । তাঁর মাংস খেতে সাধ গেল । এক দিন কোথেকে এক হাঁস নিয়ে এসে ব্রাহ্মণীকে বলেন, আমার মাংস খেতে ইচ্ছে হয়েছে, আমার রেঁধে দাও । আর তুমি না পার, বউমাকে বল, সেই রেঁধে দিবে । তার বাপেরা বড় লোক, কত দেখেছে শুনেছে ও ভাল রান্না জানে । বউ মাংস রেঁধে বাড়ীর দাসীকে বলে, বি, ঠাকুর এত সাধ ক'রে থাকেন, তুই একটু চেকে দেখ, কেমন রান্না হয়েছে । আমার সকল সময় মুন আন্দাজি ঠিক হয় না । দাসী কোন দিন মাংস খায়নি ; তার বড় লোভ হলো । সে খানিকটা খেয়ে বলে, যে গরম দিবেছ কিছু স্বাদ পেলুম না ; আর একটু দাও দেখি । আবার মাংস চেকে বলে, হাঁ হয়েছে, তবু যেন কেমন একটু লাগছে ; আবার দাও দেখি । বেশী করে দাও, ঠাওরাতে পাচ্ছিনে । লোভে ঝির নোলা সগবগিয়ে উঠেছে, ঐ ক'রে চাকুতে চাকুতে হাঁড়ির মাংস ফুরিয়ে গেল । বউ বলে, বি তুই কি করি, সব মাংস খেয়ে ফেলি ! কি হবে ! তুই শীগগির দৌড়ে যা, আর একটা হাঁস যদি পান্ তবে তাকে পুরস্কার দেবো, আমি দাম দিচ্ছি । বি ভরে ও পুরস্কারের লোভে হাঁস না পেয়ে, অবশেষে পাড়ার গেরস্তদের একটা আধ-মরা রোগা বাছুর ছিল, তাই লুকিয়ে কেটে বউকে মাংস এনে দিলে । মাংস কিছুতেই সিদ্ধ হয় না । বউ বলে, বি, কি মাংস আনুলি, সেক্ষ হয় না কেন ? তার বকের পাটা তো কম নয় । বি খতমত খেয়ে বলে, সে কি কথা গো, হাঁসের মাংস চিন্তে পার

না ? তোমরা রাখতে জান বটে, কিন্তু মাংস চেন না। এই বলে সে লুকিয়ে কতকগুলি পেঁয়াজ বেটে হাঁড়িতে ফেলে দিলে। পেঁয়াজের গন্ধে বউ তিষ্ঠাতে পারেন না। ভাবলেন পেঁয়াজ দিয়েছে, সর্বনাশ হয়েছে! আর কি মাংস আনলে তাও তো বুঝতে পাচ্ছি না। কিন্তু কা'কে বলি, একথা কার কাছে বলবার নয়, শোনবারও নয়। অনেক ভেবে চিন্তে বউ ঠিক করলেন, খাবার জায়গা পিছল করে রাখি, পরিবেশন করবার সময় আমি আছাড় খেয়ে পড়বো, আমার যেন দাঁত কপাটি লেগেছে কথা কইব না। লোকজন রান্নাঘরে ঢুকবে, তবেই হেঁসেলের হাঁড়ি কুড়ি সব নষ্ট হয়ে যাবে, ঠাকুরের খাওয়া হবে না। তবেই যদি ব্রাহ্মণের জাত রক্ষা করতে পারি, আর উপায় দেখি না। যা ভাবলেন তাই করলেন। ভাতের খালা হাতে ক'রে হঠাৎ পড়ে গেলেন, কথা কইতে পারেন না। পাড়ার লোকে রান্নাঘর ভ'রে গেল। ব্রাহ্মণের খাওয়া হলো না। জাত রক্ষা হলো। তারপর বউ সুস্থ হয়ে উঠলেন। ঠাকুরের প্রাণে মিছে কথা বলা যায় না। বউ ঝির উপর সন্দেহের কথা প্রকাশ করলেন, আর জাত রক্ষার জন্তে যা যা করেছিলেন সব বললেন। তখনি খোঁজ খবর করাতে দাসীর বাছুর কাটার কথা প্রকাশ হয়ে পড়লো। তা শুনে সকলের মাথার বেন আকাশ ভেঙ্গে পড়লো। সে দিন অশ্রাণ মাসের গুরুবস্তু। বউ ছেলে বেলা হ'তে বস্তুব্রত করতেন। ব্রত ক'রে পূজার কল হুঁকি যেখানে বাছুরের হাড়-গোড় ছিল তার উপরে ছড়িয়ে দিলেন। তখনই মরা বাছুর বেঁচে উঠলো। সকলে অবাক হয়ে গেল। ব্রাহ্মণ ভাবলেন, বউ তো নয়, স্বয়ং লক্ষী!

তখন ব্রাহ্মণ সোণার যজ্ঞী গড়িয়ে মুক্তার হার পরিয়ে বোড়শোপ-
চারে পূজা করলেন । সে দিন তিনি নিরামিষ আহার ক'রে
পৃথিবীতে প্রচার ক'রে দিলেন, যজ্ঞীব্রতের দিন মাংস দূরে থাক
কেউ মাছও যেন না খায় । এই ব্রত যে করবে সে পুত্রকন্যা
নিয়ে পরম সুখে কালযাপন করবে । *

প্রণাম । জয়দেবি জগন্মাতঃ ইত্যাদি ।

নাগ পঞ্চমী ব্রত ।

শ্রাবণ মাসের কৃষ্ণা পঞ্চমীতে এই ব্রত করণীয় । বর্ষা
সমাগমে সর্পগণ ক্ষেত্র ও অরণ্যের বিবর পরিত্যাগ পূর্বক
লোকালয়ে বাস করিতে অগ্রসর হইয়া থাকে । চোর অগ্নি
ও ব্যাঘ্রভয় প্রভৃতি বিপদে সতর্কতা অবলম্বন বরং সুসাধ্য । কিন্তু
একমাত্র মনসাদেবীর কৃপা ভিন্ন সর্পভয় হইতে মুক্তিলাভের
গত্যন্তর নাই । এক শ্রাবণ মাসেই নিম্নবঙ্গে সর্পদংশনে অধি-
কাংশ অকালমৃত্যু সঙ্ঘটিত হইয়া থাকে । সুতরাং এই সময়
গ্রামবাসীদিগকে অতিশয় শঙ্কিত অবস্থায় কালযাপন করিতে
হয় । পল্লিবাসিনীগণ শাস্ত্রবিহিত কৃষ্ণা পঞ্চমীতে একবার মাত্র
ব্রত করিয়াই নিশ্চিন্ত থাকিতে পারেন না । তাঁহারা ভীতি-দুহুল
শ্রাবণের আদি এবং অন্তেও (আষাঢ় ও শ্রাবণ সংক্রান্তি হয়ে)

* আশা করা যায় উপরোক্ত ব্রত কথা পাঠ করিয়া অন্ততঃ দু'একটা উদ্ভাস্ত
হিন্দু বুকক "হোটেল" বা মাংস-বিপণির আহার স্পৃহা সংবৃত করিতে স্বেচ্ছা
করিবেন ।

বিষহরী মনসাদেবীর অর্চনা করেন। সুগৃহিণীগণ রাত্রে শয্যার নিস্তার পূর্বে মিলিত-করতলদ্বয়ের অঙ্গুষ্ঠ দ্বারা ঘন ঘন ললাট স্পর্শ পূর্বক “আস্তীকশ্চ মুনের্মাতা” মনসাদেবীকে নমস্কার জ্ঞাপন করিয়া চক্ষু নিমীলিত করেন। প্রভাতে নিদ্রাভঙ্গের পর তাঁহারা “দুর্গা দুর্গা” অক্ষরদ্বয় ~~করণ~~ করিয়া কৃতজ্ঞতা স্বীকার পূর্বক গাত্রোথান করিয়া থাকেন। শ্রাবণ মাসে ইতর সমাজেও পদ্মাপুরাণ বর্ণিত বেহলা সতীর উপাখ্যান খোল ও করতাল সংযোগে পল্লি-সমূহ মুখরিত করিয়া তুলে। শ্রাবণের সংক্রান্তি দিবসে জলপ্লাবিত প্রাগ্যবত্রে নৌকার বাইচ এক অপরূপ দৃশ্য। নৌকার গপুই উপরি স্থাপিত মৃগয় অষ্টনাগমূর্তি বহন করিয়া শত শত তরি অবারিত জলপথে “তীর তারা উদ্ধা ও বায়ুর” সঙ্গে যেন প্রতিযোগিতা করিয়া প্রধাবিত হইয়া থাকে।

ব্রতের দিন অনাহার নিষেধ। মনসা পূজার কাঁচা ছধ ও পাঁচটা কলা নৈবেদ্যের প্রধান উপকরণ। মনসার পূজায় ধুনা দিতে নাই। ধ্যান যথা ;

ॐ দেবীমম্বা মহীনাং শশধরবদনাং চারুকাস্তিঃ বদন্ত্যাং,
হংসারুঢ়ামুদারাং সুললিতনয়নাং সেবিতাং সিদ্ধিকামৈঃ ।
শ্বেরাশ্চাং মণ্ডিতাঙ্গীং কণকমণিগণৈঃ নাগরত্নৈরনৈকৈঃ,
বন্দেহুহং সাষ্টনাগাং উরুকুচযুগলাং ভোগিনীং কামরূপাং ।

নাগ পঞ্চমীব্রত কথা ।

এক বান্ধনী ; তাঁর তিনপুত্র ও তিন পুত্র-বধু। শ্রাবণ মাস, বৃষ্টি পড়চে। বৌয়েরা পুকুরে স্নান বন্তে বাচ্ছিলেন। ছোট বউকে স্নানিয়ে, বড় বউ বসেন, আজ “হেন দিনে,

বাপের বাড়ী হলে বেশ ক'রে খিচুড়ি খাওয়া যেতো। মেজো বউ বলেন, আজ হেন দিনে বাপের বাড়ীতে যি মেখে চাঁল কড়াই ভাজা, কাঁটাল বীচি ভাজা, আর গরম গরম লুচি খেতুম। ছোট বউ জা-দের বাপের বাড়ীর বড়াই শু'নে চুপ ক'রে রইলেন। তাঁরা বলেন, ছোট বউ, মুমি কিছু বলে না? দীর্ঘ নিশ্বাস ছেড়ে ছোট বউ বলেন, বাপের বাড়ীতে "সেজনের" (অর্থাৎ "আমার")। ৩ পৃষ্ঠার নিম্নে টীকা দেখ।) আর কে আছে! বড় ছই ভাই ছিল, তাদেরও মা মনসা নিয়েছেন। শুনেছি, ছেলে বেলার সর্পাঘাতে তারা মারা গেছে। বৃষ্টি বাদলার দিনে তোমাদের যদি ভাল খেতে এতই সাধ, তবে এখানেই কি আজ ঠাকুরগকে ব'লে খিচুড়ী আর ভাজাভুজি হ'তে পারে না? তোমরা নেয়ে ঘরে যাও; আমি দেখি যদি পারি পুকুর থেকে ছটি মাচ নিয়ে গিয়ে তোমাদের খাওয়াব। বড় বউ বলেন, এখানকার এ ডোবাটার ভেতর আর কি পাবে। আমার বাপের বাড়ীতে বাইরের ছটা পুকুরে বড় বড় রুই, কাতলা, ছাড়া আর কিছুই পাওয়া যায় না বটে, কিন্তু বলে বিশ্বাস করবে না, আমাদের খিচুড়ীর পুকুরে প্রায় এক হাত লম্বা কই মাচ যে কত, তা আর কি বলবো; আর আঃ, তার স্বাদই বা কি! মেজ বউও গরব ক'রে ঐরূপ একটা কিছু বলেন।

বড় ও মেজো নেয়ে চলে গেল পরে, ছোট বউ দেখলেন, ছটো শোল মাচ জলে ভেসে বেড়াচ্ছে। তিনি তাই ধরে নিয়ে গিয়ে হেঁসেলে গামলা ঢাকা দিয়ে রাখলেন। তারপর গামলা ভুলে দেখেন, শোল মাচ জে নয়, ছটা সাপ! তাঁর গা শিউবে উঠলো। তখন সাপ ছটা সুন্দর মানুষের মূর্তি ধরে বদে, বোন

আমাদের নাম এয়োরাজ ও মুনিরাজ, আমরা তোমার দাদা। মা মনসার কাছে আমরা পরম সুখে আছি। তুমি তোমার জা-দের বাপের বাড়ীর বড়াই শুনে মুখ ছোট করে থাক, তাতে আমাদের মনে বড় দুঃখ হয় ; চল তোমাকে নিয়ে মা মনসার কাছে যাই, আবার দিন সাতেক পরেই তোমাকে এখানে রেখে যাব। এই বলে তাঁরা ভগিনীর খাণ্ডুরীর কাছে গিয়ে তাকে বাপের বাড়ী নে যাবার প্রস্তাব করেন। ব্রাহ্মণী বলেন, সে কি কথা গো ; ছোট বোয়ের বাপের বাড়ীতে তার ভেয়েরা আছে তা তো আগে জানতুম না। এয়োরাজ ও মুনিরাজ বলেন, আমরা ছোট বেলায় বিদেশে গেছুম সেখানে আমাদের সর্পাঘাত হয়েছিল বটে, কিন্তু মা মনসার বরে বেঁচেই আছি।

ভেয়েরা ছোট বউকে সঙ্গে ক'রে নিয়ে সাত সমুদ্র পার হ'য়ে এক মহা অরণ্যে প্রবেশ করেন। তারপর মা মনসা ঠাকুরগের বাড়ীতে প'হছিলেন। সেখানে বাড়ীর মেয়ের মত ছোট বউয়ের পরম সমাদর। আজ খিচুড়ী, কাল মাংস, তারপর নানারকম ভাজা, গরম গরম লুচি ছোট বউ রোজ আহার করতে লাগলেন। একদিন মনসা ঠাকুরগ 'ছোট বউ'কে আদর ক'রে বলেন, মা আজ নাগপঞ্চমী, আমি মর্ত্যে পূজার নেমতনে যাচ্ছি, তুমিই আমার হয়ে রান্নার উষাগ সুষাগ ক'রে ভেয়েদের খাঁওরাবে, আর নাগেদের দুধ খেতে দিবে। নাগেরা অহুরে ছেনে, অহুরেই রেগে উঠে ; দেখো, তাদের যেন কোন বিষয়ে ক্রটি না হয়। তাই শুনে আমাদের ছোট বউ বলেন, মা তোমার কোন চিন্তা নাই, আমি সব করবো। মনসা দেবী মর্ত্যে চ'লে গেলেন।

শ্রাবণ মাস ঝষ্টির দিন। গরম গরম খাওয়া ভাল, এই মনে ক'রে ছোট বউ দুধ জাল দিয়ে খুব গরম থাকতেই নাগেদের গর্ভে ঢেলে দিলেন। * হিতে বিপরীত হলো। গরম দুধ লেগে নাগেদের কারুর মুখ, কারুর ঠোঁট, কারও বা সর্বাঙ্গ পুড়ে গেল। দারুণ রাগে নাগেরা গর্জিয়া উঠিল। কি, আমরা হনুম কঙ্ক-সন্তান নাগ, কোথেকে এক সামান্য মানবকণ্ঠা এসে কি-না আমাদের অপমান করবে! এয়োরাজ ও মুনিরাজ আন্তীককে সঙ্গে ক'রে বাসুকি মামাকে ব'লে ক'রে নাগেদের শাস্ত কত্তে চেষ্টা করলেন। কিন্তু গোখরো ও বোড়া নাগের রাগ কিছুতেই খামিল না। তারা তেড়ে গিয়ে মানবকণ্ঠার বাঁ হাতে ও বাঁ পায়ে দংশন করে। ছোট বউ চ'লে পড়লো। মনসা ঠাকুরণ ফিরে এসে দেখলেন, প্রমাদ হয়েছে। তিনি বললেন, আমি তখন মনে করেছিলুম দেবে মানবে একঠাই হলে একটা কিছু না বেধে যাবে না। আমি মানবকণ্ঠাটির তো কোন দোষ দেখতে পাচ্ছি নে; ভাল কত্তে গিয়েই এর মন্দ হলো। মা মনসার আশীর্বাদে তখন ছোট বউ বেঁচে উঠলো। মনসাদেবীর প্রতি তাঁর অচলা ভক্তি হলো। দেবী এয়োরাজ ও মুনিরাজকে আগেকার প্রাণ দান করলেন ও বলেন, তোমরা ভগিনীকে নিয়ে তোমাদের বাড়ী যাও। এই ব'লে ছোট বউকে গা-ভরা গহনা ও তার দুই ভাইকে ধন রত্ন দিয়ে বিদায় করলেন।

এয়োরাজ ও মুনিরাজ বাড়ী এসে ঘর দোর ছরস্ত ক'রে, ভগিনীকে অনেক জিনিষ পত্র সঙ্গে দিয়ে তার খণ্ডর বাড়ী

* এই কল্পিত ঘটনা হইতেই বোধ হয় বিবহরী মনসার পুজার কাণ্ড হইতে লুপ্তপ্রায় অথবা প্রবর্তিত হইয়াছে।

পাঠিয়ে দিলেন। ব্রাহ্মণী এত গহনা ও জিনিষ দেখে আশ্চর্য্য হলেন। বড় বৌ ও মেজ বৌয়ের যেন একটু হিংসা হলো। ছোট বউয়ের গা-ভরা গহনা। কিন্তু সর্পাঘাতের ঘা এখনো ভালরূপে শুকোয় নাই, এই জন্তে তিনি বাঁ হাতের ও বাঁ পায়ের বালা ও মল খুলে রেখেছেন। তাই দেখে, ছোট বউকে শুনিয়ে, বড় ও মেজ বউ বলাবলি কোরচেন, আধ-অঙ্গে গহনা পরেই এত কম কম, সর্ব্বাঙ্গে পরলে এ বাড়ীতে তিষ্ঠানো ভার হবে। তাই শুনে, হঠাৎ কোথেকে একটা সাপ এসে ফৌস করে মাথা তুলে বড় বৌ ও মেজ বৌয়ের দিকে চেয়ে বসে;

পরের মন্দে ভাল যে করে,

ভাতে পুতে সে বাড়ে।

পরের ভালোয় মন্দ যে করে,

ভয় হয়ে সে মরে।

সেই দিন থেকে ছোট বউয়ের সঙ্গে বড় বউ ও মেজ বউয়ের ভয়ে ভয়ে খুব ভাব হয়ে গেল।

কিছু কাল পর, এয়োরাজ ও মুনিরাজ আবার ভগিনীকে তাদের বাড়ীতে নিয়ে যেতে লোক পাঠাইলেন। তখন ছোট বৌয়ের সন্তান সন্তাবনা। বড় মানুষ কুটুম, আর প্রথম সন্তান পিত্রালয়ে হওয়ারই ভাল, এই মনে ক'রে ব্রাহ্মণী বউকে যেতে দিলেন।

যথা সময়ে ছোট বউয়ের এক পরম সুন্দর পুত্র সন্তান হলো। এয়োরাজ ও মুনিরাজ খুব সমারোহ করে ভাগনের অন্নপ্রাশন দিলেন। ছেলের ভাতের নিয়ন্ত্রণ পেয়ে ছেলের বাপ, জেঠারা ও জেঠাইরা ছেলের মামা বাড়ী এলেন। সেখানে খুব

যটাযটি হলো। সনেশর ছড়াছড়ি, দইয়ের কাদা। রোজ
৫০ মণ মকচ। ছোট বউ জা-দের বারপর নাই সমাদর করেন।
বড় কই মাচের জন্তে অনেক চেষ্টা করেন, শেষে বড় বৌয়ের
বাপের বাড়ীর খিড়কির পুকুরেও লোক পাঠিয়েছিলেন। কিন্তু
ছোট বৌয়ের মনে একটা বড় দুঃখ রয়ে গেল, এক হাত লম্বা
কই মংস্ত্র কোথাও পাওয়া গেল না!

এই ব্রত যে করে, মা মনসা জলে জঙ্গলে তার ছেলে পুনে
রক্ষা করেন। চিরকাল সুখে যার।

প্রণাম। আন্তীকস্ত্র মনেমাতা ভগিনী বাস্তুকে স্তথা
জরংকারু মনেঃ পত্নী মনসাদেবি নমোস্ততে।

গাড়শী ব্রত।

আশ্বিন মাসের সংক্রান্তি দিবস গাড়শী ব্রত করিতে হয়।
“গাড়শী” শব্দ বোধ হয় “গার্হস্থ্য” শব্দের অপভ্রংশ। রাত্রির
চতুর্থ প্রহরে কাক ডাকিবার পূর্বে শয্যা হইতে গাজোথান করিয়া
বালক বালিকা সখবা বিধবা সকলেই অস্ত্রঃপুরের প্রাঙ্গনে প্রদীপ
জালিয়া সমবেত হইয়া থাকেন। পুষ্করিণী হইতে এক ঘটা
জল আনয়ন করিয়া স্থাপন করিবে, এবং কয়েকটা বাঁটা মশলা,
যথা, সরিষা, মেথী, হলুদ এবং কুলগাছের নূতন পাতা একখানি
রেকাবে রাখিবে। এগুলি পূর্বদিন সংগ্রহ করিয়া রাখিতে
হয়। প্রদীপের শিখার উপর দুই একটা কাঁচা কেঁচু
পোড়াইবে। এই সময় সকলেই (শয্যা হইতে গাজোথানের

পর বয়স্ক পুরুষদের মধ্যে অনেকের সাধারণ কৃত্য বলিয়া ?) ধূম পান করিবেন । কিন্তু স্ত্রীলোক ও বালক বালিকগণের ধূম পান প্রথা নাই । এজন্য ইহারা পাট-কাটির (প্যাঁকাটি) এক প্রান্তে আগুন ধরাইয়া অন্যপ্রান্ত চুরুটের ছায় টানিয়া দুই এক বার ধূম উদগীরণ করেন । বালকগণ ইহাতে বিশেষ আনন্দ



অনুভব করে । এইরূপ অশুদ্ধ ধূম পানের কারণ জিজ্ঞাসা করিলে বয়োবৃদ্ধের সস্তীমভাবে উত্তর প্রদান করেন যে, এতদ্বারা মানবজাতির বাসস্তীয় কাশির পীড়া আরোগ্য হইয়া যায় ।

অতঃপর একবার “জরকার” উল্ধনি করিবে। পুনরায় শরন নিষয়-বিরুদ্ধ হইলেও বালক বালিকাগণ পুনর্বার শব্যার আশ্রয় গ্রহণ করে ; যুবতী ও বৃদ্ধাগণ উষাকালে পূজার জন্য পুষ্প চরন করেন। প্রত্যুষে পূর্বাঙ্কিত পুষ্করিণীর জল দ্বারা সকলের মুখ প্রক্ষালন করা বিধি। অনন্তর বালক বালিকা ও সধবাগণ পূর্বাঙ্কিত হৃদ প্রভৃতি মশলা দ্বারা শরীর অক্ষণ করিয়া প্রাতঃস্নান করিয়া থাকেন। চোখে কাজল দেওয়ার প্রথাও আছে।

পূর্বাঙ্কে লক্ষ্মীপূজা হয়। নৈবেদ্যের প্রধান উপকরণ ভিজানো মৃগ, মাষ ও বুট। নারিকেলও দেওয়া যায়। সধবাগণও আমিষ আহার করেন না ; সকলেই কলাই বা মুগের ডাল ভাত আহার করেন। পরদিন প্রাতঃকালে বালক বালিকা ও সধবাগণের পর্যুষিত অন্ন আহার করা বিধি।

আশ্বিনে রাধিয়া কার্তিকে ধায়,

যে বর মাগে সেই বর পায়।

পূজাস্তে কথা শ্রবণ করিতে হয়।

গাড়শী ব্রত কথা।

এক বৃদ্ধ ব্রাহ্মণ পুত্র ও পুত্রবধূ লইয়া সংসার করেন। বৌটি অতি শুদ্ধাচারিণী। তাঁরই পুণ্যের জোরে ব্রাহ্মণ পরম সুখে আছেন, কিছুই অভাব নাই।


আশ্বিন সংক্রান্তির পূর্ব দিবস ব্রাহ্মণ পুকুরে সন্ধ্যা আহিক করিতে বলিয়াছেন। কিন্তু তাঁর মন অস্থিরিকে। এমন সময় অলঙ্কারী খুব সাজ গোজ করে তার কুরূপ চেহে পূরম রূপসী বেশে বৃদ্ধ

ব্রাহ্মণকে দর্শন দিল। অলম্বী বলিল, আমি কা'ল সন্ধ্যার সময় তোমার ঘরে আসবো। কিন্তু তোমার বউটা ভাল নয়। তুমি তাকে সকালে উঠানে গোবর ছড়া দিতে মানা করো; আমি গোবরের ছুর্গন্ধ সহিতে পারি না। আর ঠিক সাঁজের সময় যেন সে ঘরে প্রদীপ না জ্বালে; আমি তখন লুকিয়ে তোমার ঘরে আসবো। আর ত্রাণ বলি, বউটা তোমার মানা শুনে মনে কিছু সন্দেহ বা দুঃখ না করে, এজন্তে কা'ল তাকে বেশী ক'রে মাছের ঝোল ভাত খেতে দিবে। তা যদি কত্তে পার, তবেই আমি তোমার ঘরে আসতে পারবো। নইলে, তুমি আমার আশা চাড়া, আর আমিও তোমার আশা ছেড়ে দি। বৃদ্ধ ব্রাহ্মণ রূপে ও মিষ্ট কথায় মোহিত হয়ে গিয়াছেন; ভাল মন্দ বিচার না ক'রে বউকে ঐ সব করিতে বিশেষ ক'রে মানা ক'রে দিলেন। বউ ভাবলেন খণ্ডের দুর্ন্যতি হয়েছে। তিনি পূব ভোরে উঠে গোবর ছড়া দিলেন, কিন্তু খণ্ডের ঘরে আবার ভাল ক'রে ধুয়ে ফেলেন। তারপর গাড়শী ব্রত ক'রে সেদিন যুগের ভাল ভাত আহার করলেন। সন্ধ্যা হ'লে ঘরে প্রদীপ জ্বলে তখনি নিবিয়ে দিলেন। ঠিক সেই সময়ে, সকলে এক বিকট চীংকার শুনে দৌড়ে গিয়ে দেখতে পেলে একটা অলম্বী স্ত্রীমূর্তি আঁঠুকুড়ের পাশে বেহুঁস হয়ে পড়ে আছে। সকলে তাকে 'অলম্বী' ব'লে চিন্তে পারে। বেহুঁস অলম্বীকে দেখে ব্রাহ্মণের চৈতন্য হলো এবং স্ত্রীমূর্তি বোয়ের কান্দাচারেই যে অলম্বী ঘরে ঢুকতে পারে নাই তাহা তাঁর জ্ঞানভ্রত আর বাকী রইল না। তিনি বোয়ের পূব সুখ্যাত কত্তে লাগলেন।

এর নাম গাড়শী ব্রত ; যে করে তার ঘরে লক্ষ্মী-বাধা থাকেন, অলক্ষ্মী ঢুকতে পার না ।

প্রণাম । ওঁ বিশ্বরূপস্ত ভার্ঘ্যাসি পদ্মে পদ্মালয়ে শুভে ।

সর্বতঃ পাহি মাংদেবি মহালক্ষ্মি নমোহস্ততে ॥



আশ্বিন-সংক্রান্তির পূর্বেই যদি কোজাগরী পূর্ণিমার লক্ষ্মী ব্রত হইয়া যায় তবে গাড়শীব্রতে অলক্ষ্মীদেবীর উদ্দেশে পূজা করণ বিধি । লক্ষ্মীর উপাসনা না হইয়া গেলে অলক্ষ্মীর অর্চনা হইতে পারে না । অলক্ষ্মীর ধ্যানটী শুনুন ।

ওঁ অলক্ষ্মীং কৃষ্ণবর্ণাঞ্চ ক্রোধনাং কলহপ্রিয়াং ।

কৃষ্ণবস্ত্র পরিধানাং লৌহাভরণ ভূষিতাং

ভগ্নাসনস্থাং দ্বিভুজাং শর্করাঘৃষ্টচন্দনাং ।

সম্মার্জনী সব্যহস্তাং দক্ষহস্তাং শূৰ্পকাং ॥

তৈলাভ্যঙ্গিত গাত্রাঞ্চ গর্দভারোহণাং ভজে ॥

অনেকে জিজ্ঞাসা করিতে পারেন, এমন অলক্ষ্মী ঠাকুরের উদ্ভাষনা করাই বা কেন ? বোধ হয়, দুই স্বরস্বতীর আঁর দুই লক্ষ্মী ছলে বলে কৌশলে কাহারও ঘাড়ে না চাপেন একজন্ম করযোড়ে ভয়ে ভয়ে যেন বলা হয় “তোমাকে ঠাকুরণ নমস্কার, তুমি আঁর এদিকে এসো না ।”

শারদীয় কোজাগরী লক্ষ্মীব্রতের দেশব্যাপী অর্হুষ্ঠান সর্বজন বিদিত । একজন্ম বাহুল্য ভয়ে তাহা পৃথকরূপে বিবৃত হইল না । লক্ষ্মীদেবীর অভ্যর্থনার নিমিত্ত কি ভজ কি ইত্যর, গ্রামের সকল গৃহই বিচিত্র আলিপনার সুশোভিত হইয়া থাকে । বালিকা ও যবতীগণের আনন্দের সীমা নাই । আঁর ঘরে স্বয়ং

লক্ষ্মী পদার্পণ করবেন, এতদ্বারা মনের উল্লাসে তাঁহারা সকল গৃহের
 দ্বারদেশে দেবীর পদাক, পেচকমূর্তি ও খাত্তশীর্ষ অঙ্কিত কবির
 চিত্রবিদ্যার নৈগুণ্য প্রকাশ করিতে ব্যস্ত । বর্ষিয়সী গৃহিণীগণ
 নৈবেদ্য রচনায় নিযুক্তা । চিড়া, মুড়ি, মুড়কি, খই, মোরা,
 লাড়ু, নারিকেলজাত বিবিধ মিষ্টান্ন ও সন্দেশ প্রভৃতি “রচনা”
 দ্বারা আজ গৃহ পরিপূর্ণ । বাড়ীর “সেকেলে” কর্তীগণ লক্ষ্মীর
 আহ্বান শ্রবণের জন্য উৎকর্ণ হইয়া তাঁহার আগমন প্রতীক্ষায়
 রাত্রি জাগরণ পূর্বক নিশি পেহাইতেছেন । তজ্জা নিবারণের
 জন্য ঘন ঘন তামাক সেবন ও অক্ষত্রীড়া করিতেছেন । আজ
 পূর্ণিমা নিশীথে লক্ষ্মী বরদাত্রী হইয়া ঝাঁপিকক্ষে দ্বারে দ্বারে
 বিচরণ করিয়া ধনরত্ন বিতরণ করিতেছেন । তিনি সকলকে
 আহ্বান করিয়া বলিতেছেন “তোমরা কে জেগে আছ, শীঘ্র
 এস, এই ধন লও । আমি অপেক্ষা করিতে পারি না, আমার
 আজ রাত্রে সমস্ত পৃথিবী পর্যটন করিতে হইবে ।”

নিশীথে বরদালক্ষ্মীঃ কো জাগর্তীতি ভাষিনী ।

নারিকেলোদকং পীড়া অক্ষত্রীজাগরণং নিশি ।

তন্মৈ বিহং প্রযচ্ছামি কো জাগর্তি মহীতলে ॥

কো জাগর্তি ? ইহা হইতেই নাম “কোজাগরি” ।

ক্ষেত্র ব্রত ।

এই ব্রত অগ্রহায়ণ মাসের শুক্ল পক্ষের প্রথম শনিবারে অস্থ-
 পিত হইয়া থাকে । পশ্চাত্ত “বুড়াঠাকুরাণীর ব্রত”ও এই
 শনিবারে করিতে হয় ।

ক্ষেত্রব্রত কৃষিজীবীদের কল্যাণ কামনার উদ্ভাবিত হইয়াছে। কৃষকশ্রমের প্রতি কমলার অর্দ্ধদৃষ্টি চিরপ্রসিদ্ধ। একমাত্র শস্তের অভাবে পৃথিবীর অল্প সুখ-সম্পদ বিফল। অগ্রহারণ মাস হইতে ষোড়শ প্রচলিত বার-ব্রতাদির গণনা আরম্ভ হয়। অগ্রহারণেই ব্রত সংখ্যা বেশী। বিবাহিতা কুলকামিনী অগ্রহারণে সর্ব প্রথম ক্ষেত্রব্রত দীক্ষিতা হইলে তাঁহার অন্ত্যাত্ম গার্হস্থ্য ব্রতে অধিকার লাভ হয়। ইহা অগ্রে না করিয়া অগ্রহারণে কর্তব্য অন্ত্যাত্ম বারব্রতাদি করা নিষ্ফল। ক্ষেত্রব্রত যদি কোন বৎসর অগ্রহারণের শেষভাগে নিরূপিত হয়, তবে অগ্রহারণের অন্ত্যাত্ম ব্রত মাঘমাসে করিবে। শস্তপ্রাচুর্য বশতঃ মাতৃভূমি মার্গশীর্ষে নূতন সৌন্দর্যে উদ্ভাসিত, স্তুরাং ক্ষেত্র দেবতার প্রতি কৃতজ্ঞতা প্রকাশের এই উপযুক্ত সময়।

কৃষক নেহাৎ “চাষা” কিম্বা “ভদ্র” ? ইহার উত্তরে এখন আর দুই মত হইতে পারে না। কারণ, সম্প্রতি কতিপয় কমলার প্রিয়-পুত্র জমিদার ও বাণী-পুত্র মহামহোপাধ্যায় শাস্ত্রজ্ঞ পণ্ডিত স্বহস্তে একযোগে হলচালনা করিয়া একবাক্যে উক্ত প্রশ্নের সমাধান করিয়া দিয়াছেন। হংস-পুচ্ছ অপেক্ষা লালনের গুরুভার দেখিয়া কেহ ভ্রমক্রমে কৃষকশ্রমের প্রতি অবজ্ঞা প্রকাশ না করেন; এই জগ্গই গুজ্জ-বদনের অগ্রপুত্রার স্থান, ক্ষেত্রব্রত সর্বাগ্রে কর্তব্য এইরূপ বিধি প্রবর্তিত হইয়া থাকিবে।

নূতন ধাত্তোর প্রস্তুত মুড়ি, মুড়কি, চাঁল ভাজা, ছাত্তু প্রভৃতি পুজার বিশিষ্ট নৈবেদ্য। একখানি কুলার উপর ছাত্তু ঘাঁড় ক্ষেত্র দেবতার মূর্তি রচিত হয়। পুরোহিত ক্ষেত্র-পাল দেবতার

পূজা করেন। গৃহকর্ত্রী অন্নাহার না করিয়া পূজাস্তে দধি-হুন্ধ ফল মূলাদি ভোজন করিবেন।

ক্ষেত্র ভ্রত কথা ।

এক গরীব চাষীর ছেলে ; তার মা বাপ নাই। একত্রে সে মামার বাড়ীতে থাকতো। মামা ও মামী তাকে ভাল বাসতেন না। ছেলেটাকে মামাদের ক্ষেতে সারাদিন দা, কোদাল ও লাঙ্গল নিয়ে খুব খাটতে হতো। বাড়ীতে ফিরে এলেও দা ও কোদাল রেখে তার একটুও বিশ্রাম করবার সময় হতো না। পাড়া পড়শীরা একত্রে তাকে “দা-কোদালে” বলে ডাকতো। “দা-কোদালে” বালক হলেও ক্ষেত্র দেবতার বিশেষ ভক্ত ছিল। তারই পুণ্যের জোরে তার মামার ক্ষেত-ভরা ফসল জন্মাতো। কিন্তু এত বে খাটুনি তবু সে কোন দিন পেট পুরে খেতে পেতো না। আধপেটা খেয়ে থাকতো। ক্ষুধার সময় কিছু চিড়ে, মুড়ি, ছাতু পেনেও অর্ধেক ক্ষেত্রদেবতাকে নিবেদন করে বাকী টুকু নিজে খেতো। মামার গোয়াল ভরা গোরু, গািল ভরা মোষ ; ঘরে দই, ছা, ক্ষীর সর অনেক। ছেলে মানুষ, বিশেষ বুদ্ধি শুদ্ধি নাই ; সে একদিন ঘরে বেশী ছুধের সর দেখে একটু খেতে চাইলো। মামী বলে, হতভাগা ছেলে কোথাকার, তোর জন্তে কি আর ঘরে ছুধের সর রাখতে পারবে না। রোজগার নাই, সর খেতে চাওয়া, কি আমার কেটে চাকুর গো।

দা-কোদালের মনে বড় দুঃখ হলো। ক্ষেত্র দেবতা ভাবলেন, এই ছেলেটা ছাড়া আর কেউ আমার ভক্তি করেনা।

বালকের ভক্তি দেখে, তিনি তাকে এক বৃদ্ধ ব্রাহ্মণের বেশে দেখা দিয়ে বলেন, বাছা, আমার কথা শোন। আর পরের গোলামী করা কেন ; যাও তুমি এখন তোমার মামার বাড়ী ত্যাগ করে অই যে খুব দূরে এক প্রকাণ্ড মাঠ দেখতে পাচ্ছ সেইখানে কুঁড়েঘর করে চাষ-বাস করগে। তোমার দুঃখ দূর হবে। দা-কোদালে তাই করে। তার পর অগ্রহায়ণ মাস শনিবার, সে ভোরে উঠে দেখলে, তার ক্ষেতে ধান তো নয়, সবই সোণা ! ক্ষেত্র দেবতার কৃপায় তখনই তার কুঁড়েঘর রাজ্য অট্টালিকা হয়ে গেল। দা-কোদালে রাজা হলেন, অট্টালিকায় রাজার হালে বাস কত্তে লাগলেন। তাঁর এখন ঐশ্বর্যের সীমা নাই।

এদিকে, ভাগনে চ'লে যাওয়ার সঙ্গে সঙ্গেই লক্ষ্মী মামাদের ঘর ত্যাগ করেন। তারা ভাতের কাঙ্গাল হয়ে পড়লো। ক্ষেত্র দেবতার ক্রোশে দেশে দারুণ দুর্ভিক্ষ ও জলকষ্ট হলো। দা-কোদালে এখন বড়লোক হলেও গরীবের প্রতি তাঁর বড় দয়া। তিনি অনেক পুকুর কাটাতে লাগলেন। যারা মজুরী কত্তে আসতো তাদের অকাতরে অন্ন দান করতেন। বেতে না পেয়ে তাঁর মামা মামীও অন্নসত্তে এসেছিল। তারা কোদাল হাতে করে পুকুরের কাজে যাবে এমন সময়ে দা-কোদালে তাদের দেখে চিনতে পেয়ে চাকর-বাকরদের হুকুম দিলেন, শীগগির ঐ পুকুর ও স্ত্রীলোক মজুর হুঁটীকে স্নান করিয়ে নূতন কাপড় পরিয়ে বাড়ীর ভেতর নিয়ে এস। মামা ও মামী ভয়ে অস্থির। রাজার পুকুরে কি জল হচ্ছে না? রাজ্য বাড়ীতে তো কালীমন্দির নাই? তাদের যুগ ওকিরে গেল। মামা ও মামীকে সঙ্গে

ক'রে একত্র আহাির করবেন মনে ক'রে দা-কোদালে খাবার ঘরে তিনটা জারগা করালেন। পঞ্চাশ ব্যঞ্জন ভাত দেখে মামা ও মামীর চক্ষু স্থির। তার পর রাজা এলেন। “ওঃ হরি! ‘রাজা’ তো নয়, আমাদের সেই দা-কোদালে!” এই ব'লে মামা ও মামীর যেন ঘাম দিয়ে জ্বর ছাড়লো। তাদের তখন আহ্লাদের সীমা নাই।

মামা রাজসংসারের কর্তা হলেন। দা-কোদালের এখন আদর যত্ন কত! এটা খাও, ওটা খাও ব'লে মামী ভাগনেক কেবলি ছ'বেলা দই দুধ ক্ষীর সন্দেশ ও দুধের সর খাওয়াতেন। খাব না বললে ছাড়েন না। একদিন বেশী দুধের সর দেখে দা-কোদালে মামীকে রহস্য করে বলেন,

সেই মামা সেই মামী পুকুর পাড়ে ঘর।

এখন কেন মামা মামী দুধে এত সর ॥

মামী লজ্জিত হলেন। তার পর দা-কোদালে এক রাজহত্যা বিবাহ করলেন। তাঁরা ক্ষেত্র দেবতার ব্রত পৃথিবীতে প্রচার করেন। এ ব্রত করে ক্ষেত্রে ধান হয়, ধন জন হয়, দেশে দুর্ভিক্ষ হয় না।

প্রণাম। ক্ষেত্রপাল নমস্ত্যং হলধরং বরপ্রদং।

ঈতি-ভয় হরংদেবং স্বাং সদা প্রণাম্যহং ॥

বুড়াঠাকুরাণী ব্রত।

ক্ষেত্র ও “বুড়াঠাকুরাণী” ব্রত এক দিনেই কর্তব্য। রমণীদের বিশ্বাস, এ দুইটা ব্রত না করিলে অশুভ বারমতের সম্মুখীন হইবে।

বুড়া ঠাকুরাণী বা বনদেবী মহাদেবের প্রিয় কন্যা । বনে
ইহার অধিষ্ঠান । এজন্য অস্তঃপুরের প্রাঙ্গণে সেওড়া ও জবা-
ফুলের গাছের ক্ষুদ্র শাখা পুঁতিয়া কল্পনার সাহায্যে অরণ্য সৃজন
করিতে হয় । একটি “পুকুর” খনন করিয়া উহার চতুঃপার্শ্বে
পিটুলি গুলিয়া আলিপনা দিবে । কদলীপত্রের ডাঁট ৯।১০
অঙ্গুলী পরিমাণে খণ্ড খণ্ড করিয়া কাটিয়া হইবে । অতঃপর
সাদা হলুদে ও লাল এই তিন রঙ্গের পিটুলি জলে না গুলিয়া
তদ্বারা অর্ধবৃত্তাকারে শাঁখা গঠন পূর্বক পূর্বোক্ত এক খণ্ড
কলা পাতার ডাঁটের উপর স্থাপন করিবে । শাঁখার জমিন
সাদা ও দুই দিকে লাল ও হলুদে পাড় । এইরূপ দুইটী বা
এক জোড়া শাঁখা একটি ডাঁটের উপর রাখিবে । ত্রিভুজ
প্রত্যেকে এক জোড়া শাঁখা হাতে তুলিয়া কথা শ্রবণ করিবেন ।
তৎপর লাল পিটুলি জলে গুলিয়া কতকটা উক্ত সেওড়া ও জবার
ডালের গেড়ায় ও বাকীটুকু “পুকুরে” ঢালিয়া দিবে ।

পুরোহিত বনছর্গার পূজা করিয়া থাকেন । নৈবেদ্যের
প্রধান উপকরণ দই, দুধ, কলা এবং কলাপাতার উপর রক্ষিত
মুড়ি, মুড়কি, মোয়া, ছাতু, লাড়ু ইত্যাদি ।

বুড়াঠাকুরাণী-ব্রত কথা ।

পার্বতী হুঃখ ক’রে মহাদেবকে বোল্চেন, তুমি হু’দিন যাবৎ
ভিক্ষা করতে বেরোও নাই ; এমনি ক’রে বনে থাকলে সংসার
চল্বে কিরূপে ? মনে করেছিলেম তোমাকে কিছু বলবো না ;
না বসেই বা কি করি । বাপের বাড়ীর গহনা-গাঁজি যা ছিল
তা দিয়েই এ’দিন কুঠে খেটে চালিয়েছি । শাঁখা পত্রের শাখা

ছিল, তাই তুমি এ পর্যন্ত দিতে পারে না। তা মরুক গে, এখন এদিকে ঘরে চা'ল নাই, ডাল নাই, তোমাকে কি খাওয়াব আর ছেলে ছুঁটির মুখেই বা কি দি। অপরে আমার সামনে তোমার নিন্দে করে তা আমি প্রাণ থাকতে সহিতে পারবো না ; কিন্তু নিজে ছুঁটা কথা না ব'লেও পারি না। কি মুখে আছি তা কা'কে বলি। ছেলে ছুঁটা মানুষ হ'লে ভাবনা ছিল না। গণেশকে তুমি নিজের যুগ্যি ক'রে তুলেছ, সে সিদ্ধি দিচ্ছে আর তুমি তাই খাচ্ছ। আর ছোটটা কেবল নয়র চ'ড়ে বেড়াচ্ছে। স্বামী পুত্র আমার কষ্ট বুঝলে না। একটা মেয়ে থাকতো তবে মনের কষ্ট বুঝতে পারতো। এই ব'লে পার্বতী চোকে আঁচল দিয়ে নীরবে কাঁদতে লাগলেন।

তা' শুনে মহাদেব বোল'চেন, গৌরি, কৈলাসে কিছু অভাব আছে? চা'দিকে যা দেখচো সবই তো আমার। পার্বতী বোল'চেন, যা কিছু অভাব, অন্নবস্ত্রের। তুমি বাঘ'ছাল পর, বিষ খাও, যা ইচ্ছে তাই কর; ছেলে ছুঁটাকে নিয়ে আমি আজই বাপের বাড়ী চলে যাব। এই ব'লে তিনি হিমালয়ে চলে গেলেন।

কৈলাসে কোন অভাব নাই; কিন্তু এক পার্বতীর অভাবে মহাদেবের চা'দিক শূণ্য বোধ হ'তে লাগলো। কিন্তু বিনা নিমন্ত্রণে স্বপ্নের বাড়ী যাওয়া অপমান। আর গিরিরাজের অন্তঃপুরে চুকে পার্বতীর সঙ্গে দেখা করবার উপায় কি? অনেক ভেবে চিন্তে এক মৎলব ঠাওরালেন। মহাদেবের মনে হলো, পার্বতী শাখা পরতে চেয়েছিলেন। তিনি তৎক্ষণাতঃ শাখারির বেশ ধারণ ক'রে গিরিরাজের বাড়ী উপস্থিত হলেন।

শাঁখারি এসেছে শুনে পার্বতী বড় সুখী হ'লেন। রাণী মেনকা শাঁখারিকে বাড়ীর ভেতর আনালেন। পার্বতী একটু ঘোমটা টেনে, কঙ্কণ খুলে শুধু-হাতের উপর খানিকটা আঁচল জড়িয়ে শাঁখা পরতে বসলেন। শাঁখারির আনন্দের সীমা নাই। শাঁখা পরানো আর ফুরায় না। কতবার হাত টিপছেন, তেল মাখাচ্ছেন, শাঁখা পরাচ্ছেন, খুলছেন, মাজা ঘসা কচ্ছেন। পার্বতীকে দেখে মহাদেবের আশ মিটে না।

নূতন শাঁখা প'রে পার্বতী মাতাকে প্রণাম করলেন। শাঁখারি মেনকা রাণীকে বললেন, আমি দাম চাইনে ; বেলা হয়েছে, যদি অনুমতি হয় তবে এখানেই আজ স্নানাহার করবো। পার্বতী শাঁখা পরিবার সময়েই মহাদেবকে চিনেছেন। তিনি পরম যত্নে শাঁখারির স্নানের উযুগ ক'রে, নিজে রেঁধে নিজ হাতে পরিবেশন করলেন।

দেবতার চরিত্র মানুষের বুঝবার সাধ্য কি। সেই দিন রাতে মহাদেব নিজ মূর্তিতে পার্বতীর শরন ঘরে দেখা দিলেন। পার্বতী বললেন, তোমার হাতের স্পর্শ পেয়েই আমি তোমাকে শাঁখা পরিবার সময় চিনতে পেয়েছি। তোমার তখন ছদ্মবেশে আসা ভাল হয়নি। মহাদেব বললেন, নিমন্ত্রণ না পেলে আমি এখানে আসি কি ক'রে? সেই রাতে দ্বাদশ দণ্ডের ভিতর পার্বতীর এক কণ্ঠা প্রসব হলো। পার্বতী চিন্তিত হয়ে বললেন, তুমি এখানে এসেছ তা এখন মা-বাপের কাছে না বলে উপায় কি? জান তো এ স্বর্গ নয় ; মর্ত্যে আছি। মহাদেব বললেন, তোমার রে ক'র নাই, আমি এখনি যেরেটাকে সঙ্গে ক'রে কৈলাসে বাছি। মহাদেব তাই করলেন। কিন্তু কতদূর দাঁড়াই

গিরে মেয়েটা বলে, মা'কে না দেখে থাকতে পারবো কেন, আমি মর্ত্যেই থাকবো। মহাদেব ছোট মেয়েটাকে আদর করে "বুড়ী" বলে ডাকতেন। বুড়ীর কথায় তিনি বলেন, আচ্ছা তাই হোক। এই বলে এক বনে গিরে এক সেওড়াগাছ তলার তাঁকে রেখে দিলেন; বলেন, বুড়ী তুমি এখানেই থাক। তুমি পৃথিবীতে বনদেবী বলে পূজা পাবে। তোমার ব্রত না করলে অশ্রু ব্রত করা নিষ্ফল হবে।

মহাদেব ভাবলেন, পার্বতী কার্তিক গণেশকে ফেলে আমি একা এখন কৈলাসে বাই কি করে। কিছুদিন মর্ত্যেই থাকবো। বুড়ী তো মর্ত্যের বনদেবী হ'লেন। তাকেও মাঝে মাঝে দেখা উচিত। এই ভেবে তিনি নিকটেই ছদ্মবেশে এক মুদীর দোকান করে রইলেন।

সেই পথে একদিন একটা ছুঃখী মেয়ে বাজারে চুণ বিক্রী করতে যাচ্ছিল। তাঁর মাথায় এক চুণের মালশা। বনদেবী "বুড়া ঠাকুরাণী" তাকে ডাকলেন। সে চুণের মালশা নামিয়ে আশ্চর্য হয়ে দেখে, চুণতো নয়, সব দই! বনদেবী বলেন, আমার বড় খিদে পেয়েছে, তোমায় এই কড়িটা দিচ্ছি, তুমি দই রেখে মুদী দোকান থেকে চিড়ে, মুড়ি, চিনি, ছধ, মেঠাই এনে দাও। সে ভাবতে লাগলো একটা কড়িতে বেশী কি পাব। কিন্তু মুদীর দোকানে কড়িটি দিতেই "মুদী" কত জিনিস দিলেন, তা বলে শেষ করা যায় না। মেয়ে-মাতুলটি লোকজন নিয়ে একে একে সব জিনিস বনদেবীর কাছে বয়ে দিলে এলো। বনদেবী সামান্য একটু খেয়ে সব জিনিস মেয়ে মাতুলটিকে দিলেন। আর তাকে এক মালশা চোপা দিলেন। তখন

সেই বনে লোকে লোকারণ্য হলো। বনদেবী আদেশ দিলেন, আমি মহাদেবের কন্যা; অগ্রহারণ মাসের শুক্লপক্ষে শনিবারে আমার পূজা করিলে অপুত্রের পুত্র হয়, নিধনের ধন হয়, ছেলে মেয়ের ব্যারাম পীড়া হয় না, সকলে সুখে থাকে, আর হর-পার্বতী তুষ্ট হন।

প্রণাম। বনভূগা বনস্থচ বনমালা বিভূষিতা।

শঙ্করস্ত প্রিয়পুত্রী বনদেবি নমোস্ততে ॥

ইতু-রা'ল ব্রত।

অগ্রহারণ মাসে “ক্ষেত্র” ও “বুড়াঠাকুরাণী” ব্রতের পরদিন (রবিবার) এই ব্রত করিতে হয়। এক বাড়ীতে ছ'চর জন মহিলা একত্র হইয়া ইতু-রা'ল ব্রত করিবে; একা করিবে না। প্রত্যেক ব্রতচারিণী বিয়াল্লিশটা আতপ-তগুল নখ দ্বারা খুঁটিয়া লইবেন। পাঁচ মেয়ে একত্র হইলে, এবং এতগুলি তগুল খুঁটিয়া লওয়া কিঞ্চিৎ সময় সাধ্য, ব্রতের উপাখ্যানও বড়; একত্র উহারাই এই সময়েই নিম্নোক্ত ব্রত কথা শ্রবণ করেন। পূজান্তে ব্রত কথা স্মরণ করিয়া ভূতলে একটা আঁচড় কাটিলেই পুনরায় কথা শ্রবণ আবশ্যক হয় না।

মহালক্ষ্মীর শেখর বা অর্ধের স্থান ৫ ব্রতেও অর্ঘ্য নির্মাণ করিতে হয়। কিন্তু কলাপাতার পরিবর্তে পিটুলির এক ডোহ প্রস্তুত করিয়া, তাহার ভিতর আতপ তগুল ও হরী রাখন করিবে। প্রতি ব্রতিনীর হস্ত এইরূপ দুইটি পিটুলি-পিণ্ডের অর্ঘ্য আনয়ন করিবে।

প্রতি অর্ঘ্যে একুশগাছি ছুঁকা স্থাপন করিতে হয় । একুটি অর্ঘ্যের নাম ছয়োরাজ, অষ্টটি সুষোরাজ । একটীর ভিতর পূর্বোক্ত বিয়াল্লিশটা আতপ-চাঁলের অর্ধেক (একুশ) দিতে হইবে, অপরটিতে একুশটি ধান দিবে । অবশিষ্ট একুশটি আতপ চাঁল আলাহিদা রাখিয়া দিবে । তার পর পূজা হইয়া গেলে পিটুলি দ্বারা একুশটি পুলি (বা “দইলা”) প্রস্তুত করিবে । উহার কুড়িটা ছোট এবং একটা বড় বর্তুলাকার । এই বড়টার ভিতর পূর্বোক্ত অবশিষ্ট একুশটি আলো চাঁল দিবে । পূজাস্তে রন্ধনের সময় এইগুলি ভাতের সঙ্গে সিদ্ধ করিবে । পুরোহিত পূর্বাঙ্কে সূর্য্যের পূজা করিবেন । পূজাস্তে ব্রতচারিণীগণ উল্লিখিত একুশটি পুলি ভক্ষণ ও ডাল সিদ্ধ ভাতেভাত আহার করিবেন ।
কথা শ্রবণের পর প্রণাম যথা ;

জবাকুস্থম সঙ্কশং কাশ্রপেয়ং মহাহ্যতিম্
ধ্বাস্তারিং সর্বপাপম্বং প্রণতোহস্মি দিবাকরং ॥

ইতু-রা'ল ব্রত কথা ।

এক গরীব ব্রাহ্মণ । তাঁর গৃহ শূন্য । দু'টি পরমা সুন্দরী অবিবাহিতা ছোট কন্যা ছাড়া সংসারে তাঁর আর কেউ নাই । সারাদিন ভিক্ষা ক'রে যা পান তাতেই অতিকষ্টে দিন চলে ।

একদিন মেয়েরা ভিক্ষার ধান কর্তী রোদে শুকুতে দিবে খেলা করছিল ; কতগুলি পাররা উড়ে এসে সব ধান খেয়ে ফেলিলে । মেয়ে দু'টি কানতে লাগলো । তারা মনে ক'লে, বাবা সারাদিন পরে বাড়ী এসে, তাঁকে কি রেংখ কাওরাখ, আর আমরাই বা কি বাবা । রাগে ও দুঃখে তাঁরা জেড়ে গিয়ে একটু

পায়রা ধরে ফেলে। এক বৃদ্ধ ব্রাহ্মণ বাড়ীর পাশ দিয়ে যাচ্ছিলেন। তিনি তাই দেখে উর্দ্ধ্বাসে দৌড়ে এসে বলেন, কর কি! কর কি! এ যে ইতু-রা'ল পরমেশ্বর ঠাকুরের পায়রা, এখনি ছেড়ে দাও। তারপর মেয়েদের হুঃখের কথা শুনে বুড়ো ব্রাহ্মণের বড় দয়া হলো। তিনি বলেন, তোমরা ইতু-রা'ল ঠাকুরের ব্রত কর, তবেই তোমাদের সব হুঃখ দূর হবে। সেদিন অগ্রহায়ণ মাসের রবিবার; মেয়ে দু'টী তো উপোস করেই ছিল, তখনি তারা পূজা ক'রে ব্রত নিয়ম পালন করে। ব্রতের পুণিতে এক নিমেষে যেখানে তাদের কুঁড়েঘর ছিল সেখানে প্রকাণ্ড রাজ অট্টালিকা হলো। মরাই ভরা ধান হলো, গোরাল ভরা গরু হলো, পাল ভরা গোষ হলো। বাড়ীঘর ধন জনে ভরে গেল।

মেয়েরা সেদিন আনন্দে পথের পানে চেয়ে আছে কখন বাপ বাড়ী আসবে। কিন্তু সন্ধ্যা হলো, তবু ব্রাহ্মণ ভিক্ষা ক'রে বাড়ী ফেরেন না; এজন্তে মেয়েরা বড় ব্যস্ত হলো। বড় মেয়েটির নাম অমুনা, ছোটটি যমুনা। ছোট হলেও যমুনা অমুনার চেয়ে বেশী সেয়ানা। সে বলে, দিদি, বাবা আমাদের বাড়ীঘর এখন চিনতে পারবেন কেন; তিনি হয়তো ভাবচেন কোন রাজা এসে আমাদের তাড়িয়ে দিয়ে এখানে রাজ অট্টালিকা করেছে। চল যাই বাবাকে খুঁজে আনিগে। এই বলে তারা বাইরে গিয়ে দেখলে, ব্রাহ্মণের হাতে ভিক্ষার ঝুলি, তিনি বাড়ীর পাশে হা হতাশ ক'রে পড়ে আছেন। মেয়েরা দু'টাকে ইতু-রা'ল ঠাকুরের প্রত্যক্ষ কলের কথা বলাতে তিনি আশ্চর্য হয়ে নুতন বাড়ীতে প্রবেশ করেন। অমুনা ও যমুনা ইতু-রা'ল দেখতারা

কাছে প্রার্থনা কল্ল, ঠাকুর, আমাদের তো সবই হলো, কিন্তু
ধরে যা নেই ; আমাদের মনোবাঞ্ছা পূর্ণ করো ।

সেই দেশের রাজার এক পরম রূপবতী কন্যা ছিল । রাজ-
কন্যা বড় হয়েছেন তবু বিয়ে হয় নাই । আইবুড় সোমন্ত মেয়ে
দেখে রাণীর মুখে ভাত রোচে না । রাজা অন্তঃপুরে আসতেন
না, আর মেয়ে যে এত বড় হয়েছে তাও তাঁর জ্ঞান নাই ।
রাজা একদিন হঠাৎ অন্তরে এসে খেতে বসেছেন ; রাণী
মেয়েকে দিয়ে পরিবেশন করালেন । রাজা কন্যাকে চিনতে
পারেননি । রহস্য ক'রে বলেন, রাণি ! তোমার ছোট
বোনটার চেহারা তো বেশ, তোমার চেয়ে সুন্দর ; এঁকে কবে
আনলে ? আহা, দুটা দিন এখানে থাক । এবার আমাকে
অন্তঃপুরে কয়েদ রাখবার বেশ উপায় ঠাউরিয়েছ । তোমার
বুদ্ধি বলিহারি যাই, আর আমি অন্তঃপুর ছাড়বো না । রাণী
খুব চটে বলেন, মরণ আর কি ! চোকের মাথা খেয়েছ ?
আমিও তোমার বুদ্ধিকে বলিহারি যাই । রাজা নিজের ভ্রম বুঝতে
পেরে লজ্জায় মরে গেলেন । তাঁর খাওয়া হলো না ; তিনি
প্রতিজ্ঞা করেন, কাল ভোরে উঠে যার মুখ দেখবো, জাত বিচার
না ক'রে তাকেই কন্যা সম্প্রদান করবো । কন্যা সম্প্রদান না
ক'রে আর এক বিন্দু জল গ্রহণ করবো না ।

এদিকে সেই ব্রাহ্মণ এখন বড়লোক হলেও তাঁর বহুদিনের
ভিক্ষাবৃত্তির অভ্যাসটি যায় নাই । ইতু-রা'ল ঠাকুর শেষ রাত্রে
তাঁকে স্বপ্নে আদেশ দিলেন, তুমি খুব ভোরে উঠে রাজবাড়ী
যাবে, রাজা দাত্যকর্ণ হয়ে আজ দানের মতন দুটা করবেন ।
তুমি পশ্চিম মুখো হয়ে দাঁড়িয়ে থাকবে ; তুলো না, সাবধান !

শেষ রাত্রে স্বপ্ন দেখে ব্রাহ্মণের আর ঘুম হলো না। ব্রাহ্ম-মূর্ত্তে উঠে দুর্গানাম স্মরণ করে ভিক্ষার কুলিটা হাতে নিয়ে ব্রাহ্মণ তাড়াতাড়ি রাজবাড়ী ছুটে গেলেন এবং পশ্চিম মুখো হয়ে দাঁড়িয়ে রইলেন। রাজা শয্যা ত্যাগ করে সূর্য্য প্রণাম করেই সর্ব্বাঙ্গে ব্রাহ্মণকে দেখতে পেলেন। তিনি পরম তুষ্ট হয়ে তাঁকে শুভক্ষণে রাজকন্যা সম্প্রদান করলেন।

মা পেয়ে অমুনা ও ষমুনার আনন্দের সীমা নাই। কিছু কাল পরে যখন তাদের একটা ভাই হলো তখন ছ' বোন কল্পিত স্মৃতি হলো তা বলবার নয়। ভাইটিকে কোলে করে তারা সদাই বাড়ীর ভিতর হেসে খেলে বেড়ায়। কিন্তু নূতন ব্রাহ্মণীর চোখে মেয়ে দুটির এতটা নির্ভাবনা ও ক্ষুধিত ভাল লাগিল না। তিনি দেখলেন বাড়ীর লোকজন ওদের ইঙ্গিতেই যেন চলা ফেরা করে। ভাবলেন, এত বাড়াবাড়ি কেন? ওদের যদি তাড়িয়ে না দিতে পারি তবে আমি রাজার মেয়েই নই।

একদিন দুই বোন ইতু-রা'ল ব্রতের উদ্যোগ করে মাকে বলে, মা ভাইটিকে কোলে নাও, আমাদের ব্রতের জিনিষ ফেলে দিচ্ছে। যেই এই বলা, আর অমনি ব্রাহ্মণী হঠাৎ বেগে ছেলের গায় ঠানু করে এক চড় দিয়ে বলে, হতভাগা ছেলে! কেন ওদের কাছে যাসু। ছেলোটো ট'গা'ট'গা করে কাঁদতে লাগলো। ব্রাহ্মণী রাগে গর্গর্গ করে ছেলোটাকে কোলে তুলে নিয়ে পাড়া-প্রতিবেশীদের বাড়ী গিয়ে গুঁরে রইলেন। বাবুন ঠাকুর তখন বাড়ী ছিলেন না। বাড়ী এসে তিনি ব্রাহ্মণীকে সেখে আনতে গেলেন। অনেক সাধিত সাধনার পর ব্রাহ্মণী বলে, আমি তেমন মারুনের মেয়ে নই, অপমান হতে তোমার ঘর।

কতে আসিনি। এই অবোধ শিশু “দিদি দিদি” বলে অধীর হয়। তোমার দৃষ্টি মেয়ে ছটার কোন কাজ কর্ম নেই, ফি রবিবার পিটুলির পুতুল গড়ে খেলা-করে, শিশুকে কিছুতেই খেলাতে দেবে না, তাকে মেবেচে। আর আমায় যা-না-বলবার তাই বলে গালাগাল দিয়েচে; ঘেন্নার লজ্জায় আমি পালিয়ে এসেছি। তুমি কতটা নিয়ে সুখে ঘরকন্না কর, আমাকে বাপের বাড়ী পাঠিয়ে দাও; সেখানে আমার চা'টি অল্পের অভাব হবে না। হায়, আমি কেন এমন ছোট লোকের ঘর কতে এলুম। এই বলে ব্রাহ্মণী মুখে আঁচল দিয়ে ফুঁপিয়ে কাঁদতে লাগলেন।

বেচারী বামুনের মুখে কথা নাই। তিনি ভাবলেন ব্যাপার গুরুতর; অমুনা ও যমুনা নিশ্চয়ই বিশেষ অপরাধ করেছে। ব্রাহ্মণকে নরম দেখে ব্রাহ্মণী আবার কান্নার সুরে বলেন, যদি মেয়ে ছটোকে কালই বনবাস দাও তবেই আমি তোমার ঘরে যাব নইলে আমি এখনি বিষ খেয়ে মরবো। ব্রাহ্মণ বলেন, বনবাস তো বনবাস, যদি তুমি বল আমি ওদের এখনি কেটে ফেলি। তুমি মনে ক'রে নাও আমি ওদের বনবাস দিয়েছি, তুমি ঘরে চল। এই বলে ব্রাহ্মণ ব্রাহ্মণীর হাত ধরে বাড়ী ফিরলেন।

পরদিন ব্রাহ্মণ কস্তাগণকে ডেকে বলেন, চল, আমার সঙ্গে তোমরা তোমাদের মাসীর বাড়ী যাবে। তারা আশ্চর্য হয়ে বলেন, বাবা, বল কি, আমাদের তো মাসী নেই! “হ্যাঁ আছে ঠিকি, তোমরা ছেলে মানুষ, সব জান না” এই বলে সারাদিন গাধা হেঁটে, বামুন ঠাকুর মেয়েদের সঙ্গে ক'রে সড়ক দিয়ে কিছু আগে এক ঘোর অরণ্যে প্রবেশ করলেন। সূর্য তুফান কাতর হয়ে

মেয়েরা বাপের কোলে মাথা রেখে ঘুমিয়ে পড়লো। বাবুনের
'ছন্নতি হয়েছে ; তিনি কস্তাদের শিয়রে ছুখানি ইট রেখে আস্তে
আস্তে সরে পরলেন।

ছপুর রাত। মেয়ে ছুটির ঘুম ভাঙ্গলো। তারা দেখলে
বাপ নেই, চাদিকে ঘোর আঁধার ও বাঘ ভালুকের রব। এখন
উপায়! যমুনা সেয়ানা; সে বলে, দিদি বুঝতে পাচ্ছ না!
বাবা আমাদের মায়ের চক্রান্তে বনবাস দিয়েছেন। তখন
ছুবোন করযোড়ে ইতু-রা'ল ঠাকুরকে ভক্তিভরে ডাকতে
লাগলো। তাঁর কৃপায় কোন ভয় রইল না; ছই ভগিনী
বনের ভিতর এক কুগীরে বাস কতে লাগলো। ইতু-রা'ল ঠাকুর
তাদের সঙ্গে রইলেন।

একদিন এক দূর দেশের রাজপুত্র আর মন্ত্রীপুত্র বনে
মৃগয়া কতে এসেছেন। তাঁরা পিপাসায় কাতর হয়ে জলের
অন্বেষণে অরণ্যের ভিতর লোকজন পাঠালেন। তারা কুগীরে
এসে ব্রাহ্মণ কস্তাদের কাছ থেকে জল নিয়ে গেল। ইতু-রা'ল
ঠাকুরের চক্র, তাই জলপানের সময় রাজ-পুত্র ও মন্ত্রী-পুত্র
জলের ভিতর খুব লম্বা ছু'গাছি মাথার চুল দেখতে পেলেন।
তাঁরা আশ্চর্য হয়ে বলেন, আহা চুল তো নয়, বেন শ্রামাঠাক-
রণের কেশ! এই ঘোর অরণ্যে সুকেশী রূপবতী রমণী কোথায়?
অসুস্থান করে জানতে পারলেন কুগীরের ভিতর ছইটি গরমা
সুন্দরী কস্তা আছে। তাঁরা কুগীরে গিয়ে তাঁদের দেখে মোহিত
হয়ে গেলেন। ইতু-রা'ল ঠাকুর তাঁদের মন মেনে ছন্নবেশে
প্রকাশ করে, রাজপুত্রের সঙ্গে অমুন্যর এবং মন্ত্রী-পুত্রের সঙ্গে
সুন্দরীর বিয়ে দিলেন। তাঁরা বউ নিয়ে খুব খটা করে বাড়ী

বাঁধা করলেন । তখন যমুনা অমুনাকে বললেন, দিদি তুমি চলে
তোমার বাঁধী, আমি চলুম আমার বাঁধী ; কিন্তু 'সাবধান'
ইতু-রা'ল ঠাকুরের ব্রত যেন ভুলো না ।

কিছু দিন পর রাজপুত্র রাজা হলেন, মন্ত্রীর পুত্র মন্ত্রী
হলেন । তাঁদের ছ'জনেরই ছেলে হলো । পরম সুখে দিন যেতে
লাগলো । রাণীর উপর রাজার অগাধ ভালবাসা । তিনি যা
বলেন রাজা তাই করেন । রোজ নূতন হীরের ফুল, গজ-মুক্তোর
হার রাণীকে পরিয়ে রাজার আশ মিটতো না । একদিন রাজার
চোকে রাণীর পায়ের আলতার রং একটু যেন ময়লা বোধ হলো ।
আর অমনি, রাণীর ঘর ভাল ক'রে ঝাঁট দেয়নি কেন এই অপ-
রাধে, ঝাড়ু দার ও তার সাত ছেলের গর্দানা নেবার হুকুম দিয়ে
কেনেন ।

কিন্তু রাজার এত যে ভালবাসা, তা একদিন বালির বাঁধের
মত ধসে গেল । রাণী অমুনা পিটুলির পুলি গড়ে ইতু-রা'ল
ব্রত কোরতেন । রাজা প্রায়ই বোলতেন, ছি, তুমি হলে রাজ-
রাণী, ফুলের তোড়া হাতে নিয়ে পরীটির মত সারাদিন বসে
থাকবে । আর যদি ব্রত করতেই হয় তবে রাজা রাজড়ার মত
ব্রত করবে ; হাতী দান করবে, ঘোড়া দান করবে । তা না
ক'রে, এ তুচ্ছ পিটুলির ব্রত তোমার কে শেখালে ? আমার
কথাটা রাখ, এ ব্রত আর করো না । রাণী আর কিছুতেই
মানা শুনলেন না । একদিন রাজা ব্রতের জিনিষ পায় ঠেলে
কেনে দিয়ে রেগে আশ্বিন হয়ে বললেন, জঙ্গলী মেয়ে ! জঙ্গলই
'তোমার যোগ্য স্থান । এই ব'লে অমুনাকে বাঁধী হ'তে তাড়িয়ে
দিলেন । ইতু-রা'ল ঠাকুর বিরূপ হলেন ।

অমুনার হুঃখের সীমা নাই। কাল রাজরাণী ছিলেন, আশ্রয় পথের ভিকিরি। তিনি ভাবলেন, এখন যাই কোথা। বাপের বাড়ী ঠাই নাই। এমন যে রাজরাজেশ্বর সোয়ামী, তিনিও আমার ত্যাগ করলেন! হায়, এ হুঃখের কথা কার কাছে বলি। যমুনা এক মায়ের পেটের বোন, অনেক দিন তার সঙ্গে দেখা নাই। তাকে একবার না দেখে কোথাও যাব না। এই ভেবে তিনি তাঁর ছেলেটিকে কোলে ক'রে কাঙালীর বেশে মস্তুর বাড়ীর দিকে চলেন। অন্যের দরজায় গিয়ে তাঁর বুক ছুর ছুর করতে লাগলো। খিড়কির পুকুর পাড়ে বসে ভাবতে লাগলেন, ভগিনী কি আমার এ বেশে চিনতে পারবে। তখন দেখলেন যমুনার দাসী তাঁর স্নানের জল নিয়ে যাচ্ছে। তিনি নিজের হাতের আংটি লুকিয়ে কলসীর ভিতর ফেলে দিলেন।

যমুনা ঘরুে বসে স্নান কোরছিলেন। জল ঢালতেই অমুনার আংটি তাঁর গায়ে পড়লো। তিনি দাসীকে বোকে উঠলেন, ঝি, বল দেখি তোর কি আঙ্কেল, তুই “তুক” করেছিস্ না কি? স্নানের জলের ভেতর আংটি দিলি কেন? দাসী ভয়ে জড়সড় হয়ে বলে, ঠাকুরগণ আমি তো কিছুই জানি না। তবে পুকুর পাড়ে একটা মেয়ে ও একটা ছোট ছেলে বসে রয়েছে এই জানি। মেয়েটা দেখতে তোমারই মতন সুন্দর, গরীব অথচ দামী গহনা পরা; আমার সন্দেহ হয় এ তারই কাজ। যমুনা আংটি ভুলে দেখলেন ও দিদিকে চিনতে পারলেন। অমনি ছুটে গিয়ে তাঁকে ও তাঁর ছেলেকে পরম সমাদরে ঘরে নিয়ে এলেন।

অনেক দিন পরে দুই ভগিনীর পরস্পর দেখা। চোকের জল মুছিতে মুছিতে কত সুখ হুঃখের কথা তারা বলিতে লাগিল।

লেন। যমুনা রাজার ছর্ষতির কথা শুনে কাঁদতে লাগলেন। অমুনাকে তিনি গোপনে নিজ বাড়ীতে রাখলেন। অমুনা যমুনাকে বল্লেন, বোন্ আমি যে এখানে রইলুম তা কেউ রাজার কাণে না তোলে; মন্ত্রী মশাইকে ব'লে কাজ নেই। যমুনা বল্লেন, দিদি মন্ত্রীর মন্ত্র আমার হাতে, তোমার কোন ভয় নাই। তুমি নিশ্চিত থাক।

এদিকে, কিছুদিন পর রাজার চৈতন্য হলো। তিনি রাণীর জন্ত ব্যাকুল হলেন। অনুতাপ ক'রে মন্ত্রীকে বল্লেন, আমি বিনা দোষে রাণীকে ও ছেলেকে তাড়িয়ে দিয়েছি; যত টাকা লাগে দেবো, তুমি লোকজন পাঠিয়ে তাঁদের খুঁজে নিয়ে এসো। রাণীকে না দেখে আমার প্ৰাণ বেরিয়ে যাচ্ছে।

মন্ত্রী মহা বিপদে পড়লেন। সব লোক ফিরে এলো, কেউ রাণীর খোঁজ পেলে না। রাণীকে পাওয়া গেল না বলে চাকরি তো থাকবেই না, আরও কি হয়, এই ভেবে তিনি মনের দুঃখে লেপ মুড়ি দিয়ে শুয়ে রইলেন। যমুনা এসে বল্লেন, তুমি এত ভাবচো কেন, আমি থাকতে তোমার চাকরি যাবার ভয় নাই। রাজা রাণীর জন্তে এত উতলা হয়েছেন তা শুনে আমি সুখী হলেম। রাণীর সঙ্গে যাই হোক আমার একটা রক্তের টান আছে, এজন্তে আমি নিজেই লোক পাঠিয়ে তাঁকে খুঁজে নিয়ে এসেছি। তুমি যাও রাজাকে সংবাদ দাওগে, আমি রাণীকে পালকী ক'রে পাঠিয়ে দিচ্ছি।

যমুনা রাণীকে ও তাঁর ছেলেকে সাজগোজ করিয়ে অনেক ধন রত্ন সঙ্গে দিয়ে রাজবাড়ীতে পাঠিয়ে দিলেন। ঐসব ধন রত্ন রাজবাড়ীতে না যাইতেই ইতু-রা'ল ঠাকুরের কোপে অদৃষ্ট

হইরা গেল । রাজা রাণীকে পেয়ে প্রথমে খুব সন্তুষ্ট হলেন বটে, কিন্তু তাঁকে কিছুতেই ব্রত করতে দিলেন না । অনেক দিন ব্রত না করাতে রাণীও ব্রত ভুলিয়া গেলেন । সে দিন থেকে মা লক্ষ্মীও রাজবাড়ী ত্যাগ করলেন । রাজার হাতীশালে হাতী মলো, ঘোড়াশালে ঘোড়া মলো ; দারুণ রোদে শস্য পুড়ে গিয়ে দেশে দুর্ভিক্ষ হলো । রাজা ভাবলেন কি কুক্ষণে আমি এই বনবাসিনীকে ঘরে এনেছিলাম । আমার সোণার সংসার ছিল, সবই ছারখার হয়ে গেল । একবার তাড়িয়ে দিয়েছিলাম, ভালই হয়েছিল । আবার অলক্ষ্মীকে ডেকে নিয়ে এসে কি আহান্যুকি করেছি ! রাণী ও তার পেটের ছেলেটা বেঁচে থাকতে আমার কিছুতেই ভাল হবে না ।

রাজা মন্ত্রীকে ডাকিয়ে বল্লেন, দেখ ভাই তুমিও বনবাসিনী কন্তো বিয়ে করেছ আমিও তাই করেছি । তবে তোমার এত সুখ সম্পদ কেন, আমারই বা সব উল্টো কেন ? রাণী বেঁচে থাকতে আমার অদৃষ্টে কিছুতেই শাস্তি নাই । রাণীর ও তার ছেলের সুন্দর মুখ ও রূপ দেখলে আমি সব ভুলে যাই । আমি নিজ হাতে হত্যা করতে পারবো না ; জন্মাদের হাতে দিয়ে অপমান করবারও ইচ্ছে নাই । আমি আদেশ দিচ্ছি, তুমি এক কাজ কর । রাণীকে ও তার ছেলেকে গোপনে নিয়ে যাও, গোপনে হত্যাসাধন করে আমাকে তাদের রক্ত দর্শন করাও । তাদের রক্ত দেখলেই আমার শাস্তিলাভ হবে । যাও, আর দ্বিধা করিও না ।

মন্ত্রী বাড়ী গিয়ে যমুনাকে বল্লেন, এখন উপায় ? যমুনা ধ্যানিক চূপ করে ভাবতে লাগলেন । পরে বল্লেন, রাজার

হুকুম, তা অমান্ত করা তোমার উচিত হয় না। রাজার আদেশ। ভাল কি মন্দ সে বিচার উপরওয়াল ভগবান করবেন, সে ভার আমাদের নয়। তুমি হুকুম মত ওদের রাজবাড়ী থেকে গোপনে নিয়ে এসো। মন্ত্রী তাই করলেন। যমুনা ভাবলেন, রাজা-রাজড়ার মেজাজ, একবার বোল্চে তাড়িয়ে দাও, আবার বোল্চে এনে দাও। আজ বোল্চে কেটে ফেল, আবার কাল কোন্ না বল্বে বাঁচিয়ে এনে দাও। রাজার দুর্ন্যতি হয়েছে, দিদিও ব্রত ভুলে গেছে। যাই হোক, আমি এর প্রতীকার কচ্ছি। তার পর তিনি কতগুলি মশলা লালরসে গুলে মন্ত্রীর কাছে গিয়ে বল্লেন, আমি কাজটা সেরে ফেলেছি। রাজার আদেশ, কি করা যায়! ছেলে বেলা কার বোন বই তো নয়, তা এমন বেশী কি। বিয়ে হয়ে গেলে পর আর সম্পর্ক কি। আমরা ভাল মন্দ বুঝি না, আমাদের অন্ন বজায় রাখলেই হলো, কি বল? আমি লোক দিয়ে খুব গোপনে ওদের কেটে ফেলে এই রক্ত এনেছি; যাও রাজাকে দেখাওগে। রক্ত না দেখলে তাঁর প্রত্যয় হবে না। মন্ত্রী তাই করলেন! যমুনা, রাণী ও তাঁর ছেলেকে লুকিয়ে ঘরে রাখলেন।

একদিন যমুনা বোল্চেন, দিদি ব্রতটা ভুলে গিয়েই তোমার এই দশা। আমার কথা রাখ, তোমার ব্রত করতেই হবে। তা শুনে অমুনা বোল্চেন, বোন, কি সুখ কামনা ক'রে আমি ব্রত করবো? সোয়ামীর চেয়ে বড় দেবতা মেয়ে মানুষের আর পৃথিবীতে নাই। সেই সোয়ামী যদি ব্রত না করলেই সুখী হন, তবে তাঁর মনে কষ্ট দিয়ে আমার লাভ কি? তাঁর অনু-মতি না পেলে আমি কি ক'রে ব্রত করবো। আর আমি

এখনও বেঁচে আছি তা শুনেই বা তিনি কি মনে করবেন ? কেবল এই শিশুটির মুখ দেখে আমার এখনো মরতে ইচ্ছা হচ্ছে না। এই ব'লে রাণী অমুনা চোঁকে আঁচল দিয়ে কাঁদতে লাগলেন।

এইরূপে কিছুদিন চলে গেল। পাছে ব্রত করতে হয় এই ভয়ে অমুনা উপোস থাকতেন না। রোজ সকালে উঠে কিছু না খেয়ে বোনের সঙ্গে দেখা করতেন না।

যমুনা ভাবলেন, দিদি যাই বলুন, ইতু-রা'ল ঠাকুরের কৃপা না হ'লে তাঁর উদ্ধার নাই। আসুছে কাল রবিবার, এঁকে ছোর করে উপোস রেখে সকাল সকাল ব্রত করাতে হবে। মনে একটা মৎলব এঁটে তিনি সে দিন রাত্তিরে মন্ত্রীর বিছানা বাইরে পাঠিয়ে দিয়ে ভগিনীর সঙ্গে এক শয্যায় শয়ন করলেন। অমুনা ঘুমিয়ে পড়লে তাঁর আঁচলে নিজের আঁচল বেঁধে, হাতে হাত রেখে শুয়ে রইলেন, যেন রাণী সকালে উঠে কিছু মুখে দিতে না পারেন।

এদিকে মন্ত্রী মহাশয়ের চোঁকে ঘুম নাই। তিনি মনে করলেন, গিন্নির বুদ্ধি বেশী বয়সও কাঁচা, ভাবনার কথা বটে। আমার চোঁকে কি ধুলো দিচ্ছে, ভগবান জানেন। কিছু না বোলে কোয়ে আজ হঠাৎ আমাকে বাইরে রাখলে কেন ? রাজা কি দোষে ছেলে-শুধু সুন্দরী স্ত্রীকে ত্যাগ করলেন তা ঠিক জানি না, এ তো তারি সহোদরা ! সারা রাত মন্ত্রীর ঘুম হলো না, মনে দারুণ সন্দেহ জন্মালো। খুব ভোরে উঠে তিনি অন্ধরে গিঞ্জির-ঘরে ঢুকে বা দেখলেন তাতে তার মাথার আঁকাই কেহে ! হাত হাতে ধরে ফেলেছি ! কোন্ পন-

পুরুষের সঙ্গে একত্র আলিঙ্গনবদ্ধ হয়ে গুয়ে রয়েছে ! তবে
রে বিচারিণি, জঙ্গলী মেয়ে ! রাজা রাণীর কেবল রক্ত দেখেছেন,
আমি তোর রক্তে স্নান করবো। এই ব'লে রাগে অন্ধ হ'য়ে
যেই একখানি দা হাতে তুলে নিয়েছেন অমনি দেখতে পেলেন,
ধাকে পুরুষ ভেবেছেন তাঁর পায়ে মল ও হাতে শাঁখা।

মন্ত্রীর যেন ঘাম দিবে জ্বর ছাড়লো। তিনি যমুনাকে
জাগিয়ে সব কথা শুনলেন। তিনি ভাবলেন, স্ত্রী আমার পরম
সতী ; এঁরি পুণ্যবলে আজ দু' দু'টি স্ত্রীবধ হতে রক্ষা পেলুম।
রাণীকে বিনা বিচারে হত্যা করিয়েছি মনে ক'রে আমার ঘুম
হতো না ; এঁরি পুণ্যবলে সে পাপ আমার হয়নি। ইতু-রা'ল
ঠাকুরকে ধন্যবাদ ! এই ব'লে তিনি নিজের উয়ুগী হয়ে রাণীকে
ও স্ত্রীকে খুব সমারোহে ব্রত করালেন। রাণীর কোন দোষ
নাই, রাজারই দুর্ভাগ্য হয়েছে তা তিনি স্পষ্ট বুঝতে পারলেন।
তিনি সকলকে বলতে লাগলেন, আমি আর রাজার ভয় করি
না, তিনি পাগল হয়েছেন।

রাণী ব্রত সমাপন ক'রে করঘোড়ে বর মাগলেন, ভগবান
ইতু-রা'ল ঠাকুর ! স্বামী আমার দেবতা, তাঁকে স্তুতি দাও,
আমার আর কিছু আকাঙ্ক্ষা নাই। তাঁর দোষ ক্ষমা কর।

রাজার মতির স্থিরতা নাই। রাণীর অভাবে তিনি আবার
অধীর হয়ে উঠলেন। তিনি মন্ত্রীকে এখন রোজ্জ বোলছেন,
হার আমি কি কাজ করেছি। রাণী আমার গৃহের লক্ষ্মী ছিলেন ;
তিনি বাবার পর আর ঘরের স্ত্রী কিরিল না। রাণী তাঁর ইষ্ট
সেবতার ব্রত কোরতেন, আমি না বুঝে তাঁর অপমান করেছি।
এ পাপের প্রায়শ্চিত্ত নাই। ভাই, বলে দাও কোন স্থানে

আমার দেবীর দেহের রক্তপাত হলো ; সেই খানে আমার নিজ শরীরের রক্তপাত ক'রে পৃথিবী হুইতে বিদায় নিই । রাজার সময়ে নাওয়া নাই, সময়ে খাওয়া নাই, মুখে কেবল “রাণী অমুনা” ।

রাজা রাণীর শোকে ক্রমে পাগল হয়ে উঠলেন । এখন তাঁর জ্ঞান নাই । একদিন মন্ত্রীকে বলেন, মন্ত্রী, যত টাকা লাগে দেবো ; স্বর্গ, মর্ত্য, পাতাল যেখান থেকে পার আমার রাণীকে খুঁজে এনে দাও । নইলে ঠিক জেনো, তোমার গর্দানা নেবো । বাও, দু'দিন সময় দিলুম ।

বাড়ী এসে মন্ত্রী বলেন, গিন্নি তুমিই আমার ধড়ে মুণ্ড রাখলে । চাকরি তো দূরের কথা, এবার প্রাণ নিয়ে টানাটানি হয়েছিল । দাও, রাণীকে শীঘ্র আমার সঙ্গে পাঠিয়ে দাও । এই ব'লে তিনি রাজার নূতন হুকুমের কথা সব খুলে বলেন । তা শুনে যমুনাবলেন, আমি সব আগেই জানি । তোমার অত তাড়াতাড়ি কেন, অন্ততঃ দুটা দিন থাক । তারপর স্বামীর সাহস পরীক্ষা করবার জন্তে তিনি বলেন, কা'ল তুমি রাজ দরবারে গিয়ে রাজাকে দেখে প্রণাম করো না । মন্ত্রী বলেন, সে কি কথা ! আমার ঘাড়ে একটা বই দশটা মাথা নয় । তিনি হচ্ছেন রাজা, তাঁকে দেখে প্রণাম না জানালে কি আর রক্ষে আছে ? যমুনা হেঁসে বলেন, তুমিই তো সে দিন গরব ক'রে বোলছিলে “আমি রাজাকে ভয় করি না, তিনি পাগল হয়েছেন” । মন্ত্রী লজ্জিত হ'লেন । যমুনা তখন তাঁকে সাহস দিয়ে কি কি করতে হবে সে বিষয়ে অনেক উপদেশ দিলেন ।

পরদিন রাজার সঙ্গে তার দেখা হলো । চকু লজ্জার ভরে মন্ত্রী একটু মুখ ফিরিয়ে প্রণাম করলেন । রাজা কুপিত হলেন ।

রেগে কথা কইতে পারেন না। তখন মন্ত্রী বলেন, রাজা তুমি নিশ্চয়ই পাগল হয়েছ ; নইলে যে রাণীকে স্বয়ং হুকুম দিয়ে কেটে ফেলেছ তাকে খুঁজে দেবার জন্য হুকুম দেবে কেন ? আমার গর্দানাটা তো গিয়েই রয়েছে তবে আর তোমাকে প্রণাম বা কেন, ভক্তিই বা কেন ? তোমাকে আর আমি ভয় করি না। শুনে রাজা নরম হয়ে গেলেন। মন্ত্রী আবার বলতে লাগলেন, রাজা, তোমার প্রতি ইতু-রা'ল ঠাকুরের কোপ। তাঁর ক্রোধের শাস্তি না হ'লে স্বর্গ, মর্ত্য, পাতাল খুঁজলেও রাণীকে আর পাওয়া যাবে না। যদি ভাল চাও, তবে আমার ঘরে চল। আমার স্ত্রী আজ ইতু-রা'ল ঠাকুরের ব্রত করবে ; ঠাকুরের কৃপা হলে রাণীকে ও ছেলেকে পেলেও পেতে পার।

রাজা তাই করলেন। তিনি মন্ত্রীর বাড়ী গেলেন। অমুনা ও যমুনা ভক্তি ক'রে ব্রত সমাপন করলেন। 'তারপর যমুনা, অমুনাকে ও তাঁর ছেলেকে সাজিয়ে গুজিয়ে আড়ালে রাখলেন। তখন মন্ত্রী রাজাকে অন্তরে ডেকে এনে বলেন, ব্রত হয়ে গেছে তুমি ভূঁয়ে মাথা ঠেকিয়ে প্রণাম কর। রাজা সাষ্টাঙ্গে প্রণাম করলেন। চোখ বুজে মনে মনে প্রার্থনা করলেন, ঠাকুর আমার শত অপরাধ মার্জনা কর। রাণীকে ও পুত্রকে বিনাদোষে প্রাণদত্ত করেছি, তোমার চরণে এই ভিক্ষা তাঁদের সঙ্গে আমায় মিলিত কর। পৃথিবীতে আমার অন্য সাধ নাই। এই বলিয়া রাজা মাটিতে মাথা লুটাইয়া গালত্রোখান করলেন এবং সঙ্গে সঙ্গে চোখ মেলিয়া দেখতে পেলেন, রাণী ও তাঁর পুত্র ঠিক সম্মুখে দাঁড়াইয়া আছেন। রাজা আনন্দে আত্মহারা হইয়া তাঁদের জড়িয়ে ধরলেন।

রাজা রাণীর আনন্দের সীমা নাই। এত আফ্লাদের ভিতরেও তাঁদের হুঁজনের চোঁকে জল। রাজা স্ত্রীপুত্রকে সঙ্গে নিয়ে মহা সমারোহে রাজবাড়ী চলেন। রাজ বাড়ীতে মহা ধুমধাম। সাত দিন সাত রাত চারদিকে কেবল “খাও দাও” রব। রবি-বার দিন আমোদ আফ্লাদে রাজা ও রাণী আহার ক’রে উঠেছেন, এমন সময় ইতু-রা’ল ব্রতের কথা মনে পড়ে গেল! এখন উপায়? এই আনন্দের কোলাহলের ভিতর রাজ বাড়ীতে আর কে উপবাসী আছে, যে তাঁদের হয়ে আজ ব্রত করবে! তখন খোঁজ খবর ক’রে জানা গেল, সেই ঋড়ুদারের বিধবা স্ত্রী, পতি-পুত্রশোকে জর্জরিত হ’য়ে এ পর্য্যন্ত জল গ্রহণ করে নাই। রাজা রাগের মাথায় বিনা দোষে, বিনা বিচারে তার স্বামীর ও সাত পুত্রের প্রাণ দণ্ড করেছিলেন। রাজার মনে বড় অহু-তাপ হলো। এই বিধবা পুত্র-শোক-কাতরা হুঁখী রমণীর চোঁকের জল থাকতে কিছুতেই আমার মঙ্গল হবে না। রাজা তাকে সমাদরে ডেকে প্রতিনিধি ক’রে ইতু-রা’ল ব্রত করালেন। তখনি তার সোয়ামী ও সাত ছেলে বেঁচে উঠলো। রাজা প্রজা সকলেরই আনন্দের সীমা রহিল না। “জয়, ইতু-রা’ল ঠাকুরের জয়” রবে চারি দিক ছেয়ে গেল।

রাণী অমুনা ও মন্ত্রী-মহিষী যমুনা মাবাপকে দেখবার জন্য ব্যাকুল হলেন। তাঁদের পূর্ব আচরণ মেয়েরা এখন ভুলে গেছেন। এক রাজার জামাই ও আর এক রাজার স্বগুর, সেই ব্রাহ্মণ নিমন্ত্রণ পেয়ে ব্রাহ্মণী ও পুত্রকে সঙ্গে ক’রে অনেক দিন পর মেয়েদের দেখতে এলেন। যমুনা বয়ঃপ্রাপ্ত ভাইকে কোলে নেবার উদ্যোগ অভিনয় ক’রে মা’কে হেঁলে বসেন, মা’-হুঁ

ভাইটি আমাদের ব্রতের জিনিষ তো ফেলে দেবে না ? মাও হেঁসে উত্তর করলেন, সে ভয় এখন .তোমাদের নাই ; আমিও ইতু-রা'ল ঠাকুরের ব্রতটা শিখেছি । তোমরা আমার পেটের সন্তান । ছয়ো রাজ ও সূয়োরাজকে সঙ্গে ক'রে ইতু-রা'ল ঠাকুর আমাকে স্বপ্নে আদেশ দিয়েছেন, সোয়ামীর ছেলেতে ও নিজের পেটের ছেলেতে যে তফাৎ মনে করে সে অভাগী যেন আমার ব্রত না করে ।

ধ্যান । ওঁ ক্ষত্রিয়ং কাশ্যপং রক্তং কলিঙ্গং বাদশাস্কুলং ।

পদ্মহস্তধরং পূর্বাননং সপ্তাশ্ববাহনং ।

শিবাধিদৈবতং সূর্য্যং বহ্নি প্রত্যধি দৈবতং ॥

৬৬ পৃষ্ঠায় প্রণাম মন্ত্র' দেওয়া হইয়াছে । কেবল বিঘ্নপত্র দ্বারা ইতু-রা'ল দেবের পূজা করা নিষেধ ।



কুলই ব্রত ।

এই ব্রত অগ্রহায়ণ মাসে রবিবার কিবা বৃহস্পতিবারে অনুষ্ঠিত হইয়া থাকে । পুরোহিত কুল-দেবতার অর্চনা করেন । এক খানি কুলার উপর ছাত্তু (শঙ্কু) দ্বারা কুলদেবতার মূর্তি রচনা করা হয় । মঙ্গল ও শুক্রবারের অপর নাম কুলবার । কুলবারে কুলচণ্ডী বা কুলই চণ্ডী পূজার প্রথা অচল থাকিলেও, তৎসঙ্গে এতদেশীয় কুলই-ব্রতের কোন সংশয় নাই ।

কুলকামিনীগণ এই ব্রতের দিবস অন্নাহার না করিয়া খই, চিড়া, দই, ছাতু ইত্যাদি ভোজন করিয়া থাকেন।

ধ্যান । ওঁ কুলদেবং মহাভাগং শক্রঘ্নন্ত বরপ্রদং ।

শার্দূল বাহনং দেবং নানালঙ্কার ভূষিতং ।

কুলই ব্রত কথা ।

এক বিধবা ব্রাহ্মণী । তিনি বড়ই “শুদ্ধাচারিণী” । নিষ্ঠা ও শুদ্ধাচারের বাড়াবাড়িতে তিনি শুচিবাইপ্রস্তু হইয়া পড়লেন । ময়লা কাপড় পরতেন, আর যেমন তেমন পুকুর বা ডোবার ময়লা জলে একটা ডুব দিলেই শুদ্ধ হলেন মনে করতেন । বাড়ীর ছোট ছোট শিশুরা খেলতে খেলতে কাছে এলে তাদের ছোঁবার ভয়ে চমকে উঠে দশ হাত দূরে সরে যেতেন । কোথাও কিছু নাই, তবু তিনি ভাবতেন সব ‘সগড়ী’ হয়ে গেল ! একত্র দিনে সাতবার স্নান করতেন । কোন জিনিষ একবার ধুয়ে শুদ্ধ মনে হতো না । রোজ ঝাঁট দিবার আগে কাঠিগুলি খুলে, গোবর মেখে, ধুয়ে, আবার বেঁধে তবে ঝাঁট দিতেন ।

তিনি আর কাঁকেও গৃহ দেবতার সেবা করতে দিতেন না ; অথচ, তিনি নিজের মুখে আঁচল বেঁধে, নৈবেদ্য রচনা ও পূজার আয়োজন করতে গেলে, যে পূজা সকালে হবার কথা, তা সক্যার আগে কিছুতেই হতো না । আর এক কথা । তিনি রাঁধবার আগে কাঠিগুলি জলে ধুয়ে নিতেন । ভিজ্ঞে কাঠ, একত্র কিছুতেই সক্যার আগে দেবতার ভোগ হতো না । পচা গোরুরের ছর্গকে ঝকুরের ঘরে তিষ্ঠানো ভার । দেবতার আঁর কত সহ্য করিবেন । তাঁরা এই সব কারণে বড় কুপিত হলেন ;

ব্রাহ্মণীর পূজা গ্রহণ করলেন না। একদিন তিনি পূজার ঘরে প্রবেশ করবেন এমন সময়ে দৈববাণী হলো, সাবধান! তুমি এঘরে আর কখনো এসো না।

দেবতার কোপ হ'লে কিছুই অসম্ভব নয়। গ্রামে দৈববাণীর নানাভাবে নানারূপ ব্যাখ্যা করতে লাগলো। বিধবা কুলকামিনীর কুৎসা রটনা হলো। ব্রাহ্মণী তাহা শুনিয়া যেন মরিয়া গেলেন। তাঁর আহার নিদ্রা নাই। রিষ্টি খণ্ডনের ছুরাশায় রাহ কেতু শনি ও পীরের পূজা মানত করলেন, নানাস্থান হতে তাবিজ ও মাছুলি সংগ্রহ ক'রে হাতের কনুইতে, গলায় ৭ মাথার চুলে ধারণ করলেন। কিন্তু দেবতার কোপ; কিছুতেই ছুঁগাম দূর হইল না।

অনেক লাঞ্চার পর দেবতার অবশেষে তাঁকে স্বপ্নে আদেশ দিলেন, তুমি শুচিবাই ত্যাগ কর, সর্বদা মন খাঁটি রেখে ভক্তিভাবে কুলদেবতার পূজা কর। তবেই তোমার ছুঁগাম দূর হয়ে সুনাম হবে, আর চিরকাল সুখে থাকবে।

তিনি তাই করলেন। দেবতার কোপ গেল। সেই অবধি পৃথিবীতে কুলই ব্রত প্রচারিত হলো। এ ব্রত করে কুলে কলঙ্ক হয় না, চিরকাল কুল উজ্জ্বল থাকে।

প্রণামং ও কুলদেবং নমস্তভ্যং সর্বদা ভক্তবৎসলঃ ।

ভক্তিসুক্তিপ্রদো নিত্যং তস্মৈ নিত্যং নমোনমঃ ॥



নাটাই ব্রত ।

অবিবাহিত বালকবালিকার বিশেষতঃ অনুঢ়া কন্যার শুভ বিবাহ কামনা করিয়া কুলবতীগণ অগ্রহায়ণ মাসের প্রতি রবিবারে সায়াছে এই ব্রতের অনুষ্ঠান করিয়া থাকেন । অনুঢ়া কন্যার সংখ্যা বেশী না হইলে, কিম্বা গৃহে “অরক্ষণীয়া” কন্যা না থাকিলে হুই এক রবিবারে ব্রত না করিলেও চলে । বলাবাহুল্য, ঘরে অবিবাহিতা বালিকা না থাকিলে নাটাই ঠাকুরাণীর প্রতি কেবল অতীতকৃপাজনিত কৃতজ্ঞতা প্রকাশের নিমিত্ত কেহ ব্রতানুষ্ঠান আবশ্যিক মনে করেন না । এতদ্দেশে ব্রাহ্মণ সমাজে কন্যার সংখ্যা অল্প । কিন্তু বৈদ্য ও কায়স্থ সমাজে কাহাকেও পুত্রের বিবাহের জন্ত বিশেষ বিব্রত হইতে হয় না ।

অন্তঃপুরের প্রাঙ্গণে পূজাস্থল বিচিত্র আলিপনার সুশোভিত হইয়া থাকে । মধ্যস্থলে এক চতুষ্কোণ ক্ষুদ্র “পুকুর” খনন করা হয় । উহার ভিতর নাটাই ঠাকুরাণী সশরীরে বিরাজমানা থাকেন । আলিপনার সাধারণ চিত্রের একটা নমুনা ৮৭ পৃষ্ঠায় দেওয়া গেল ।

সুনিপুণা মহিলাগণ উক্ত সাধারণ আলিম্পনের কিয়দংশ পরিবর্তন ও পরিমার্জন পূর্বক চতুর্দিকে নানাবিধ সুন্দর কার্যের অবতারণা করিয়া চিত্র-বৈচিত্র্য প্রদর্শন করিয়া থাকেন ।

সাতটা ছোট কচুপাতা লইয়া একটীর উপর আর একটা রাখিবে । যে পাতাটা অপেক্ষাকৃত সকলের বড় তাহা সর্বোপরি রাখিবে । এইরূপ ক্রমান্বয়ে যেটা সর্বোপরি রাখিবে তাহা সর্বোপরি রাখিবে । তারপর এইরূপ ক্রমে সজ্জিত সাতটা তুলসী পত্র কচুপাতাগুলির

উপর স্থাপন করিবে। অতঃপর তুলসী পত্রের উপরে সাতগাছি দুর্বা দিবে। এই তিন স্তর একত্র এক “ভাগ” হইল। যতজন বালক বালিকার শুভবিবাহ কামনা করিবে ঐরূপ তত “ভাগ” করিতে হইবে। এইগুলি কদলী পত্রের উপর স্থাপন করিতে হয়।

ইহা ব্যতীত, ভিজা চাঁল শিলে পিষিয়া প্রত্যেক বালক বালিকার জন্য সাতখানি ক্ষুদ্র চাপাটি প্রস্তুত করিবে। উহার তিনটে লবণ বর্জিত, আর চারিটার হুন সংযোগ করা হইয়া থাকে। ব্রতকথা শ্রবণের পর সরলমতি শিশুগণ উৎসাহ সহকারে ঐ চাপাটি ভক্ষণ করে। উভয়বিধ চাপাটি একপাত্রে মিশ্রিত করিয়া দেওয়া হয়। সর্বাগ্রে লবণ সংযুক্ত চাপাটি তুলিয়া ভক্ষণ করিতে পড়িলে শীঘ্র প্রজাপতির কুপা লাভ হইবে, এরূপ মেয়েলী শাস্ত্রের নির্দেশ। শিশুদের মধ্যে বাহারা কিঞ্চিৎ বয়স্ক তাহাদের কাহাকে রহস্যপ্রিয়া রমণী জিজ্ঞাসা করিলেন, আগে হুনের চাপাটি খেয়েছ তো? উত্তর। তা আমি মনে রেখেছি কি না।

প্রঃ। তবে বোঝা গেছে, আলুনি খেয়েছ!

উঃ। তাই আমি বল্লম কি না।


প্রঃ। তবে হয়েছে। তোমার কপাল ভাল, হুন খেয়েছ।

তা বলতে হয়!

উঃ। (অধোদৃষ্টি ও নীরব।)

এ রূতে পুরোহিত আবশ্যিক হয় না। গৃহকর্তী সায়ংকালে সুর নাটাই দেবীর পূজা করেন। পূজাস্ত্রে সমবেত বালক বালিকাগণ আগ্রহ সহকারে কথা শ্রবণ করে।

আলিপনার নমুনা ।



[৮৫ পৃষ্ঠা দেখ ।]

নাটাই ব্রত কথা ।

এক ছিলেন ধনপতি সওদাগর । তাঁর ছী, ছুঁটা সুন্দর ছোট ছেলে ও মেয়ে রেখে, হঠাৎ মারা যান । কিছু দিন পর, সওদাগর আবার সংসার করলেন । দ্বিতীয় পক্ষেও একটা ছেলে ও একটা মেয়ে হলো । মা-মরা শিশু ছুঁটিকে বাপ বড় ভাল বাসতেন । আর, পাড়া পড়শীরা টুকটুক সুন্দর ছেলে মেয়ে ছুঁটিকে দেখলেই আদর ক'রে কোলে তুলে নিত । তাই মেয়ে

নূতন গিরি ভাবলেন, হা অদেই, এ অভাগীর পেটে হয়েছে ব'লেই আমার বাছাদের এত হতাদর। এক বাড়ীতে চা'রটা ভাই বোন; তারা যদি সকলে সমান না হবে তবে লোকে আমাকে ওদের সকলকেই নিজের পেটের ছেলের মতন দেখতে বলে কেন?

একদিন গিরি এসে ধনপতিকে বল্লেন, কেবল বাড়ীতে বসে থাকলে তো আর সংসার চলবে না। শুনছি, সব সওদাগরেরা বিদেশে বণিজ্যে যাচ্ছে; তুমিও তাদের সঙ্গে যাও না কেন? ছেলে মেয়ে কোলে ক'রে বসে থাকা পুরুষ মানুষের কাজ নয়। তাই শুনে, ধনপতির ভাবনা বেড়ে গেল। কারণ, নূতন গিরি যে, বাড়ীতে খাবার এনে, লুকিয়ে আম সন্দেশ নিজের ছেলে মেয়েদের হাতে এক একটা বেনী দিতেন, তাহা তাঁর জানবার বাকী ছিল না। এজন্য বিদেশে যেতে হবে ভেবে, বড় ছেলে ও বড় মেয়েটার জন্তে তাঁর প্রাণ কাঁদতে লাগলো। কিন্তু বিদেশে না গেলেও তো নয়; আগে রোজগার, তার পরে সব।

সাত পাঁচ ভেবে, ধনপতি বিদেশে যাওয়াই স্থির করলেন। বাবার আগে গোপনে মুদী, গরলা, মেঠাইওয়াল ও সব দোকানীদের কাছে গিয়ে বল্লেন, ভাই তোমরা আমার বড় ছেলে মেয়েদের দেখে। তারা বা চাইবে তাই দেবে, তাতে কোন আপত্তি করো না, আমি ফিরে এসেই হিসেব চুকিয়ে দেব। এই ব'লে তাদের হাতে কিছু আগাম টাকা খুঁজে দিলেন।

ছেলেটা বলে, বাবা তুমি কোথা বাবে, আমার জন্তে হীরের খাচি আনবে। মেয়েটা বলে, বাবা আমার জন্তে তবে মুক্তার ফল চাই। ধনপতি তাদের একত্র কোলে তুলে নিয়ে ছেলেকে

আদর করে বলেন, তোমার জন্তে রাঙা বউ আনবো। অন্ননি মেয়েটী বলে, তবে বাবা আমার জন্তে টুকটুকে বর নিয়ে এসো। ধনপতি চোঁকের জলের সঙ্গে হেঁসে ছেলে মেয়েদের মুখ চুসন করে কোল হতে নামিয়ে দিয়ে, মা চণ্ডীর নাম স্মরণ করে নৌকায় উঠে বিদেশ বাত্রা করলেন।

সওদাগর-গিন্নি ভাবলেন, বড় ছেলেটা ও বড় মেয়েটার এত বাড়াবাড়ি ভাল নয়। ওরা সাজগোজ করে বাড়ীতে বসে থাকলে আমার বাছাদের আদর বন্ধ হবে না। বাড়ীর রাখাল ছোঁড়াটার পেছনে কম খরচ হয় না। এই ভেবে, রাখালকে ছাড়িয়ে দিয়ে তিনি তাদের ছাগল ও ভেড়া চরাতে দিলেন। হুই ভাই বোন তোরে উঠে মাঠে যেতো, আর সন্ধ্যা বেলায় বাড়ী এসে ছুঁমুঠা ভাত খেতো।

গিন্নির জাবনা গেল না। আধ-পেটা খেরেও সতীনের ছেলে মেয়ে হেসে খেলে বেড়াচ্ছে, আর আমার ছেলে মেয়েদের রোজ ছুঁবেলা ঘি ছুঁ খেতে দি, তবু বাছারা কেমন রোগা হয়ে শুকিয়ে যাচ্ছে! একদিন ছোট ছেলে ও মেয়ে বলে, মা আমরা দাদা ও দিদির সঙ্গে মাঠে বেড়াতে যাবো। মা বলেন, মাট, তোরা কেন এই রোদে ওই হতছাড়াদের সঙ্গে গিরে খিদের কষ্ট পাবি। বা, ঘরে বসে খেলা করগে। তারা বলে, না মা আমাদের কোন কষ্ট হবে না; তুমি ব্যস্ত হয়ো না, আমরা বরং শীগগির বাড়ী ফিরে আসবো। এই বলে তারা ওদের সঙ্গে ছাগল ভেড়া চরাতে গেল।

হুঁপুঁ চলে গেল, বিকেল হলো; তবু ছেলেরা বাড়ী এল না। বিলম্ব দেখে সওদাগর-গিন্নি বিজের ছেলে ও মেয়ে

জন্তে ব্যস্ত হয়ে বাড়ীর চা'দিক ছুটোছুটি কোরছিলেন। কেন বাছাদের আজ ওই হতভাগা ছটার সঙ্গে যেতে দিলুম। সারা-দিন না খেয়ে দেয়ে বাছাদের মুখ না জানি কেমন শুকিয়ে গেছে। এই ভেবে তিনি তাদের জন্তে মুড়কি, চিড়ে ভাজা লাড়ু, বাতাসা হাতে ক'রে ব্যাকুল হয়ে রাস্তার ধারে দাঁড়িয়ে পথের পানে চেয়ে রইলেন। এমন সময় সন্ধ্যার কিছু আগে, চা'র ভাইবোন বাড়ী ফিরে এলো। ছোট ছেলে ও মেয়ে দৌড়ে এসে বলে, মা, তোমার হাতের খাবারগুলো ফেলে দাও, আমরা ওসব আর কখনো খাব না। দাদা ও দিদির সঙ্গে গিয়ে আজ পেট পুরে যা খেয়েছি, এমন জিনিষ ঘরে কোন দিন চো'কেও দেখিনি। আজ দুপুর বেলা বাজারে দোকানীরা দাদা ও দিদিকে আদর ক'রে কত জিনিষ খেতে দিয়েছে তা আর কি বলবো। দই, দুধ, ক্ষীর সব তো ছিলই, তা ছাড়া সন্দেশ, সুরসগোল্লা, পানতোয়া জিলিপি, অমৃতি, 'লালমোহন', 'ক্ষীর-মোহন' আর কত যে খেয়েছি তার সব নাম আমরা জানিও না। দাদা ও দিদির একটা পয়সা দিতে হলো না। তারা রোজ এই সব খায়; আমরা রোজ তাদের সঙ্গে যাবো, তোমার মানা শুনবো না।

তাই শুনে গি'ল্পি গালে হাঁত দিয়ে ভাবতে লাগলেন। তিনি সব বুঝতে পারলেন। সেদিন রাত্রে তাঁর ঘুম হলো না। খুব ভোরে উঠে তিনি দোকানীদের ডাকিয়ে বসেন, দেখ, আমার বড় ছেলে ও বড় মেয়েকে তোমরা জল খাবার ও জিনিষপত্র ধারে ধরিস, তা ভালোই। আমার 'পেটের' ছেলে মেয়ে যেমন জারাও তেমন। তবে, একটা কথা তোমাদের জেনে রাখা

ভাল, এই জন্মেই তোমাদের ডাকিয়েছি। আজ কম বছর বাবৎ সওদাগর বাড়ীতে নাই। যে দারুণ রোগ শরীরে নিয়ে তিনি বিদেশ-যাত্রা করেছেন, তা তোমাদের না বলাই ভাল। ব্যারাম শরীরে তাঁকে আমি যেতে কত নিষেধ করেছিলাম। তিনি মানা শুনলেন না; বল্লেন, “হাতে একটা পয়সা নাই, বাণিজ্যে না বেরুলে ঘরে বসে কি খাব”। তারপর এ পর্যন্ত তাঁর খবর নাই। ভাবনায় আমার ঘুম হয় না। এদিকে তিনি রাজ্যের দেনা রেখে গেছেন। এর মধ্যে যদি একটা ভাল মন্দ খবর এসে পড়ে, তবে ঠিক জেনো, আমি তোমাদের কাছে একটা পয়সারও দায়ী হতে পারবো না।

দোকানীরা খাবার দেওয়া বন্ধ করলে। তারপর অনেক দিন চলে গেল। কিন্তু গিন্নির ভাবনা দূর হলো না। সতীনের ছেলে মেয়েরা বাড়ীতে আধ পেটা খেয়ে এখনও হেসে খেলে বেড়াচ্ছে! গিন্নি আর কত সহিবেন? এবার তিনি নিজেই গরজ ক’রে ওদের সঙ্গে নিজের ছেলে মেয়েদের মাঠে পাঠিয়ে দিলেন।

গিন্নি সেদিন ব্যস্ত হয়ে পথের পানে চেয়ে বসে আছেন, এমন সময় ছেলেরা বাড়ী ফিরে এলো। ছোট ছেলে ও মেয়ে দৌড়ে এসে বলে, মা, দাদা ওঁ দিদির সঙ্গে গিয়ে আজ যা খেয়েছি তা আর কি বলবো। তার কাছে সন্দেশ রসগোল্লা কোথা লাগে! কুল্লের ভিত্তর গাছে এত সুন্দর ও মিষ্টি পাকা ফল বুলে রয়েছে তা দেখলে চো’ক জুড়ায়, আর একবার মুখে দিলে আর কিছুই খেতে সাঁধ হবে না। আমরা ফলের নাম জানি না, বোধ হয় ‘অমৃত ফল’ হবে। এই দেখ, একটা ফল লুকিয়ে

নিরে এসছি। এই বলে ছোট মেয়ে একটি সুন্দর টুকটুকে লাল ফল মা'র হাতে দিলে।

গিগি আশ্চর্য হয়ে দেখলেন, 'অমৃত ফল' বা আমও নয়, একেবারে 'মোক ফল'! তিনি মাথায় হাত দিয়ে একেবারে ব'সে পড়লেন। হা অদেটে, যে ফল দেবতার ভোগের জন্য সৃষ্টি হয়েছে, তা খেতে এই পৃথিবীর ভিতর আর লোক ছিল না! রাজা মহারাজারা খেলে না, আমার ছেলে মেয়েরা খেলে না, আমিও খেলুম না, আর খেলে কি-না আমার সতীনের ছেলে মেয়েরা! হা বিধাতা, আমার মনে কষ্ট দিয়ে তোমার আশ মিটে না! সে দিন রাতে গিগির ঘুম হলো না। মনে নাকুণ রোগ হলো। রাত্রি পোহাইবার অপেক্ষায় অরো রোগীর ভার ছটকট করতে লাগলেন। খুব ভোরে উঠে, মুড় খ্যাংড়া হাতে নিয়ে দৌড়ে বনের ভিতর গেলেন। 'মোক ফলের' প্রতি ক'টা উত্তোলন ও আফালন ক'রে অভিশাপ দিলেন, খুবদিকে সূর্য ঠাকুর তুমি সাক্ষী, যদি আমি সতী মায়ের গর্ভে জন্মলাভ ক'রে থাকি, যদি আমার উর্দ্ধকূলে কেউ সতী থাকে, তবে পৃথিবীতে এই ফল সকলের অভক্ষ্য হউক, বাহিরে যেমন আছে তেমনি থাক, ভিতর ভস্মবৎ হউক। সতীত্বের অভিসম্পাত সফল হলো। সেই অবধি মোকফল পৃথিবীতে 'মাকাল ফল' নামে পরিচিত হলো।

তার পর আবার অনেক দিন চ'লে গেল। কিন্তু সপত্নী সন্তানদের শ্রীবৃদ্ধি ও সওদাগর-গৃহস্থীর অনেকষ্ট কিছুতেই হয় হ'লোনা। আবারও তিনি নিজের ছেলে মেয়েদের গোঁসেন্দা ক'রে জানতে পারলেন তারা এখন আর কিছু না-পেয়ে গৃহস্থের

ক্ষেতের গম খেয়ে ক্ষুধা দূর করে। তখনকার গম অতি সুস্বাদু ছিল ও সহজেই ভিতরের শাঁস চিবিয়ে খাওয়া যেতো। গিন্নির সন্ত হলো না। তিনি শাপ দিলেন, আজ হ'তে গমের ছাল পুরু হোক, টেঁকিতে পার দিয়ে ময়দা না ক'রে কেউ খেতে পারবে না। অভিশাপ সফল হলো। সতীত্বের অভিসম্পাত শকুনের শাপ নয়।

তার পর দিন, দুই ভাই ভগিনী ক্ষুধা তৃষ্ণা নিবারণের আর উপায় না দেখে অস্থির হয়ে বনে বনে বেড়াতে লাগলো। তাদের ছাগমেঘ হারিয়ে গেল, সন্ধ্যা হলো, তবু খুঁজে পাওয়া গেল না। ছোট বোন বলে, দাদা, কি সাহসে আর বাড়ী গিয়ে মুখ দেখাবে? ওই দূরে গৃহস্থদের বাড়ীতে আলো দেখা যাচ্ছে, চল তাদের আশ্রয়ে রাত্রি কাটিয়ে তারপর যদি সন্ধ্যা দিন খুঁজে ছাগলভেড়া পাওয়া যায় তবেই কাল এক সময়ে বাড়ী যাব।

সেদিন অগ্রহারণ মাসের রবিবার। গৃহস্থদের মেয়েরা ছোট ছোট ছেলেপুলে সঙ্গে ক'রে নাটাই ব্রত কোরছিলেন। ব্রতের উল্খনি ও আলো লক্ষ্য ক'রে দুই ভাই বোন তাঁদের বাড়ীর পাশে এসে দাঁড়ালো। বাড়ীর ভিতর বেতে লজ্জা বোধ হলো। এদিকে গৃহস্থ বাড়ীর মেয়েরা আশ্চর্য হয়ে দেখলেন তাঁদের ব্রতের চার "ভাগ" কচু ও তুলসী পাতা ছয় 'ভাগ' হয়েছে; চার 'ভাগ' চাপাটি ছয় ভাগ হয়ে গেছে। তাঁরা বলাবলি করতে লাগলেন, আমাদের বাড়ীতে চা'টি ছেলে মেয়ে বই তো নয়, আর দুটা কোথেকে এলো? তখনি খোঁজ ক'রে জানা গেল ধনপতি সওদাগরের দুটা ছেলে মেয়ে বাড়ীর পেছনে দাঁড়িয়ে

রয়েছে। অমনি চিন্তে পেরে তাদের সকলে বাড়ীর ভেতর নিরে এলেন।

তাদের কষ্টের কথা সব শুনে গেরস্ত বাড়ীর গিন্নির বড় দয়া হ'লো। চোখের জল আঁচলে মুছে দুঃখ করে বলেন, আহা এমন সোণারটাদ ছেলে মেয়ে! ঘরে বাপ নাই, মা-মরা শিশুদের প্রতি এমন কুব্যবহার মানুষেও করতে পারে! এদের বিমাতা তো নয়, রাক্ষসী। আরও তো কত ঘরে ঘরে সৎমা আছে, সকলে তো অমন নয়। ও পাড়ার বামুন দিদির বড় ছুঁছেলেকে দেখে কাকুর বলবার সাধ্য নাই যে তারা তাঁর নিজের পেটের ছেলে নয়। ছেলেদের প্রতি তাঁর কত আদর যত্ন। একদিন ছেলেরা ছুঁমি করেছিল বলে তিনি বকেছিলেন। তাই দেখে নাপিত বৌ বলেন, আহা, তুমি ওদের বকো বকো না, লোকে শুনে কি বলবে। তাই শুনে বামুনদিদি বলেন, আমি তো ওদের লোক-দেখানো আদর করি না। পরের ছেলে হ'লেই ছুঁমি দেখেও কিছু বলতুম না; ওরা যে আমার আপন ছেলে। বামুন দিদির সুখ্যাতি লোকের মুখে আর ধরে না। আমি ঠিক বোলচি সওদাগর গিন্নির কখনো ভাল হবে না।

বাড়ীর অশ্রু মেয়েরা বলেন, আর তোমাদের ভাবনা মাই; নাটাই ঠাকুরকণ তোমাদের প্রতি মুখ তুলে চেয়েছেন। আমাদের যেমন মনে হচ্ছে, তোমাদের ভালোর জন্তে তিনিই তোমাদের আশ্রয় দিনের বেলা উপবাস ব্যবস্থা করে রেখেছেন, কারণ উপোস ক'রে ঋতুভঙ্গ ও পূজা করে হাতে হাতে কল লাভ হয়। এই ঋতুভঙ্গ সওদাগরের ছেলে মোয়েকে সমাদর ক'রে ব্রত করানেন। ব্রত শেষে তারা প্রণাম ক'রে বর প্রার্থনা করেন, নাটাই

ঠাকুরাণি ! আর আমাদের কষ্ট দিও না, কা'ল বেন ছাগল ও ভেড়া খুঁজে পাই ; নইলে মা'র কাছে আমরা আর মুখ দেখাতে পারবো না । তাই শুনে সকলে হেসে বল্লেন, এ কি রকম বর চাওয়া হলো ! তাঁরা মেয়েটির দিকে তাকিয়ে বল্লেন, যদি বর চাইতে হয় তবে (বিয়ের) বরই চাও । তোমরা দু'জনে এট বর মাগ, ভেয়ের জন্তে বোঁ আর বোনের জন্তে বর সঙ্গে ক'রে বিদেশ থেকে বাপ শীগ'গির ফিরে আসুন ।

রাত্রে আহারের পর বাড়ীর মেয়েরা বল্লেন, নাটাই ঠাকুরগের আশীর্বাদে কা'ল তোমাদের নিশ্চয়ই সুপ্রভাত হবে । • আমরা গরীব মানুষ, তোমাদের জন্তে তাড়াতাড়ি বেশী রকম খাবার আয়োজন করতে পার্লেম না ; আমাদের ক্রটি গ্রহণ করো না । সওদাগরের ছেলে ও মেয়ে বলে, আজ অসময়ে পড়ে তোমাদের হুন খেয়েছি, চিরকাল তোমাদের গুণ ও নাটাই ব্রতের কথা মনে থাকবে ।

পরদিন ভোরে উঠে সকলে দেখলেন, ছাগল ও ভেড়া ঘরের পেছনে দাঁড়িয়ে রয়েছে । আর তখনি খবর পাওয়া গেল দেশের সওদাগরদের অনেক নৌকা বিদেশ থেকে বাড়ী আসছে । তাই শুনে ছাগল ও ভেড়া রেখে দুই ঠাই বোন নদী তীরে ছুটে গেল । এক খানির পর আর এক খানি ক'রে অনেকগুলি সুন্দর পণ্য-বোঝাই নৌকা, গুন টেনে ধীরে ধীরে প্রাথের দিকে আসছিল । তাঁরা একে একে সব নৌকার মাঝিদের ডেকে জিজ্ঞেস করে, ধনপতি সওদাগরের নৌকা কোথায় ? কেউ বলে, দশ নৌকার পর ; আবার কেউ বলে, পাঁচ নৌকার পর । তার পর ধনপতি সওদাগরের নৌকা এসে পৌঁছছিল ।

অনেক বছর পর ধনপতি দেশে ফিরে আসছেন। বাড়ীর জন্তে তাঁর মন ব্যাকুল হয়েছে। ছেলে মেয়েরা কেমন আছে, তাদের এখন কত বড় দেখাবে, অনেক দিন তাঁকে না দেখে গিন্নির স্বভাব এখন অবিশ্বি বদলে গেছে, এইরূপ অনেক কথা স্তাহার মনে উদয় হইতেছিল। নৌকার ভিতর থেকে মুখ বাড়িয়ে তিনি পরিচিত রাস্তাঘাট, গাছপালা, বাড়ীঘর ইত্যাদি দেখে আনন্দ উপভোগ কোরছিলেন। আবার কোন স্থানে নতুন শ্মশান চিহ্ন দেখে তাঁর মন কেঁপে উঠছিল। এইরূপে যেতে যেতে, কতকদূর তিনি নিজের ছেলে মেয়েদের দেখে, অমনি নৌকা হ'তে লাফ দিয়ে আনন্দে আত্মহারা হয়ে তাদের বুকে জড়িয়ে ধরলেন।

ধনপতির সঙ্গে আরও তিন চার খানি নৌকা ছিল। তিনি বিদেশ থেকে অনেক ধনরত্ন সঙ্গে এনেছেন। নৌকার ভিতরে এনে তিনি ছেলেকে হীরের আংটি ও মেয়েকে গজমুড়েকার হার পরিয়ে তাদের মুখ চুসন ক'রে বলেন, তোমাদের জন্তে এর চেয়ে আরও সুন্দর জিনিষ এনেছি! তারা অমনি আগ্রহ ক'রে জিজ্ঞেস করে, আর কি এনেছ বাবা? সওদাগর আদর করে বলেন, তোমার জন্তে রাঙা বউ, আর তোমার জন্তে টুকটুকে বর। তাই শুনে হুঁতাই বোঁন লজ্জার অবনত হলো। এখন তারা একটু বড় হয়েছে!

এদিকে বাড়ীতে সওদাগর গিন্নি ভাবছেন, সতীনের ছেলেরা গেল কোথায়? ছাগল ভেড়া ও ফিরে এল না! নিশ্চয়ই তাঁর ফল খুঁজতে গিয়ে বনের ভিতর বাঘ ভালুকের হাতে মারা গিয়েছে। আহা, যদি বেঁচে থাকতো তবে ওদের দিয়ে সংসারের

কত কাজকর্ম হতে পারতো ! এই বলে তিনি নিজের ছেলে মেয়েদের ডেকে খুব সাবধান ক'রে দিলেন, গ্রামে বাঘের ভয়, তোমরা কখনো ঘরের বাইরে যেও না ।

ধনপতির নৌকা ঘাটে এসে পঁছছিল । খবর পেয়ে, গিন্নি গালে হাত দিয়ে ভাবতে লাগলেন । সওদাগর যে বিদেশ থেকে বিনা সংবাদে সুস্থ শরীরে হঠাৎ বাড়ী আসবেন, তার জ্ঞে তিনি তখন প্রস্তুত ছিলেন না । বড় ছেলে মেয়েদের না দেখে তিনি কি মনে করবেন, আর আমিই বা কি বলি ! আর সময় নাই ; গিন্নি তখনি ধুলায় পড়ে চেঁচিয়ে কাঁদতে লাগলেন । আমার কি হলো গো ! আমি কেন বাছাদের যেতে দিলুম । আমি কত বল্লুম, গাঁয়ে বাঘ এসেছে, চা'র ভাই বোন ঘরে বসে একত্র খেলা কর । আমার কথা কিছুতেই শুনলে না গো ! আমার এরাও যেমন তারাও তেমন ছিল ; পেটের ছেলের মতুন ছ'জনে আমার কত ভক্তি করতো ! আমার কত সাধ ছিল, বড় ছ' ছেলে মেয়ের এ বছরই বিয়ে দেবো ; বিদেশ থেকে সওদাগর এসে নাতি নাতনী দেখে কত সুখী হবেন ! আমার সব সাধ দূর হলো গো ! আমার এখন বেঁচে থেকে লাভ কি ; আমার বিষ এনে দাও, আমি আজই মরবো । আমার এ শোক সহ হয় না !

গিন্নির মায়াকান্না শুনে ধনপতির বড় রাগ হলো । তিনি রাগ গোপন ক'রে স্ত্রীর কাছে এসে সাঙ্ঘনার ছলে বলেন, যা হবার তা হয়েছে, আর মিছে শোক ক'রে ফল কি । আমার এই আফিমের কোঁটটি তোমার বাক্সে রেখে দাও । ছেলেপুলের ভয়, সাবধান ! এটা বিষ । বিষের কথা শুনে গিন্নির বড়

ভয় হলো। তিনি চমকে উঠে চোক তুলে বলেন, না না, ও তোমার জিনিস তোমার ঠেয়ে থাকুক; আমি কোথায় হারিয়ে ফেলবো। এই ব'লে, গিন্নির শোক আবার উথলে উঠলো। ওহো-হোঃ! আমি কি আর এখন বাস্তু খুলতে পারবো গো! আমি যে তাদের কত কাপড়, জামা ও খেলনা কিনে দিয়েছি, সবই তো আমার বাস্তু আছে, তা আমি এখন কেমন ক'রে দেখবো গো!

আঁচলে মুখ মুছে গিন্নি শান্ত হলেন। ধনপতি ভাবলেন, বড় ছেলে মেয়েকে ও তাদের বর-কনেকে আজ হঠাৎ নৌকা থেকে বা'র ক'রে কাজ নাই; এই রাক্ষসীর রঙ্গ আরও একটা দিন দেখা যাক। সে দিন তিন চার নৌকা থেকে বাণিজ্যের জিনিসপত্র মণিমুক্তো জহরত ঘরে তুলতে তুলতে অনেক রাত হয়ে গেল। গিন্নির মনের ভিতর আনন্দের সীমা নাই। এত ধন দৌলত! এ সবই আমার নিজের ছেলে মেয়েরা পাবে। সওদাগর বিদেশে গিয়ে বুড়ো বয়সে আফিম ধরেছেন; কখন কি হয় বলা যায় না। এই সময় কিছু টাকাকড়ি নিজের কাছে লুকিয়ে রাখলে অসময়ে কাজে লাগবে। এই ভেবে তিনি বেশী রাত্রে চুপে চুপে বিছানা হুঙে উঠলেন। বাড়ীর পাশে অনেক দিনের পুরাণো এক পাতকুয়ো ছিল। তিনি তার ভেতর অনেক সোণারপোঁ, মণিমুক্তো ও টাকার তোড়া ফেলতে লাগলেন। কিন্তু বিধাতার নির্বন্ধ! খুব আঁধার রাত, গিন্নি পা ফসকে পাতকুয়োর ভেতর পড়ে গেলেন।

পূরদিন সকালবেলা গিন্নির অপমৃত্যু ও অপমৃত্যুর কারণ প্রকাশ হয়ে পড়লো। কারুর মনে বিশেষ হুঁধ নাই। কিন্তু

ধনপতির চোঁকে ছু ফোঁটা জল দেখা দিল। হাজার হোক, তাঁর স্বী। ভাল শিক্ষা পেলে এতদূর দুর্গতি হতো না।

কিছু দিন পরেই ধনপতি খুব ঘট ক'রে বড় ছেলে মেয়েদের বিয়ে দিলেন। কুটুম্ব ও লোকজনে বাড়ী ভরে গেল। সেই গেরস্ত বাড়ীর গিন্নির ও মেয়েছেলেদের খুব আগ্রহ ক'রে নিমন্ত্রণ করা হলো। সারা দিনরাত কেবল খাওয়া দাওয়ার ব্যাপার। গাঁয়ের প্রাচীন লোকেরা বলাবলি করতে লাগলো, ধনপতি যা করে এমন ঘটাবিটা তারা কখনো দেখে নাই, শোনেও নাই। কিন্তু এত আনন্দ কোলাহলের তিতরেও ধনপতির চোঁকে জল। আজ তাঁর গুণবতী বড় গিন্নির কথা মনে পড়েছে!

সওদাগরের মেয়েটির নাম ধনপৎ-কুমারী। রাত বেশী হয়েছে, বাসর ঘরে এখন কেউ নাই। ধনপৎকুমারী ও তাঁর বর শ্রীমন্তকুমার নিদ্রার ভাণ করে শুয়ে আছেন, এখনো তাঁদের হুঁজনে কথা হয়নি। শ্রীমন্ত বড় লাজুক, প্রথম কি বোলবেন ভেবে পাচ্ছেন না। এমনি সময়ে কুমারীর হঠাৎ নাটাই ব্রতের কথা মনে পড়ে গেল। সেদিন অগ্রহায়ণ মাসের শেষ রবিবার। যে ব্রতের পুণ্যতে আমাদের এত হলো, আজ আমি সেই ব্রত ভুলে গেছি! এই ভেবে তিনি তাড়াতাড়ি উঠলেন। বরণের ছালায় পিটুলি, দুর্বা ও ফুলের মালা ছিল। পিটুলি দিয়ে প্রদীপের শীষে চাপাটি তয়ের ক'রে নাটাই ঠাকুরগের পূজা ও প্রণাম করলেন। শ্রীমন্তকুমার শুয়ে শুয়ে সব দেখছিলেন। প্রদীপের আলোর মুখখানি ভাল ক'রে দেখতে পেয়ে তিনি ভাবলেন, আহা! কি সুন্দর মুখ! কি সুন্দর চোঁক! তিনি আবার ভাবলেন, এত রাত্তিরে পিটুলি দিয়ে পুতুলখেলা কেন?

ভালই হলো, এখনি জিজ্ঞেস করি ; এতক্ষণ পর কথা কইবার বেশ সুবিধে হলো । তখন ব্রত শেষ কবে ধনপৎকুমারী প্রদীপ নিবিয়ে দিলেন । অমনি তাঁরা আশ্চর্য্য হয়ে দেখলেন, ভোর হয়েছে ! ঘরের চা'দিকে মেয়েদের পায়ের শব্দ ! শ্রীমন্ত নিরাশ হলেন, আর কথা কওয়া হলো না ।

পরদিন বাসি-বিয়ের পর ধনপৎকুমারী বরের সঙ্গে নৌকার উঠে স্বপ্নর বাড়ী চলেন । নৌকার ভিতর প্রথম কথা কওয়ার সুযোগ খুঁজে শ্রীমন্ত বলেন, কাল এত রাতে তুমি কি কোরছিলে ? কুমারী লজ্জায় মাথা হেঁট করে ধীরে ধীরে বলেন, “নাটাই ব্রত কোরছিলুম ।” শ্রীমন্ত জিজ্ঞেস করেন, এ ব্রত কলে কি হয় ? কুমারীর ক্রমেই সাহস হলো ; তিনি উত্তর করেন, এ ব্রত কলে সব হয় । এ ব্রত কলে যে যা চায়, সে তাই পায় । তাই শুনে শ্রীমন্ত রহস্য ক'রে হেসে বলেন, তোমার ব্রত কলে দেখছি ‘হারাগো গোরু’ও পাওয়া যায় । ধনপৎকুমারী এবার মাথা তুলে বলেন, হাঁ, ঠিক কথা, আমার নাটাই ঠাকুর-ণের কুপ্যায়, গোরু ছাগল ভেড়া হারিয়ে গেলে আর খুঁজতে হয় না, পরদিন ভোরে তারা নিজেই বাড়ী ফিরে আসে । শ্রীমন্ত আবার রহস্য ক'রে বলেন, আচ্ছা, জিনিস হারিয়ে গেলে যদি আবার পাওয়া যায় তবে তোমার গলার ওই সুন্দর গজমুক্তোর হার, হাতের হীরের বালা ও আরো কএকখানি গহনা দাও, এই পাণের ডিবেয় বন্ধ করে নদীতে ফেলে দি, সাতদিন পরে বাড়ী পঁহছে গহনাগুলো আবার তোমার কাছে দেখতে চাই । নাটাই ঠাকুরণের বড়াই এবার বোঝা যাবে । কেমন ? রাজী আছ ? ধনপৎকুমারী আর কথাটি না কোয়ে, তখনি হারি, বালা ও গানের

অনেক গহনা খুলে পাণের ডিবেয় বন্ধ ক'রে “জয় নাটাই ঠাক্করণের জয়” ব'লে নদীর জলে ছুঁড়ে ফেলে দিলেন। শ্রীমন্ত আশ্চর্য্য হয়ে বল্লেন, কল্পে কি ! কল্পে কি ! আমি শুধু রহস্ত ক'রে বোলছিলাম বই তো নয় !

সাত দিন পরে তাঁরা বাড়ী পঁছলিলেন। আজ বৌভাত। অনেক লোকের নেমস্তন্ন। কিন্তু অনেক চেষ্টা ক'রে কোথাও মাছ পাওয়া গেল না। এখন উপায় ! স্বস্তুর বড় ভাবনার পড়লেন। তখন বউ স্বস্তুরকে ব'লে পাঠালেন, আপনার কোন চিন্তা নাই ; নাটাই ঠাক্করণকে স্মরণ ক'রে জেলেরা নদীতে জাল ফেলুক, তা হ'লে অনেক মাছ পাওয়া যাবে। জেলেরা শাই কল্পে। আর তখনি তারা একটা পাঁচ মণ ভারি ‘রাঘব বোয়াল’ মাছ সকলে মিলে বয়ে নিয়ে এসে, গা মুছে, গামোছার বাতাস খেতে লাগলো। সকলে দেখে অবাক ! এত বড় মাছ কেউ কুটতে সাহস কল্পে না। বউ বল্লেন, আমিই কুটবো। বউ বঁটি নিয়ে মাছের গলা অর্দ্ধেক কাটতেই সেই রূপোর বড় পাণের ডিবে বেরিয়ে পড়লো ! তার ভেতর বৌয়ের সব গহনা পাওয়া গেল। শ্রীমন্তের মুখে সকলে ঘটনা শুনে আশ্চর্য্য হয়ে বলাবলি করতে লাগলেন, ইনি তো বউ নন, স্বয়ং লক্ষ্মী ! সেই দিন থেকে নাটাই ঐতের কথা স্বস্তুরের দেশেও ঘরে ঘরে প্রচার হয়ে গেল।

কএক বছর পর ধনপৎকুমারীর এক সুন্দর ছেলে হলো। তাঁর স্বস্তুর খুব ঘট ক'রে নাতির অনুরোধের উযাগ করলেন। কিন্তু স্বস্তুরের মনে স্থখ নাই। গাঁয়ে খুব জলকষ্ট দেখে তিনি অনেক টাকা খরচ ক'রে এক পুকুর কাটিয়েছিলেন, কিন্তু তাতে কিছুতেই

জল উঠলো না। জলাশয় প্রতিষ্ঠা ক'রে পুণ্য সঞ্চয় করবেন, বছরদিনের আশা বিফল হলো। কি দারুণ পাপে এমন হলো ভাবতে ভাবতে বুড়ো সওদাগরের প্রায়ই ঘুম হতো না। তার পর অন্তপ্রাশনের আগের দিন রাত্রে তিনি যে স্বপ্ন দেখলেন, তাতে তাঁর প্রাণ যেন উড়ে গেল। স্বপ্ন দেখলেন, “যদি নরকের ভয় থাকে, তবে কাল অন্তপ্রাশনের পর নাটিকে কেটে পুকুরে ফেলবে, তা হ'লে জল উঠবে ও পরকালে তোমার অক্ষয় স্বর্গলাভ হবে।” এই দারুণ স্বপ্ন দেখে বুড়ো সওদাগরের চো'কের জলে বালিস ভিজ়ে গেল। আজ তাঁর বাড়ীতে ক্রিয়া, অনেক বেলা হয়ে গেল তবু তিনি বিছানা হতে উঠছেন না। মহবৎ ও সানাই তাঁর কাণে বিষ ঢেলে দিতে লাগলো। তিনি বিছানায় ছটফট করতে লাগলেন। ব্যস্ত হয়ে শ্রীমন্ত বাপের কাছে গেলেন। অনেক কষ্টে সওদাগর মুখে তুলে বলেন, যে ভীষণ স্বপ্ন দেখেছি তা কারু কাছে বোলবার নয়, শোনবারও নয়। আমি ঘোর পাপী, আমার নরকে বাস হোক, সেই ভাল, আর এ মুখ কা'কেও দেখাবো না। তারপর তিনি ছেলেকে স্বপ্নের কথা গোপনে বলেন। চো'কের জলে তাঁর বুক ভেসে গেল।

শ্রীমন্ত মাথায় হাত দিয়ে বসে পড়লেন। আজ তাঁর হরিষে বিষাদ! তখনই সামলিয়ে আবার উঠে দাঁড়ালেন। চো'কের জল মুছে বাপকে বলেন, বাবা আজ আমি খন্ড হলেম! নরকের ভয় থেকে উদ্ধারের জন্তেই লোকে পুত্র পৌত্র কামনা করে। আপনার পৌত্রকে দিয়ে আপনার অক্ষয় স্বর্গবাস হবে, এটা চাইতে আমার আনন্দের কথা আর কি হতে পারে! আজ আমার পরম সৌভাগ্য! আমার জন্ম সার্থক হ'লো! নাটাই-

কর্ণের পুণ্যের কথা স্বরণ করুন। আপনি আর খেদ করবেন না, আপনার আশীর্বাদে আমার আরো পুত্রলাভ হতে পারবে। আপনার স্বর্গ কামনা করে আজ আমি এই শিশু উৎসর্গ করবো। আপনি উঠুন, আপনার চোঁকে জল দেখলে আমার অধর্ম হবে। এই ব'লে শ্রীমন্ত বাপের পায়ের ধুলো মাথায় নিয়ে অন্তপ্রাশনের পর পুষ্করিণী উৎসর্গের জন্তে প্রস্তুত হ'তে চল্লেন।

শ্রীমন্ত ভাবলেন, এ কথা স্ত্রীকে বলে কাজ নেই। হাজার হোক, মায়ের প্রাণ। এ সংবাদ শুনে তিনি হাহাকার ক'রে উঠবেন, আর আমার প্রতিজ্ঞা রক্ষা করা হবে না। অন্তপ্রাশন হয়ে গেল পর তিনি ছেলেকে কোলে নিয়ে গোপনে পুকুর পাড়ে গেলেন। শ্রীহরির পাদপদ্মে শিশুকে মনে মনে নিবেদন ক'রে, সাহসে বুক বেঁধে, পিতার স্বর্গকামনার শিশুকে ছুঁতে ক'রে কেটে পুকুরে ফেলে দিলেন। অমনি এক নিমেষে পুকুরে জল উঠে ভ'রে গেল। [এই সময় কথক ঠাকুরাণী আলিপনার মধ্যস্থিত "পুকুরে" একটা ফুল ছিঁড়িয়া ফেলিয়া উহা জলপূর্ণ করিয়া থাকেন। অল্প রমণীরা ছলুধ্বনি করেন।] পুকুরে হঠাৎ জল উঠেছে শু'নে গ্রামের লোকদের আনন্দের সীমা নাই। তখনি পুরূৎ ডেকে পূজা ক'রে পুকুরের প্রতিষ্ঠা করা হলো।

ধনপৎকুমারী সারাদিন ব্রাহ্মণেরে ছিলেন। অনেকক্ষণ শিশুকে না দেখে তাঁর মন চঞ্চল হয়ে উঠলো। তিনি দাসীদের বল্লেন, ছুধ উঠে আমার বুক ভেসে যাচ্ছে, আমার ছেলে এনে নাও। তখন কেউ বল্লেন ছেলেকে সে বাপের কোলে দেখেছে। কেউ বল্লেন, ছেলে তার খুড়োর কাছে; আবার কেউ বল্লেন ছেলে তাঁর ঠাকুরদার কোলে ঘুমুচ্ছে।

সন্ধ্যা হয়ে এলো। ধনপৎকুমারী ভাবলেন, শুনতে পাচ্ছি নূতন পুকুরে জল উঠেছে। আমার খোকার কত ভাগ্যি, তারই ভাতের দিনে এতকাল পর পুকুরে জল উঠলো। একবার পুকুরে গিয়ে গা ধুয়ে আসি। এই ব'লে তিনি পুকুর ঘাটে গেলেন। সে দিন অগ্রহায়ণ মাসের রবিবার। ধনপৎকুমারী পাড়াপড়শী মেয়েদের উলু শুনতে পেয়ে চমকে উঠলেন। যে ব্রতের পুণ্যতে আমার এত হলো, আমি সেই ব্রত ভুলে গেছি! পুকুরপাড়ে পূজার ফুল, ছুর্কা ও আলো চা'ল ছড়িয়ে পড়ে ছিল। তিনি তাই কুড়িয়ে তাড়াতাড়ি পিটুলির চাপাটি তয়ের করে ব্রত করলেন। অমনি নাটাই ঠাকুরগণ নিজ মূর্তিতে প্রকাশ হলেন। তাঁর কোলে ধনপৎকুমারীর জীয়াস্ত ছেলে! দেবী রাগের ভাণ ক'রে কুমারীর গালে ঠোনা মেরে তার কোলে ছেলে দিলেন। আর বল্লেন, তোর ছেলেকে সেই কখন এরা কেটে পুকুরে ফেলেছে, আর এখন সন্ধ্যা হলো, এখনো তুই ছেলের খোঁজ কচ্চিসনে! আমি পুকুরের ভেতর আর কতক্ষণ তোর ছেলেকে কোলে নিয়ে ব'সে থাকবো। এই ব'লে নাটাই ঠাকুরগণ আকাশে মিশে গেলেন।

ধনপৎকুমারী ছেলে কোলে ক'রে এসে ঘরের মেজের ভিজ্রে কাপড়ে শুয়ে রইলেন। তাঁর মনে বড় অভিমান হয়েছে; তাঁকে না বোলে কোয়ে এঁরা এমন ভয়ানক ছলনার কাজ ক'রে ফেল্লেন! তাঁর পাশে ব'সে, ঘরের দো'রে কপাটের শিকল নেড়ে, ছেলেটা হেঁসে হেঁসে খেলা কচ্ছিল। ছেলেকে দেখে লোকুলে যারপর নাই আশ্চর্য্য হয়ে দৌড়ে এল। স্বপ্নর বল্লেন, মা! তুমি মানুষ না দেবতা? বাড়ীর উঠানে লোকে লোকা-

রণ্য হলো। নাটাই ঠাকুরের রূপায় হারাণো জিনিস পাওয়া যায় ; আবার ছেলেকে কেটে ফেলোও জীবন্ত ফিরে আসে, — শুনে সকলের ভক্তি উথলে উঠলো। নাটাই ঠাকুরের জয় জয়-কারে চা'দিকে ছেয়ে গেল।

এ ব্রত কল্পে কি হয় ? বিয়ে হয়। আর কি হয় ? ছেলে হয়। আর কি হয় ? হারাণো ধন পাওয়া যায়। আর কি হয় ? সব হয়।

পাটাই ব্রত ।

শাস্ত্রোক্ত পাষণ-চতুর্দশী ব্রতের রূপান্তর পাটাই ব্রত। 'পাষণ হুর্গা' উপাস্ত্র দেবতা। ইহা অগ্রহারণে করণীয়। কিন্তু উক্ত মাসে ব্রতসংখ্যার প্রাচুর্য বশতঃ ব্রাহ্মণেতর জাতীয়দের অনেকেই পৌষের শুক্লা চতুর্দশীতে মায়ংকালে ব্রতের অনুষ্ঠান করিয়া থাকেন। কেহ কেহ মধ্যাহ্নে পূজা সমাপন করেন। ব্রত না হওয়া পর্যন্ত উপবাসে থাকিতে হয়। "আড়াই ব্যঞ্জন" ও অন্ন রন্ধন করিয়া দুই খালায় নৈবেদ্য সাজাইতে হয়। ঝোল, তরকারী ও ভাজা এই কয়টাকে "আড়াই ব্যঞ্জন" বলে। পূজাস্ত্রে এক খালা নৈবেদ্য ধোপানীর প্রাপ্য, অত্র খালা ভুইয়ালা পাটয়া থাকে। এতদ্ব্যতীত, সঙ্গতিপন্ন গৃহে পৌষ পার্বণের স্মার পিষ্টক ও পরমান্নের বিপুল আরোজন হইয়া থাকে। সুতরাং এ দিনের "আড়াই ব্যঞ্জন" প্রকৃত পক্ষে পঞ্চাশ ব্যঞ্জনের সমতুল্য।

বীরণ ভূগ (চলিত কথায় বেণাঘাস) সার্ক দুই হস্ত পরি-
মিত দীর্ঘাকারে জড়াইয়া লইবে। ইহারই নাম 'পাটাই'।
ষত্জন রমণী ব্রত করিবেন ততটী পাটাই নিৰ্মাণ করিতে হয়।
এইগুলি অন্তঃপুরের প্রাঙ্গণে ঘনসন্নিবিষ্ট করিয়া এক সারিতে
রোপণ করিবে। সম্মুখে এক ক্ষুদ্র "পুকুর" করিয়া চতুঃপার্শ্বে
আলিপনা দিবে। পাটাইগুলি সরিষাফুল ও গেঁদা ফুল দ্বারা
সজ্জিত করা হয়।

নৈবেদ্যের অন্ন গৃহিণীরা স্বয়ং রন্ধন করেন বলিয়া কায়স্থদের
গৃহে ব্রাহ্মণ পুরোহিতেরা এই ব্রতের পূজা করেন না। কিন্তু
পুরোহিত উপস্থিত থাকিয়া মন্ত্র বলিয়া দেন, গৃহকর্ত্রী স্বয়ং পূজা
করেন। ধ্যান যথা ;

ওঁ সিংহস্থা শশিশেখরা মরকতপ্রক্ষা চতুর্ভিভুজৈঃ।

শঙ্খং চক্রধনুঃ শরাংশ্চ দধতী নেত্রৈস্ত্রিভিঃ শোভিতা ॥

আমুক্তান্দহার কঙ্কণরণং কাঙ্কিঙ্কণ মূপুৱা।

হুর্গা হুর্গতি হারিণী ভবতু নো রত্নোল্লসংকুণ্ডলা ॥

পরদিন প্রত্যুষে কাক ডাকিবার পূর্বে পাটাইগুলি প্রাঙ্গণ
হইতে তুলিয়া পুকুর পাড়ে রোপণ করিতে হয়। ইহা ভূঁইমালীর
কর্তব্য।

পাটাই ব্রত কথা।

এক বিধবা বামুন ঠাকুরণ। তাঁর বৌয়ের ছেলে হয়ে বাঁচে
না। বউটী দেখতে গুনতে মন্দ নয় ; তবে এক দোষ ছিল,
হৃৎ-ধড় লোভ। হুধ জাল দিয়ে লুকিয়ে সরটুক খেয়ে ফেলতেন।
বার-বারে জন্তে ঘরে ভাল খাবার তৈরি হ'লে তাঁর নোঁলা

সগৰগিৰে উঠতো ; লুকিয়ে নৈবেদ্যের আগ খেয়ে ফেলতেন ।
 ঝাণ্ডুরী টের পেলে, বিড়ালে খেয়েছে বলে বুঝিয়ে দিতেন ।
 জিভের দোষ তাঁর কিছুতেই গেল না । এজ্ঞে তাঁর উপোস
 করা হতো না, ব্রতের ফলও হতো না । এদিকে ষষ্ঠী ঠাকুরণ
 তাঁর বাহন বিড়ালের উপর মিছে বদনাম শুনে কুপিত হলেন ।
 ফলে, বৌয়ের ভাল হলো না । তাঁর সম্ভান হয়ে বাঁচতো না ।
 মাহুলি তাবিজ কবচ সবই বৃথা হলো ।

অগ্রহায়ণ (অথবা পৌষ) মাস, কা'ল বাড়ীতে পাটাই
 ব্রত । ব্রাহ্মণীর রাতে ঘুম হলো না । তিনি অনেক ভেবে চিন্তে
 স্থির করিলেন, বউকে কোন কাজে আটকে রাখবো যাতে সে
 সারাদিন উপোস ক'রে থাকে, আর ঘরে ব্রতের আয়োজন টের
 না পায় । এই ভেবে ঘরে বসত ময়লা কাপড় ছিল তাতে তিনি
 তেল ও কালী মেখে রাখলেন । ভোরে উঠে বউকে বল্লেন,
 বউ, এ কাপড়গুলি ধোপাবাড়ী পাঠিয়ে কাজ নেই, তুমি এগুলো
 পুকুর থেকে বেশ ক'রে ধুয়ে নিয়ে এসো । কাপড় কাচা শেষ
 না হ'লে বাড়ী ফিরিও না । বউ চলে গেলে পরে ব্রাহ্মণী তাড়া-
 তাড়ি রান্না বান্না ও পিটে পায়স তয়ের করে ব্রতের আয়োজন
 করতে লাগলেন ।


এদিকে বউ পুকুর ঘাটে সারাদিন খেটে তেল কালীর দাগ
 কিছুতেই উঠাতে পারলেন না । খিদেয় তাঁর প্রাণ যেন বেরিয়ে
 যেতে লাগলো । তখন প্রায় সন্ধ্যা হয়েছে । পাড়ার গেরস্ত
 মেয়েদের উলু (কেহ 'জয়কার' বা 'জোকার' শব্দ ব্যবহার
 করেন) শুনতে পেয়ে তাঁর হঠাৎ মনে পড়লো, ওই যাঃ ! ভুল
 তো পাটাই ব্রত ; ঘুরে কত পিটে পায়স হয়েছে, তা ফেলে

আমি এখনো উপোস ক'রে আছি ! অমনি ঘাটে কাপড় ফেলে তিনি বাড়ী ছুটলেন । খাবার লোভে তাঁর নোলায় জল সরতে লাগলো । রাস্তার ধারে বেণাঘাসের ঝোপ ছিল । তাঁর ধারাল পাতার সাড়ী আটকিয়ে বউ হঠাৎ পড়ে গেলেন । তাঁর মুখ থেকে আড়াই হাত লম্বা জিভ বেরিয়ে বেণাঘাসে জড়িয়ে গেল । তিনি বেহুস হয়ে পড়ে রইলেন ।

ব্রত শেষ ক'রে ব্রাহ্মণী বৌয়ের ভূর্গতির খবর পেয়ে দৌড়ে এলেন । পূজার ফুল ছুঁবা ও জলের ছিটা পেয়ে বউ উদ্ধার হলেন । তাঁর প্রকৃত চেতনা হলো । সেই দিন থেকে ব্রত উপবাস শিক্ষা করলেন । পাটাই দেবীর কুপায় ছেলেপুলে হলো, ষষ্ঠী ঠাকুরের কোপ গেল । ব্রাহ্মণী বউ নিয়ে সুখে ঘর করা করতে লাগলেন ।

প্রণাম । সর্বমঙ্গল মঙ্গল্যে শিবে সর্বার্থসাধিকে ।

শরণ্যে ত্র্যম্বকে গৌরি নারায়ণি নমোস্তুতে ॥



সমাপ্ত



সরল ভাষায়

চৌকিদারী আইন ও পঞ্চায়তের

কার্যবিধি ।

(তৃতীয় সংস্করণ ।)

মূল্য ১/৬ ছয় আনা মাত্র ।

ডেপুটি ম্যাজিস্ট্রেট শ্রীযুক্ত পরমেশ প্রসন্ন রায়, বি এ, প্রণীত । এই পুস্তক হাইকোর্টের জজ, চীফ সেক্রেটারী, কমিশনার, জেলার ম্যাজিস্ট্রেট প্রভৃতি কর্তৃক উচ্চ প্রশংসিত । ব্যারিষ্টার ও উকীলদের সুন্দর সমালোচনা আছে । অমৃতবাজার, বেঙ্গলী, মিরর, বঙ্গবাসী, বসুমতী, সময়, প্রতিবাসী, এডুকেশন গেজেট, বর্দ্ধমান সঞ্জীবনী, মেদিনীবান্ধব, বাঁকুড়াদর্পণ, বীরভূমি, ঢাকা-প্রকাশ, ফরিদপুরহিতৈষী, বরিশালহিতৈষী, ত্রিপুরাহিতৈষী, রঙ্গপুরদিকপ্রকাশ প্রভৃতি পশ্চিমবঙ্গ ও পূর্ববঙ্গের সমস্ত সংবাদপত্র একবাক্যে উচ্চ প্রশংসা করিয়াছেন ।

কর্তৃপক্ষের অনুজ্ঞায় এই পুস্তক বর্দ্ধমান, প্রেসিডেন্সি, ঢাকা, রাজসাহী ও চট্টগ্রাম বিভাগে পঞ্চায়তের পাঠ্য নির্দিষ্ট হইয়াছে । একখানি বই ঘরে রাখিলে অনেক অত্যাচার নিবারিত হইবে ।

শ্রীগুরুদাস চট্টোপাধ্যায়

বেঙ্গল মেডিক্যাল লাইব্রেরী

২০ নং কর্ণওয়ালিস ষ্ট্রীট, কলিকাতা ।

বিবাহ বাসরের প্রথম সুখস্বপ্ন ।

সেই এক রাত্রে সুখস্বপ্ন । যে দিন এই লক্ষ্যহীন জীবনাকাশে প্রথম প্রবর্তার কথা দিয়াছিল । সেই ব্রীড়া-নিপীড়িতা, পুষ্পমালা-বিভূষিতা, নববধু—জীবনের প্রথম অবস্থানের কথা দিয়া—সেই নীলোৎপল নিম্নিত চক্ষে, কি যেন একটু স্বপ্নের মোহ—বিছাতের কথা লইয়া আমার মুখের দিকে চাহিয়াছিল । জীবনে সব ভুলি-য়াছি—সে দিনের কথা ভুলি নাই । সুখরজনীর শেষ যাম । বাসরের আনন্দ কোলাহল ডুবিয়া গিয়াছে—নিদ্রা, সমাগত রমণীদের আমার প্রমোদগৃহ হইতে বিতাড়িত করিয়াছে । বাসরের ফুলের মালা, দলিত হইয়া গন্ধহীন হইয়াছে—আর সেই নিদ্রা-কাতরা দেববালা আমার পার্শ্বে একাকিনী উপাধান অবলম্বনে নিদ্রিতা চেতনা রহিতা । কি সুন্দর মুখ । কি সুন্দর চক্ষু । কি সুন্দর কেশরাশি—আর সেই কেশরাশি বেটন করিয়া কি এক স্বর্গীয় সৌরভ ! কই ! ফুলের মালা ত অনেকক্ষণ শুকাইয়াছে—তবে এ প্রক্ষুটিত সহস্র বেলা-চামেলী-মল্লিকার সুবাস আসে কোথা হইতে । প্রিয়তার কুন্তলের নিকট গিয়া আবার গন্ধ পাইলাম । সে জাগিয়া উঠিল । লজ্জায় মাথায় কাপড় টানিয়া দিল । আমি জিজ্ঞাসা করিলাম—মাথায় আজ কি মাখিয়াছ—যাহার আত্মাণ শতবার লইয়া আমি তৃপ্ত হইতেছি না ? অনেক পীড়াপীড়িতে জড়িতভাবে উত্তর পাইলাম কে-শ-রঞ্জন । আপনিও কেশ-রঞ্জনের সহিত পরিচিত হউন । এক শিশি ১, টাকা ; মাশুলাদি ১০ আনা । তিন শিশি ২।০ মাশুলাদি ১১।০ । ডজন ২, টাকা ; মাশুলাদি স্বতন্ত্র ।

আনন্দে নিরানন্দ ।

অনেক ভাগ্যকলে, গৃহস্থের একটা সুসন্তান জন্মে । হিন্দু শাস্ত্র মতে সন্তান না হইলে, মানবের পরলোকে গতি হয় না । কিন্তু আজকাল লোকের এ আনন্দে নিরানন্দ আসিয়া জুটিয়াছে । সুখের উজ্জ্বল আলোক—কালহস্তে সজোরে নির্বাণিত হইয়া দুঃখের ঘোর তমসা আনিয়া দিতেছে । বাল্যবিবাহ-জনিত অকাল মর্ড ও অকাল প্রসবের সংখ্যা বাড়িয়াছে । প্রসব সময়ে এক এক প্রসূতি এমন বিপন্ন হইয়া পড়েন—যে তাহার জীবন রক্ষা করা ভার হইয়া উঠে । একদিকে যেমন বিয়ের সম্ভাবনা, অশ্রুদিকে চিকিৎসাশাস্ত্রের মঙ্গলময় বিধানে—সেইরূপ প্রতিকারের ব্যবস্থাও আছে । আমাদের “প্রসূতারিষ্ট” প্রসবের পূর্বে ও পরে স্বচ্ছন্দে সেবন করান যাইতে পারে । পূর্বে সেবিত হইলে ইহা সুপ্রসবের সহায়তা করে, প্রসূতির শরীর বলহীন হইতে দেয় না । প্রসবের পরে ইহা প্রসূতির শরীরে বলদান করে, সুখা বৃদ্ধি করে এবং অর উদরাময় প্রভৃতি অনেক উপসর্গের প্রতিরোধ করে ।

মূল্য প্রতি শিশি ১, টাকা । প্যাকিং ও ডাকমাশুল ১০ আনা ।

গভর্ণমেন্ট মেডিক্যাল ডিপ্লোমা প্রাপ্ত

শ্রীনগেন্দ্রনাথ সেনগুপ্ত কবিরাজ,

১১ ও ১২ নং বোম্বার টিম্পুর রোড, কলিকাতা ।



